

74-93
c.2

T.B.M.M

DDC:
YER: 74-93
YIL:
CLT: 2
KSM:
KOP:
DEM: 74-100

KÜTÜPHANE

ایکنجی قسم

اساس تعیه

۱ — مختلف صنفلر و بونلرک مشترک وظیفه لری حقنده

عمومی معلومات

۴۹ — معین و خصوصی ماهیتده کی بروظیفه حربیه نک یاییلمسنی تأمین ایده جک واسطه لر و سلاحلرله مجهز اوله رق وجوده کتیر یلئس اولان « تشکیللره » صنف دیر لر .

وقبله وسائط حربیه آز و بسیط ایکن صنفلرده آز دی . وسائط چوغا لاقه صنفلرک جنسی و مقدار لری ده آرتمشدر . چونکه دشمنی یکمک احتیاجندن متباداً وسائط و بو وسائطدن ده یکی یکی صنفلر دوغمشددر .

۵۰ — وظیفه سنه و سلاحنک خاصه سنه کوره هر صنفک خصوصی تشکیلاتی، قابلیتی و اصول محاربه سی و اردر . محاربه دن غایه دشمنی طرد و احاطه ایده رک هدفی آلد و اتمک و طوتمقددر . ایشته بوتون صنفلرک فعالیتلری بو غایه یه وارمق نقطه سنده برلشیر . بناءً علیه صنفلرک تعیه لرند و خصوصیتلر اولقله و فعالیتلری محلاً متفرق جریان ایتمکله برابر تأثیر لرند و اشتراک و اتحاد تام تأمین ایدلمیدر . بونتیجه سوق و اداره ایله و بوکاعلاوه هر صنفک دیگر صنفلرک تعیه لری حقنده معلومات کافی بی حائز اولماسیله استحصال ایدیلیر .

۵۱ — احاطه و سائطنک آرتمسی و شدتلمسی صنفلرک بر برینه

اولان احتیاجلری آرتدیرمشدر .

مثلاً: وقتيله بر پیاده و بر سواری قطعه سی کندی وسائط خصوصیه لریله بر محاربه بی باشار ایلیردی. شیمدی بوا مکان آزالمشدر. پیاده و سواری نك بروطفه حریبه بی طو بیحسز یا به بیلمه لری احوال استثنائی به انحصار ایده جکدر. ایشته بو حال ده مشترک و متحد تأثیرک لزوم و اهمیتنی تربید ایتمکده در.

۵۲ — کتابک بو قسمنده ، مختلف صنفلرک خصوصی تشکیلاتی و قابلیتی و خصوصی تعبیه و طرز استفاده ملرندن بحث ایدیه جکدر .

پیاده

پیاده نك وظیفه سی ، و قابلیتی ، اسلحه سی و تجهیزاتی

۵۳ — پیاده نك وظیفه سی : نتیجه قطعی بی استحصالی و او نتیجه نك دوامی و استقراری بی تأمین ایتمکدر . بو اعتبارله بر صنف اصلیدر . و دیگر صنفلرک فعالیتلری بو صنفه کوره تنظیم و اداره ایدیلیر .

۵۴ — پیاده نك اوصاف و قابلیتی : محاربه وظیفه سنك اساسی و مرکز ثقلی پیاده ده اولدیغه نظرأ قابلیتکده اوکا کوره یوکسک اولسی لازمدر . پیاده نك قابلیتی افرادک شخصی قیمتلرنده و تسلیحات و تجهیزاتنده اوراق اوزره ایکی یرده آرایه جغز .

افرادک شخصی قابلیتلری ده آشاغیکی یرلرده تجلی ایدر:

آ (اخلاق و معنویاتنده :) وظیفه به مربوط ، جسور و وحشی فداکاری ایله مشبوع . . . الخ اولمایدیر) . کرچه بو خاصه لر هر

صنّفدهده لازمدر . فقط پیادهده دها زیاده تیه ایدملیدر .
چونکه پیادهنك محاربسی چوق مهلك شرائط داخلنده جریان ایدر .
بوندن باشقه زمان حاضر محاربهرلینك طرز جریانلری اقتضاسی ده
پیاده چوق یرلرده متفرق ومستقل وضعیتده بولنه جقدر .

ب (بدنی وعضوی قابلیتند : پیاده کیجه ، کوندوز وهرنوع
شرائط هواشیه ایجریسند و اراضیده صرند و اونوز کیلولقی یوک
اولدینی حالده یورومك ، برچوق مانعلری آشفق ، برچوق محرومیتله
قاتلانق مجبوریتنده قاله جقدر . بواشیه آنجق یوکسك برقابلیت بدنیه
ایله ممکندر .

ح (معلومات وملکهلرند) (تعلیم و تربیه لرند) : پیادهنك محاربسی
آتش و اراضیه چوق مربوطدر . بناء علیه اراضی حقنده و آغیر
اسلحهنك تأثیراتی حقنده این معلومات صاحبی اولمالیدر . بوندن
باشقه کندی کندینه قرار ویرمبیله جك و اوکا کوره حرکت ایدم جك
و بوحرکتی ، حبیله و خدعه ایله تقویه ایدم جك برقابلیتده بولونمه لیدر .
کرچه پیادهنك اصول محاربسی دیگر فنی صنفله نسبة بسطدر .
فقط چوق یوکسك برملکه به احتیاج کوستریر . بونی تأمین اتمک ایشه
کوجدر . همت وزمانه متوقفدر .

بورایه قدر صایباحش اولان اوج قابلیت اوقدر مهمدر که بونلرک
یوکسکلکی مادی اولان بك چوق نقصانقلری تلافی ایدم بیلیر .

پیادهنك سلاحلری و تجهیزاتی

۵۴ — حرب عمومیده آتش وسائلی بالذیجه آتشك شدتی
آرتدی . بناء علیه پیادهنك ایلروله مسی کوجلشدی . وایلروله مهلك

• مؤثر بر صورتده آتشله حمایه سی لزومی حاصل اولدی . بوحایه .
 وظیفه سی اساس اعتباریله طویچییه ویریلدی . فقط هر زمان هر
 یرده ایجابی قادار طویچی بولوندرمق ممکن دکلدر . اولسه ده
 اکثریتله طویچینک آتشی مهم اولان بر استقامتده طویلانیر . دیگر
 استقامتلا امال ایدیلیر . بوندن باشقه طویچیلر پیاده نك اوزاغنده
 بولونور . هواء اراضی ومسافه، هدفك وضعیت کی اسباب وعوامل
 دولایسیله طویچی ر جوق عملرده پیاده نك اوزراپه جفی مشکلاتی
 کوره مز، آکلایه مز وقالدیره مز . ایشته بواحوال سینه پیاده نك
 بالذات کندی امریده وکندی یاننده بولونجق برحایه سلاحی ایله
 تقویه سی لزومی حاصل اولدی . فقل بویله بر سلاح ایچون شرائط
 مخصوصه به احتیاج واردر .

مذکور شرطلرک اساسلری اسلحه نك هر یرده هر نوع شرائط
 تحتنده پیاده سنه رفاقت ایده بیلمسی یعنی نقل قابلیتک زیاده اولماسی
 عینی زمانده ، پیاده یه انکل اوله جق دشمنك مقاومت یووالرینی
 تخریب ایده بیلمه سیدر . بریسی آغیرانه ، دیگرکی تأثیره تعلق ایدنی
 بویایی خاصه نك عینی سلاحده تأمین هنوز ممکن اولمادی . واساس
 اعتباریله نقل قابلیتک فضله لئی ایچون تأثیر فدا ایدلدی . بر قاج
 نوع سلاح استعمالی ضرورتی حاصل اولدی ، بونلره [آغیر
 پیاده سلاحلری] ده نیلدی . خصوصی برقطعه حالنده پیاده قطعه لرینه
 ربط ایدلدی . بوندن باشقه بالذات پیاده نك طاشیدنکی سلاحلر
 واردرکه ، بونلرده (خفیف پیاده سلاحلری) دینمکده در .

•• — کرک آغیر وکرکه خفیف پیاده سلاحلری آرهنده
 دیک مرهی یولی سلاحلر بولونمسی لازم کلدی . چونکه

عارضه‌لی اراضیده و سېرلرده كېزله نمش اولان هدفلر آنجق دېك آتېشلرله
 ازېله بيلور . بودېكلكه لزوم كوستن ديگر برستېبده شودر :
 معلومدر كه بياده سلاخلرى بياده نك يېقىنده بولونه چغندن دائما
 الا شەتلى بر آتش منطقه خنده قالور دېمكدر . بوضعيتده بوسلاخلرك
 آجېق موضعهده بولونمەلرى چوق كوچدر ، بئزاً عليه قبالى موضعدن
 آتش ائتمەلرى لازمدر . ايشەنه بولزومده آنجق مرمى يوللارېنك
 دېكلكى ايله تېمېن ايديلور .
 دېمك كه : بودېكلك مؤثر اولمق فقط متأثر اولماق احتياجلارېنى
 تېمېن ايدن مهم بر خاصه در .
 بياده سلاخلرېنك خاصه قابليتلىرى آشاغېده جدولده كوسترلمشدر :

پیاده سلاحلرینک خاصه وقابیلترینی کوستور .

جدول [*]

نوصو (۱)

ملاحظات	موز منزلری	میخانیککی خاصه لری				معمی بوللرینک شکلری	سلاحلرک نوع واسملری	
		اتش سر عشاری	بریدیرینک آغیر لقلری	آغیر لقلری	چابری			
۲۵۰۰ آغیر صرمی واندیرکت انداختلرنده استعمال ایدیلیر .	۰۰۰۰۰۰۰۰	۵۰۰	۱۰	۶۴	۷,۶	م	آغیر ما لشلی تفک	آغیر پیاده سلاحلری
	۰۰۰	۴	۵	۶۰۰	۶۰۵	سانیم (*)	پیاده طوبلری	
	۱۳۰۰	۳	۴,۶	۲۱۵	۲,۶	سانیم	بومبا طوبلری	
	۹۰۰	۱۰۰				دیک موز می بوللی		
	۲۰۰۰	۵	۱۰	۴,۵	۷,۹	م	تفک مع قصا طوره	
صورتلر نشانگاه ومخرجلارک مساعد مترلر در .	۸۰۰	۵۰۰	۱۰	۷,۹	۱۵	ک	خ . م . ن	خفیف پیاده سلاحلری
	۲۰۰					م	طبانجه	
	۸۰۰		۸	۱۰۰	۹	غ		
	۱۰۰	۴	۵۰۰			غ	تفک بومباسی	
	۲۵	۱۰	۱۰۰			غ	آل بومباسی	

۵۶ — بوجدولك محتوياتنه نظراً بياده (۳۵ : ۳۰۰۰) متره مسافه داخلنده ديك ولاتيقي مرمرى يوللى آتيشلار يابهجق و بوصورتله آجيق و قبالى هدفله مؤثر اوله جقدره فقط مذكور سلاحلر مياننده بياده نك اك مهم سلاحى ما كنه لى تفشكوردور . ديكر لرندن ايسه آغير قللى و جبهخانه لر نك ا كالنده كى مشكلات طولايديسيله دواملى استفاده ممكن اولماز .

۵۷ — معروض قالنه جق هدفلر باشقه باشقه ماهيتده و وضعيتده اولدقلرندن بونلره مؤثر اولمق ايجون متنوع سلاحلر يابمق كفايت ايتهدى . عيني زمانده مذكور سلاحلر ك متنوع جبهخانه ايله تجهيزى لزومى حاصل اولدى . آشاغیده جدول جبهخانه لرك انواعى كوسترر :

[۰] جدولده كى رقلر ، بر فكر مخصوص و بر مك ايجون يازيلش وسطى رقلردور .
 [۰*] ياپيلى منصور ياد ، طويلر نك بو ثقلده اولسى مناسب كور و لمكده در

بیاده مر میلرینک خواصنی کو ستر جدولر

(۲)

سلاح جنسی	جیخانہ لڑک جنسی	جیخانہ لڑک محل استعمالی و تأمین ایدکاری فائدہ لڑ
فتک (بیاده جنورن) : ایدکاری	بیضی مرمی	شمیدی همان یوق کیدر .
	سیوری	منزلی آرندیر مشدر . عمومیتله استعمال ایدیلن مرمی بودر .
	آغیر	منزلی آرندیر مشدر . بالتیجه آ. م. ت. لرده اندیره کت انداخت قابلیتی قازانمشدر .
	جلیک جگر دکلی	دلہ قوتنی آرندیر مشدر . طیارہ لڑہ وزرہلی وسائطہ قارشی قوللانیلیر .
	ضیا ایزلی	طیارہ لڑہ آتیشمه و مرمی دملرینک سیورنی تعقیب ایدہ بیلمہ یه یاوا .
دو مان ایزلی	دومان ایزلی	کوندوزین طیارہ لڑہ آتیشہ یارار و مرمی بولنی کو ستر
	یانقین	یانقین جیقاروق ایچون .
	تخریب مرمیسی	اساس مرمیدر . احتراقی و مصادمالی و تعویقلی اولاروق قوللانیلیر .
	زرہ مرمیسی	۶۰۰ متر و مسافده زرہلی وسائطہ قارشی قوللانیلیر [زرہلی اولو موویلارہ و تاغ لڑہ قارشی]
	تنور مرمیسی	کیجہ لین تنورہ یارار . [۵۰۰ : ۱۰۰۰] متروک بر ساحہ ۳۰ نانیه تنور ایدر .
دو مان ایزلی	خبر مرمیسی	اک ایلریدکی محاربه خط لرندن کری به دوزرو راپور آتما یه یارار . ۱۵۰۰ متر و مسافیه آمار .

بیاده نك تجهیزاتاتی

۵۸ — بیاده نك تجهیزاتاتی میانشده اك مهم اولانلر :

غاز ماسك لریله ، قازما و كورمك تشكيل ایدر . هر ایکسی ده
قورونمیی تأمین ایدر . بوندن باشقه : سلاحلرک تجهیزاتاتی اولارقی
بیاده یه ویرلکده اولان نشانکاه دورینلری ، اوزاق مسافهلری
کورمه یه واورالره آتیشه ؛ داترملی اربه جق ده طیاره لره آتیشه یاراده
وبو اربه جقلر ما کنه لی تفنک لرده بولنور .

۵۹ — بتون بوسلاحلر و تجهیزاتات ابله کرجه بیاده یه اهمیتلی
برقابلیت ویریلشدر . فقط مذکور اسلحه نك منزللرینک کوچوکلی
ویا پاچقلری آتش کتافنک آزلنی ، احتیاجی تماماً تأمین ایدر مه مکدر .
بونلر آنجق اصل آتش عنصری اولان طویجینک آتشی اکال
وتقویه ایتمکده در .

مع مافیه بیاده ، طویجی اولمادیغی زمانده بیله هر هانگی بروظیفه
حریری باشی باشه یا پاچق برقدرتی حائز اولدیغنه قناعت ایتملیدر .
بونقصان کندی وسائط ماده یه سندن باشقه کندیسنک فردی
اولان قابلیتلریله تلافی ایدلملیدر . (بیا . آغ . ۱/۴)

بیاده نك تشکیلاتی

آ = عمومی معلومات

۶۰ — تشکیلاتک محاربه نك ایجاباتنه اویغون اولسی ده
یوقارلرده سویلنمشدی . بواساسه کوره بیاده نك تشکیلاتنده شو
ملاحظه لر نظر دفته آلمشدر :

آ) پیاده اکثریتله نتیجه قطعی دواملی مصادمه لره قازانیر .
 بونک ایچون پیاده نك ممکن مرتبه تلفانسز و دیری اولارق مصادمه
 محله وارمش اولمسی لازمدیر . بوسیدن ، تشکیلاتده ، جزء تاملرک
 مصادمه و آتش قوتلرینه آیرلمسی ضرورتی حاصل اولمشدر . مصادمه
 قوتی آتش ایتمه یه مجبور اولمقسزین ، و اراضیدن تماماً استفاده ایدرک
 دشمنه یا قلاشیر . آتش قوتی ده بوقلاشمه یی حمایه ایدر . بالنتیجه
 مصادمه قوتی ده زنده اولاراق مصادمه مسافه سنه ایصال ایدلمش
 اولور . بالکیز دوشونولمیدرک ، آتش قوتی اولنادینی زمانلرده ،
 مصادمه قوتی بالذات آندی آتشنه استناداً ایش کوره جکدر .

ب) پیاده نك محاربه سی طاغنیق بر شکله جربان ایتمکده در .
 بونک ایچون بر قطعه قونداننك قطعه سی تماماً و دائماً کوز آلتنده بولندیرمسی ،
 و سسی ایله اداره ایتمسی امکانی قالمامشدر . بناءً علیه پیاده جزء تاملرینه
 ارتباط و مخبره وسائل و اشخاص ویرلمسی اهمیت قازانمشدر . بونلر
 سوق و اداره واسطه سیدر .

۶) بونلردن باشقه بتون منفردده مشترک اولان ، جیخانه اکالی ،
 احاشه ، محیه خدمتلرینه مقتضی تشکیلات واردیر .

۶۱ — ایشته بوملاحظه لره کوره بر پیاده جزء تامنك تشکیلاتی
 تحلیل ایدر ایسه ک شونلری بوله جغز :

۱) بالفعل محاربه ایدرک قسم { مصادمه }
 { آتش } قوتلری

۲) سوق و اداره : امر و قومانداه یائی و ارتباط و مخبره تشکیلاتی

۳) اکال ، احاشه خدمتلرینه مقتضی قسم .

ب — پیاده جزء تاملرینک تشکیلاتی

پیاده مانعه‌سی

۶۲ — مانعه‌ک کوچوک بر پیاده جرؤتامیدر . موجودی بر مانعه قوماندانی ایله ۸ نفر ، که جا ۹ کیشیدر . مانعه قوماندانی برکوچوک ضابطدر . نفرلردن اک قدملیسی و مستعدی مانعه قوماندانی وکیلی اولور . مانعه‌لر طاقم داخلنده نومرو صیره‌سیله جاغیریلیر .
پیاده مانعه‌سی ایکی نوعدر :

۱) پیاده آوجی مانعه‌سی

۲) پیاده خفیف ماکنه‌لی تفنک مانعه‌سی .

۶۳ — مانعه‌لرده آوجیلر مصادمه قوتی ، دیکرلر آتش قوتی .

تشکیل ایدر . بوکانظرآ مانعه‌لرک مرکباتی شویله‌در :

آ) پیاده آوجی مانعه‌سنده :

۱ قوماندان

۶ آوجی

۱ تفنک بومباچیس

۱ آل بومباچیس (هر نفرده بومبا استعمال

۹ ایده جکدر . فقط بونفر صورت

مخصوصده یتشیدیرلشدیر .

ب) پیاده خفیف ماکنه‌لی تفنک مانعه‌سی :

۱ قوماندان

۲ خ . م . ت افرادی (بری نشانجی)

۵ آوجی

۱. گسکین ناشنجی (بوده آوجی کیدر. یالکز
 نشان دورینی واردر .

اوزانده کی هدولری داهائی
 کورور وورور .)

بونلردن آتش عنصرلری، مانغلرک ایلریله مسنی آتشرلیله حمایه
 ایدرلر. فقط عینی زمانده هجوملرده اشتراك ایدرلر.
 مانغلرک طاقلریله مخابره لری ایچون مخابره فناری وفلامه کی
 بسیط وسائط مخابره ابله تجهیز ایدلش اولماسی فائده لیدر (پیا. تع ۳۳۸)

پیاده طاقی

۶۴ — پیاده طاقی بر ملازم قومانداسنده در . و محاربه لرده
 آنجقی أمرله سوق ایدیلیر. بونک ایچرن ارتباط وسائطنه واشخاصنه
 احتیاج واردر. بناءً علیه تشکیلاتی بوکا کوره ایکی قسمدن مرکبدر:
 ۱) طاق قوماندانی وادکانی :

ایکی خبرچی ، و بر بوروجی ویا ترامپتجیدن مرکب
 بونلر مانغلرلر داخونده اولوب محاربه زمانده طاق قومانداننک
 چلننه کیدرلر .

۲ — بالفعل محاربه ایدمچک قسم :

۱ : ۳ خ . م . ت مانغله
 لاقیل ایکی آوجی مانغله میور .

شوقدبرده طاقم اصوری ۳ مانده در. اعظمی یدی مانفہ نی تجاوز
ایتمہ ملیدر. چونکہ فضلہ سی ادارہ ایدیلہ من .
خ . م . ت و آوجی مانفہ لرینک عددلری آردہ سندہ کی نسبت
تقریباً ۱۰ قدر اولسی موافقدر.
طاقم بلوک داخلندہ نومرو آلیر. ویا قوماندانک اسمیلہ چاغیریلورہ
۶۵ — محاربہ لردہ محاربہ لک طرزجرمانہ کوردہ متعدد مانفہ لردن
وصنوف سائرہ دن مرکب محاربہ غروبلی تشکل ایدر . بو محاربہ
غروبلیرینک امر و قومانداسی اک قدمی مانفہ قوماندانی ویا خود بالذات
طاقم قوماندانی در عہدہ ایدر .

پیادہ بلوکک تشکیلاتی

- ۶۶ — بلوک آئیدہ کی قسملردن مرکبدر :
- (۱) بلوک قوماندانی و ارکانی (بر کوچوک ضابطہ ایلہ بر قاج
خبرچی، و بر بوروجی کہ تقریباً بش کشیدر) .
 - (۲) ۳ پیادہ طاقتی .
 - (۳) بلوک محاربہ قدمہ سی (بلوکدہ کی اساحہ نک جیخانہ لریلہ
بومبا طاشیر) .
 - (۴) صحیہ : بر صحیہ کوچوک ضابطی ایلہ ایکی لسكرہ و سکر
لسكرہ جی .

بلوک بونلردن باشقہ محاربہ وظیفہ سی دولایسیلہ آغیر اسلحہ ایلہ
(آغیر ما کینہ لی تقنیک بومبا طوی ۴) ایلہ تقویہ ایدیلہ پیلیر . بلوکلر
آلای داخلندہ نومرو آلیرلر . گورولبور کہ بلوک خفیف پیادہ
اسلحہ سیلہ مجہزدر . بناءً علیہ اساس اعتباریلہ برہمہ مادہ جزو نامیدر .

طابورك تشكىلاتى

۶۷ — طابور شوقسملردن مركيدر :

- | | |
|--|---|
| ۱ — سوق و اداره قدمهسى | } آ — طابور قوماندا اركانى (طابور دوكتورى حساب مامورى داخل) |
| ۲ — بالفعل محارب ايدى جك | |
| ۳ — بىوك آغيرلىق (اشيا و ارزاق طاشير) | } آ — ۳ بياده بلوكى
ب — بر آغير ماكنه لى توفك بلوكى |
| ۴ — طابوره محارب لرده اكثر بته بومبا و بياده طوبلرى الحاق ايديلير . خصوصى وظيفه لر ايچون سوارى طويچى ، استحكام . . الخ) . كى صنف لره تقويه ايديلير . بناء عليه طابور كرك تشكىلات اساسيه سيله و كرك سه تقويه ايدلمش حاليله هر هانكى برتعيه وظيفه سنى ياپه بيله جك بر جزؤ نامدر . | |

آغير ماكنه لى توفك بلوكى

۶۸ — آغير ماكنه لى توفك بلوكى خصوصى تشكىلاته تابىدرو شودر :

بلوك :

- | | |
|---------------|---------------|
| } دن مركيدر . | بلوك اركانى |
| | ۳ طاقم |
| | محارب آغيرلىق |

[*] يوقا ريلرده يازيلدىنى وجهله قطعه لك نوماندانى قرارىنى و اميرلىنى و برر . مخبره قطعه سى بواصر لرى كوتورر . شوخالده سوق و اداره ايشنى اكجال ايدن مخبره قطعه سيدر . بناء عليه بوقطعه بر سوق اداره واسطه سيدر . و قوماندا هيايله بر (كل) تشكىل ايدهر .

آ — بلوك ارکانی : برکوچوك ضابطك قومانداسنده ترصد
وسائلی (تله متره و مقاصلی دورین) و ارتباط و مخاره و سائلی
(تلفون) ایله مجهز آتلی و یا مخاره افرادندن عبارتدر .

ب — طاقم :

طاقم ارکانی
تفك قدمه سی
جیخانه قدمه سی } دن مرکبدر .

طاقم ارکانی : برتله متره جی ایله خبرجیدن عبارتدر .

تفك قدمه سی : ۳ تفك : هر تفكده بر تفك قوماندانی ایله

دورت نومرو نفری و دورت حیوان وارددر . بو حیوانلرله تفك
و مجهزاتی ایله برابر تقریباً (۵۰۰۰) فشك طاشیرلر .

جیخانه قدمه سی : برکوچوك ضابط قومانداسنده بهر تفك

ایچون اوچ حیوان حسابیله دو قوز حیوان ایله بر سقا حیوانندن
مرکبدر . جیخانه قدمه سنده شازورلرده اولق اوزره ۶۰۰۰ فشك
وارددر . طاقملرک ۳. نجی تفكکری بالخاصه دشمن طیاره لرینه انداخنه
تخصیص ایدلمشدر .

۷ (محاربه آغیرانی) : بهر تفك ایچون تقریباً ۴۰۰۰ فشك

طاشیر بوفشكکر عادی جیخانه صندوقلرنده در .

بو صورتله بر بلوك : (تقریباً ۱۸۰ انسان ، ۸۰ حیوان

و ۱۵۰,۰۰۰ بهر فشك) دن عبارت اولور .

۶۹ — ماکنالی تفك بلوکی واقسامنک یوقاریده کی تشکیلاتی

سایه سنده اندیره کت انداخت یاپه بیله جککر و ایجاب ایده رسه طاقلمه
آیریله رق محاربه ایده بیله جککر در .

پیاده آلا نیک تشکیلاتی

۷۰ — آلا ی شو قس لردن مر کبدر :

(۱) سوق و اداره قدمه سی } آ — قومانداتیات ارکانی (تقسیم وظایف
تابع پیاده . نع . ۳۳۰)
ب — محاربه قطعه سی .

آ — ۳ پیاده طابوری
ب — آغیر اسلحه (بر
۲) بالفعل محاربه ایده جک قسم } خفیف بومبا بطریقه سی بر پیاده
بطریقه سی آلتیشیر طولی (

۳) ا کمال } خفیف پیاده جیخانه قوی .

۷۱ — بونلردن طابور لری تشکیلاتی یوقارده کورولمشدر .
پیاده بطریقه سی هنوز یوقدر . ایجاب ایدریه بونلی یرینه جبله
بطریقه لری استخدام ایدیه جکدر . (پیا . نع . ۱۶۰ حاشیه)
بناء علیه بوراده یالکیز بومبا بطریقه لرندن بحث ایدلمشدر .

بومبا طوبی بلوکی

۷۲ — بلوک شونلردن مر کبدر :

۱) محاربه بلوکی
۲) بیوک آغیرلق

محاربه بلوکی

آ) بلوک ارکانی ، (بلوک قطعه سی)
ب) طوب قدمه سی

ح) جیخانه قدمه سی .

د) محاربه آغیرلنی .

آ) بلوک ارکانی :

برکوک ضابط قوماداسنده ترصد وسائلی و مخا بره افرادی
حاوی برقطعه در . (ترصد آراهه سی ، مقاصلی دورین)

ب) طوپ قدمه سی :

بهری ایکی طویدن مرکب اوچ طاقدیر .

ح) جیخانه قدمه سی :

بهر طاقم ایچون الی مرعی طاشیان آراهه ویا حیوانلردن
مرکبدر .

د) محاربه آغیرلنی :

تعمیر وسائط و اشخاصندن مرکبدر .

۲) بولک آغیرلق :

اشیا ویه جک طاشیر .

۷۳ — بومبا بلوکلی همان اکثر احوالده طاقچه استخدام

ایدیلیر . بوسیدن طاقلرک باشلی باشنه ایش کوره بیله جک وسائلی
حامل و تشکیلاته تابع اولسی لازمدر . بوکا نظراً طاقک تشکیلاتی
زیرده کوسترلشدیر :

بومبا طاقی شونلردن مرکبدر :

آ) طاقم ارکانی (قطعه سی)

ب) طوپ قدمه سی

(۲) جیبخانه قدمه‌سی

(آ) طاقم ارکانی (قطعه‌سی) :

طاقم چاروشنك قومانداسنده اوله‌زق ایکی نشان دائرة سیله بر مقاصلی دوریین وتله‌متره، تله‌فون کی ترصد و آتیش و مخاربه وسائطیله مجهز بر قطعه‌در . بوقطعه‌ده عینی زمانده اوچ کیسلیك بر استحكام غروب بولنقه‌ده در . طاقم قطعه‌سی جمعا (۱۲) كوچك ضابط و نفر در .

(ب) طوب قدمه‌سی :

ایکی طوپدن عبارتدر . بهر طوپك بر قوماندائی ۶ نومرو نفری و ۴ حیوانی وارددر . حیواننردن بریسی جیبخانه حیوانی اولوب ۱۲ مرمی طاشیر .

طوپلر :

حیوانات صرتمده

پارچه پاچه انسان صرتمده

حیوان ایله جر صورتیله / اودق اوزره دوت صورتله طاشینیر .

انسان جر صورتیله

(ح) جیبخانه قدمه‌سی :

جمعا ۹۶ مرمی طاشیر . ۸ جیبخانه حیوانیله صحیه و بدك وسائطی

... دن مرکبدر . بوسورتله جمعا بر بومبا طاقمی (۲۳ انسان ۲۳

حیوان ۱۲۰ مرمیدن) عبارتدر .

۷۴ — بومرکباتیله آلائی بوتون آغیر پیاده اساحه‌سی حاوی

و پیاده به متعاق محاربه وظائفی باشلی باشنه پایمغه قادر تام بر قطعه‌در .

بناء علیه آلائی (پیاده محاربه‌سی جزو نامی) دنیله بیلیر .

آلای کرک محاربہ لردہ و کرکسہ خصوصی وظائف ایچون (طوبچی و سواری استحقاقی ، تائق ... الح) صنفلرله تقویه ایدیلیر . بعض اردو لردہ پیاده آلاینه خصوصی تشکیلاتی حائر کشف مفرزه لری ویرلمشدر .

پیاده نك شكاری

۷۵ -- محاربہ مقصدینه توافق اتمه یں هیچ بر شکلت استعمال و تعلیمی جائز دکلدر . پیاده نك ایکی نوعی شکلی واردر .
(۱) یناشیق شکالر: قطعہ نك ضبط و ربطی تأسیسنه و آلدہ بولونماسنه یارار .

(۲) طاغنیق شکالر: قطعہ نك نسبتاً آلدن جیقمه سنی انتاج ایدر . فقط محاربہ ایچون قوللا نیایر .

پیاده نك یناشیق شکالری بلوکده نهایت بولور . طابور و آلایده معین شکالر دکل وضیمته کوره مختلف ترتیلر قوللانیلور .

آ — یناشیق شکالر


۷۶ یناشیق شکالر آشاعیده کی جدولده کوسترلمشدر :

②

شكلاک-می	هانگی جز و نامده قوللا سیدینی
صف	مانغه ، طاقم ، بلوک
بلوک قولى	بلوک
مانغه قولى	طاقم ، بلوک
يورويش قولى	طاقم ، بلوک
ايکيش قوللا	مانغه ، طاقم ، بلوک
بررله قول	

ترده نه ايجون قوللا سیدینی	مخاربه خارچنده اجماع ايجون
	مخاربه ده زياده حاضر واراضدين استفاديه مساعد بروضعيته
	اوله رق حرکت و اجماع ايجون.
	بوشکلده مانغه قوماندانلری مانغله ليک باشنده بولونديغندن اتی تدبيرل اتخاذی استلزام ايدون وضعيتلرده حرکت ايجون.
	صورت عموميه ده يورويش ايجون.
	طار يوللاردن و مخاربه انساننده دانه چورقورلرندن کچمک ايجون .

طاغمت صف شكار



ب - داغنيق شكلر

۷۷ — پياده ده داغنيق شكلر يالكز مانغه لرده در . ديكر جزؤ تاملرده وضعيته كوره ترتيبات آلور .
پياده ده داغنيق شكلر اولارق :

آوجي قولى } واردر .
آوجي خطلى }

آوجي قولى : نفرلر ك تعيين ايديله جك مسافه ايله بربرينك كر پسند .
يورومه نرندن عبارتدر . بوشكل آتش آلتنده حركت وطار ستره لردن .
استفاده ايجون قوالايلير .

آوجی خطی : نفرله تعیین ایدیه جك آره اقلرله یاز یانه برزنجیر
تشکیل اتمه لرندن عبارتدر . بالخاصه جهه استقامتنده آتش ایچون
قوللانیلیر .

۷۸ . داغنیق شکلدرده شواماسلر دوشونولمایدیر :

آ — مانعه قوماندانلری بریره باغلی قالماز . مجاورلری ، دشمنی
واراضی بی ایی نوره جك وجهله یرینی وحر کتنی تعیین ایدر .
ب — مسافه وآره اقلرک آز [ن آدیمن آشاغی] اولماسی تلفاتی
آرتدیرر . چوق اولماسی سوق اداره بی کوچلشدیرر . بناء علیه مسافه
وآره اقلرک دائماً آتسه ، آراضیه ومانعه یه ویریلان منطقه نك طارلغه
ویا کنیشلکنه کوره تعیین ایدیلیر .

۶ — دشمن آتشنک تأثیرینی تنقیص اتمک مقصدیله آوجی
خطی برینه مختلف آوجی کومه لری تشکیل اولنور .









۷ — داغنیق شکلرک تشکیلنده ویربله جك قومانداده : مانعه نومروسی
استقامت ، آرائق مسافه آله جق شکل [مثلاً آوجی قولی] ذکر ایدیلور .

آغیر ماکنه لی وبومبا بلوکلرنده شکلر

۷۹ — کرک آغیر ماکنه لی تفنک و کرکسه بومبا طوبلری .
عینی شکلری استعمال ایدرلر .

آ — یناشیق شکلر

۸۰ — یناشیق شکلر شونلردر :



برآغیر ما کنه لی تفنک یوکنک شکلری .

شکلر اسملری	هانکی جزء ناملرده	نرده ونه ایچون قوللانیلدیغی
صنف	تفنک، طاقم، بلوکده	اجتماع ایچون
بلوک قولی	بلوکده	محاربه ائناسنده حرکت ایچون .
ایکیشرله قول	تفنک، طاقم، بلوک	اساس یورویش شکلیدر .
بررله قول	تفنک، طاقم، بلوک	طار یوللردن ویا محاربه ائناسنده یورویش ایچون .

ب — داغنیق شکلر

۸۱ — ما کنه لی تفنک قطعه لر نده یالکیز نک تفنکلرده آوجی قولی آوجی خطی کبی طاغنیق شکلر وارددر . بوشکلر تفنکلر ایندیرلمش اولدیغنه نظر آ استعمال ایدیلور . آره اق ومساقه معین اولماز . آتش ده اراضینک حالنه کورده کیشور . ما کنه تفنکلرک محاربه ده اله جقلری وضعیت آتشلرینک، مؤثر اولماسنی کندیسنه تأمین ایده جک بر شکلر در یالکیزدقت ابدیله جک شی' تفنکلر آره سنده ۵۰ مترودن آشاغی رآراق بر اقلما مسیدر .

پیاده نک یورویشی وحرکتاری

۸۲ — پیاده ایکی درلو حرکت ایدر . علی العاده یورومک ، قوشمق یورومک :

پیاده نک اساس یورویش قراری علی العاده یورومه سیدر .

جو پور ویشده او یغون آدیم ایله اولورسه آدیم اوزونانی ۰،۷۵ سانتیمتره در
 و دقیقه ده (۱۱۰ یعنی ۸۲،۵ متره) آدیم آتار. فقط عادی آدیم دره که
 دواملی یورویشلر بو آدیله یاییلور. بو اوزونلق و مسافه لر اراضینک
 هوانک حائنه عسکرک یورغوناغنک درجه سنه کوره ده کیشیر. وسطی
 براراضیده و یول اوزرنده قطعه جه یاییلان یورویشلر ده پیاده نک
 یورویش قراری ساعتده ۴ کیلو متره اوله رق حساب ایدلمش در .
 اراضی صار پلاشد قجه بومقدار آزالیر .

قوشمق

۸۳ — پیاده نک قوشمه سی کرک آتشدن و کرکسه
 کورونمندن قورتولوق ایچون معین بر ساحه نی چابوق کچمک ویا بر
 هدفه سرعتی وارمق کی استثنائی حاللر و آاز دواملی زمانلره انحصار
 ایدر . بونده کی قرار معین دکدر . قطع ایدیله جک مسافه ایله
 کوسترلده سی ایجاب ایدن سرعت، متفرق ویا مجتمع اولوب اولمایه جغه
 کوره ده کیشیر . قوشه رق کنیش بر ساحه نی کچمک لازم کلدیکی
 زمان صیجرامه لرله حرکت ایدیلیر .

آشقی ، آتلاق ، طیرمانق

- ۸۴ — پیاده وسطی اوله رق :
- آ — ۴۵ درجه لک میللری طیرمانمایدیر .
- ب (۱،۵ متره ارتفاعنده کی مانعلری آشه لیدر .
- ۷ (۱،۱۰ متره عرضنده کی مانعلری آتلا بیللمایدیر .

پیاده آغیر اسلحه سنک حرکتلری

۸۵ — آغیر اسلحه سی ده حرکتده پیاده یه تابعدر . بناءً علیه یورویش قراریده پیاده کییدر . سلاح استرلری پیاده نك طیرمانمایه مجبور اولمق سزین چیقاقنی هریدن چیقار و اینر . یالکیز مانعلری (کنیشلکنه و یوکسکلکنه) آشقی خصوصنده تماماً پیاده یه رفاقت ایدمز .

پیاده نك آتشلری

و آتشلرک اداره سی

عمومی ملاحظه

۸۶ — پیاده نك آغیر و حقیف اسلحه سی ، مقدارلری و منزللری و خواصی سائره سی حقنده (۱) نومرولی جدولده معلومات ویرلدی .

وجودلدن شونتجه چیقار :

آ — حقیف پیاده اسلحه سی مستقل دکلدر . بالذات پیاده افرادی طرفندن طاشینیر . کرک بوسلاخلرک قابلیتلری — که تأثیرلری خفیفه که فدا ایدلمشدر — و کرکه قوللانانلرک محاربه ده کی وظیفه لری و وضعیتلری دولایسه یله مذکور سلاخلردن جدی برحمایه ، قطعی بر تأثیر بکله مک دوضری دکلدر . بوسلاخلر اولسه ، اولسه دیگر آغیر سلاخلر بولونمادیفی و یا خود کافی بکله دیکی زمانلر ،

معاون و متمم واسطه اوله رق قوللانیلیر . و تأثیرلری تخریب دکلدره آنجق صیندیرمه ماهیتنده در .

حقیف پیاده اسلحه سنک تأثیرلری تنقیص ایدن عاملاردن بریسی ده بو سلاحلر ایله مجتمع و کثیف آتش یا یما-انک امکانسز ایدر . چونکه حقیف ماکنه لیلر حد ذاتنده بویه بر تأثیره مساعد دکلدر . تفشکرله ایسه محاربده اکثریتله متفرق وضعیتده بوله جقدر . بوله بر وضعیتده مجتمع آتش یاییلمق امکان نادراً حصول بولور . بوسلاحلرک حامللری اولان آوجیلر عین زمانده مصادمه ایله مکلفدرلر . نه علیه ضرورت قارشیدینده بولونماقجه بوسلاحلرله آتش مخاربیه سنه کیریشمک هوسنده بولونولما لیدر .

ب (آغیر اسلحه مستقل برقطعه در . و منحصرأ آتش و حمایه ایله مکلفدر .

آغیر ماکنه لی تفشک آجیق هدفله قارشى احکار دیکر سلاحلر (بومبا و پیاده بطریه سی) عینی زمانده تخریبکار بر تأثیرى حائزدرلر . بناء علیه بونلرک استخدام و فعالیتلرنده اساس آتشلرینک مؤثر و حمایه لرینک منمر اولمسیدر . بوسلاحلرله عینی زمانده مجتمع و کثیف آتشلر یاییلمسى ممکندر .

حقیف پیاده سلاحلرینک آتشی

آ — پیاده توفشکرینک آتشی

۸۷ — پیاده ایکی نوع آتش واردر .

(۱ — منفرد — سربت آتش .

(۲) اداره لی قطعه آتشی .

پیاده ده آتش آجق امرنی مانغه قوماندانی ویرر . طاقم
قوماندانك آتش آچامسی امرنی ویرمی مستننا حالاره انحصار ایدر .
آتش ؛ امری ویرمدکجه هیچ کیسه آتش آچاماز . یقینده
تهلکلی وفائده لی هدفلر ظهور ایدر سه امرسز نفر آتش آچه بیایره
منفرد آتشد . امر آلان نفر هدفنی نشانگاهنی انتخابده
سربستدر . وپیاده نك ا کثرتله قوللانه جنی آتشد . بودر .
منفرد آتشد . تأثیر درجه سی :

(آ) کوچوک هدفلره قارشی آنجق یقین مسافه لرده [*] اصابت
و تأثیر ایدر .

(ب) وسطی مسافانده برقاچ منفرد آتش خصمی صافلانمایه
مجبور ایدر .

طیاره لر قارشی يك یقین مسافه لرده منفرد آتش ، و تراوله بیلیر .

(۷) بعض کره برمانغه یرینه ، کسکین نشانجی قوللانمق موافق
اولور . بونلر (۱۰۰۰) متره داخنده دشمنه باش قالدیرتمازلر .

قطعه آتشی : هدف ؛ نشانگاه ، نشان نقطه سی مانغه

قوماندانی طرفندن تعیین ایدلک آتش آچامسی و کسکیمسی
امر ایدلک صورتله یاپیلان آتشد . آتش باشلادقدن صوکره ؛

[۰] مسافه لر درت نوعدر :

۱۰۰ : ۱۰۰ ال یقین مسافه

۱۰۰ : ۴۰۰ یقین مسافه

۴۰۰ : ۸۰۰ اورته مسافه

۸۰۰ : ۱۰۰۰ بویوک مسافه

آتشك سرعتمك نشانكاه و انسان نقطه سنك تبريلنده نفر سر بستدر .
بو آتس شو كې محملرده قوللايلير .

آ — كورونمه به مانع اراضيده ، خفيف ما كنه ليلرك و اراميه جنی
وقاور اياما به حنی هد فله قارشى .

ب : خفيف ما كنه لى تفك صفدن خارج قالمش ايسه اولك
يرينه قائم اولق ايجون .

ح — بردن بره يقين مسافهلرده ظهور ايدن دشمنه قارشى .

د — انضاطى غائب ايتس قطعه ني تيكرا د اله آلق ايجون .

قطعه آتشك تاثيرى : ۶۰۰ متره مسافه ده ائى يرلشمش بر
دشمنه مؤثر در . ۶۰۰ : ۸۰۰ متره مسافه ده درين و بوكسك هر فله
مؤثر در . بويوك مسافهلرده موفقيت ممكندر .

طياره لره قارشى : بيك متره ارتفاع ده كى طياره لره قارشى (۸۰ :

۱۰۰) تفكك ائى اداره ايدان بر آتش مؤثر اولور . آتش : نع ۱۹۹۰ .

۸۸ — يان آتشلر لخالصه مؤثر در . بياده دائما بوكا غيرت

ايتمه ليدر .

ب — خفيف ما كنه لى تفكك لرك آتشلىرى

۸۹ — خفيف ما كنه لى تفكك لره نه اوزاق مسافدن ونه ده

سوره كلى آتشلر اجر اسنه مساعد دكللدر .

آنحق ۸۰۰ متره دن آشاغى اولان مسافله ۳ : ۸ ، مرميلك

كسيك آتشلر بايار .

طياره لره قارشى دائره وى آرا باحق قوللانق شر طيله تقريباً آنحق

۵۰۰ متره دن مؤثر در .

آتش : نع : ۱۹۹۰ ، ه مراجعت !

آتش ؛ تفنك باشك امرى ايله آچباير. مستتنا حالدرده طاقم قوماندانى امر ايدر .

ج — تفنك بومبالرينك آتشی

۹۰ — مستور بروضعیتده ، مستور هدفله قارشى مؤثر در .
بونلر طاقم برطوبچیسى متابهنددر .
طاقم قوماندانى ایجابنده ، مثلا : مقارمتلى هدفله قارشوسنده
بونلری طویل اوله رق قوللانمق — ورتيله قابلیت تخریبیه نی حائز
برا آتش قوتی آلدہ ایتمش اولور .

د — آل بومباسی

۹۱ — نتیجه قطعه زماندرینه مخصوصدر . خاصه طاعلق
اراضیده وسپر شبکه لری داخاندہ وبقینده جریان ابدہ جک محاربه لرده
اک مؤثر برسلاحدر .
بعض اوردولرده مدافعه یه و تعرض مخصوص اوله رق ایکی دورلو
بومبا قولانیرلر .
تعرضه مخصوص آل بومبالرينك انفلاق منافع لری آز مثلا :
(۱۰) متره اولدینی حالده ، مدافع لرده ده ا فضلدر مثلا : (۱۰۰)
متره در :

آتشك اداره سی

۹۲ — آتش اداره سی حقنده (پیا . آتیش . نع .) ۱۸۲
نهی ماده نی مطالعه .
آتش اداره سنك اساسی هدفك سه چیلما سی و آتشك تقسیمى در .

آتش اداره سنك بوقسميله طاقم وحتى بلوك قوماندانلىرى ده علاقه دار
اوله بيلير .

چونكه اول امرده كوريلان هدفلردن هانكيسى تعبيه جه مهمدر .
هانكيسنه نه مقدار سلاح تخصیص ايدلميدر ؟

مسئله سنك حلى ا كثرته بوقوماندانلره ترتب ايدر .
آتش اداره سنك ديكر قسملىرى (مسافه نك تخمىنى نشانكاهك
تعينى ، آتشك نوعى ، معين برهدف اوزرندده آتش تقسيمى آتشك
ترصدى آتش انضباطى . . الخ) منحصر آ مانعه قوماندانلرينه ترتب
ايدر . (پياده . آتش . تع - ۱۸۰)

آغير پياده ساحلرينك آتشلىرى

آ — آغير ماكنهلى تفنگلرك آتشى

۹۳ — آغير ماكنهلى تفنگلرك پياده نك اساس آتش ساحلچيدر .
وسلاح نقلنده كى سهولت طولاييسيله پياده به هربرده و هر زمان ،
رفاوت ابد بيلور . و آتشك تاثيرى اعتباريله اونى يروهوا هدفلرينه
قارشى حايه ايد بيلير .

چونكه :

آتشى سريمدر و كشيدير . وعين زمانده كنيش ساحللى آتش
التنه الير . آچيق هدفلره قارشى احكامار بر تاثيرى ناهندرد .
خصه وصى مريلر قوللايلىمق سايه سنده منزلى آرتديرلمش زرهلى
وسائطه قارشى نفوذ تاثيرى قازانديرلمشدر . كذا بوخصوصى وسائطه

واندبرهكت اصوليله هم مستور موضعلردن وهم مستور هدفلره قارشى آتیشى تأمین ایدلمشدر .

۹۲ — اغیر ماکنهلی تفنگلرک آئیده کی انشلری واردر :

۱ تک آتش : حضرده تعایم ، قصدیه استعمال ایدیایر .

۲ — آتیشک تنظیمی : طوبجیلرک چتال آتشنه ، مقابلدر . بو آتیش ایچون نقطه اتشی قوللانیلیر . نقطه آتیشیه آتش مسافه سی تخمین ایدیه جک هدف اوزرنده تمر کیزایتدیربلیر . بوضورتله قولایلقه اتش حزمه سی ترصد و مسافه ده تخمین ایدیایر .


۳ — تأثیر اتشی : ماکنهلی تفنگلرک محاربه ده اساس انشلری اولان سوره کلی آتشدور .

تأثیرلی اتشیده تفنگک هدفک ، وماکنهلی تفنگک موضعنک حمایه ایده جکی قطعه وضعیته کوره مختلف شکلدرده اولور .


آ — هدف : درین وکنیش ویاخود عین زمانده هم درین وهمده کنیش اولورسه ، اوهدفک هیأت عمومیه سنک اتش التنه المسی ایچون ، اتشی ایلری ، کری ، صاغه ، صوله اویناتمق لازمدور . ایشته بو اویناتیسه کرتی اتشی دینور . برکرتی ایله هدفک ۵۰ متره کریسی و ۵۰ متره ایلری سی که جمعا ۱۰۰ متره درینلکند بر ساحه ی اتش التنه ایر . وبواتش ساحه سی صاغه ، صوله اویناتیلیرسه اوهدف هم درینلکنه ، هم کنیشلکنه اتش التنه النش اولور .

ب — ناشیجی موضعدن هدفی کوره مزسه فقط هدفی کورهن دیگر برترصد محلک امریله اتش ایدرسه :

بواندیره کت اتیشی اولور . اندیره کت اتیشیده ایکی درلوا اولور .
یا قبالی موضع مدن اتش ایدیلیر . و یا خود اچیق موضع مدن قبالی هدفه
قارشى اتش ایدیلیر .



۱ - اگر هدف ایله کندى بولوندىنى موضع ارسه سنده حمایه
ایده جکی قطعات بولونویورسه اوزمان یا حاجتی اتش آشیرمه اتشی
اولور ، که اکثریتله محاربه ده بوحال واقع اوله جقدر .
بوتقدیرده اگر ما کنه لی تفک موضعی حمایه ایده جکی قطعه نک بولوندىنى
و یا حرکت ایتدیکی ساحه دن بوکسک ایسه آشیرمه اتشی قولای اولور .
اگر برسویه ده ایسه اوزمان انجق مرمری یولنک یوکسکلکنندن
استفاده ایدیلیر . بویولده کی آتیش برطاقم حسابله استناد ایدر . بوحسابلر
ایچون آله آتیش جدولاری بولونور . بوجدولار ، مرمری یولنک
مختلف مسافه لرده کی یوکسکلکلیرى کویسترر .



دشمنه ۱۵۰۰ متره مسافه ده کی موضع دن برما کنه لی تفک انجق دشمنه
 ۵۰۰ متره مسافه به قدر یا قلاشمش اولان قطعه سنی آشیرمه ایله حمایه
 ایدم بیلیر. اوندن سوکره آتش کسمکه و تبدیل موضعه مجبوردر .
 ۹۵ - ۲۰۰۰ متره به قدر و یو کسک درین و آجیق هدف لره مؤثردر .
 اغیر مریمی قوللانمق سایه سنده ۳۵۰۰ متره به قدر آتش ممکندر .
 فقط چوق جیخانه صرف اتمک لازمدر . عموماً اندرکت
 آتیشلرنده و نشانکده مسافه سی فوقه ده کی مسافه لره آتیشلرده اغیر
 مریمی قوللانیلیر . مسافه نك اوزاقانی طولانیسیله تأثیرک اوضرایه جنی
 تناقصی چوق تفک استعمالیله تلافی ایدیلیر . بوسیدندرکه اندرکت
 آتیشلری اصغرری برطاقم ایله یاییلیر .
 زرهلی اوتوموبیللره و ناقلره قارشلی چلیک چکردکلی مریمی
 قوللانیلیر . و آنجق یقین مسافه لرده تأثیر یاپار . طیاره لره قارشلی
 تفک دأره لی آرپه جقلر و علاوه قونداغی ایله محرز اولور . و ۱۰۰۰
 متره مسافه دن آتش ایدیلیر . (پیا . تبع . ۱۳۳) و چلیک چکردکلی ،
 وایز ترصد مریمسی قوللانیلیر .

۹۶ — آغیر ماکنه‌لی تفنکله ، بالخاصه مدافعه‌ده طویجی به ، چوق یاردم ایده‌رلر . چونکه آجیق کله جک متعرضه قارشى احکار برتأثیر یاپه‌بیلیر . بومقصدله ماکنه‌لی تفنکله توقیف آتشنه اشتراك ایده‌رلر و مجتمعا قوللانیلیر .

آغیر ماکنه‌لی تفنکارده آتشک

اداره‌سی

۹۷ — آتش اداره‌سینده اساس پیاده تفنکله اولدینی کی تعبیه‌جه مهم اولان هدف اوزرند آتشک مرکز ثقلینی طویل‌لامقدن عبارتدر . ماکنه‌لی تفنکارده تفک ، طاقم و بلوک قوماندانلری آتش اداره‌سیله مکلفدر . فقط اساس آتشک اداره‌سی طاقم قوماندانلرینه توجه ایدر .

چونکه ماکنه‌لی تفنکارده اکثریتله طاقمجه موضعه کیررلر . برهدفک تعبیه‌جه اهمیتی ، حمایه ایده‌جکی قطعه‌یه نظراً تقدیر ایدیلور . یعنی اک مهم هدف حمایه ایده‌جکی قطعه اینچون ته‌لکلی اولان هدفدر . (تعرضده ایلرله‌مه‌یه مانع اولان ، مدافعه هجومه قالقان دشمن)

هوا هدفلرینه قارشى : قاعدة " طاقم‌لرک اوچونجی تفنکله آتش ایدر . فقط ، دشمنک قره‌ده کی قوتلرله تشریک فعالیت ایدن محاربه طیاره‌لرینه قارشى پالکیز مذکور اوچونجی تفنکارله اکتفا ایدیلرله رک ایجابی قادر تفک تخصیص ایدیلرله بیلیر .

ب — بومبا طوپلرینک آتشی

آ — معلومات عمومی

۹۸ — بومبا طوپلرینک آتش قابلیتیرینه مؤثر اولان عاملر

شونلردر :

(آ) مرملرک جنسی

(ب) مرمری بولنک شکلی .

(ح) آتیش وضعیتلری


(آ) . مرمری جنسی : (۳ نومرولو جدولده کؤسترمیشدر)

(ب) مرمری بولنک شکلی : اساساً طوپک ناملوسی قیصه، مرمری اخیجی اولدینی ایچون مرمری بولی حد ذاتنده دیکدر . فقط آلتی درلوباروت حتی قوللانیق صورتیه بودیکلک آرتدیریلر یاخود آزانلیلر . بنساء علیه عینی مسافیه بومبا طویله مختلف دیکلکده اوله رق آلتی درلو مرمری بولی ایله آتیش یاییلر .

بومبا طوپلرینک دیکر دیک مرمری بوللی طوپلرده بولومایان برخاصه سی واردزه اوده اک سیوک باروت حقیله اک کوچوک مسافیه آتیش یاییله سیدرکه بوسایده :

(۱) دیک و یوکسک برمری بولی ایله آتیش یایمق صورتیه بک یقینده بولونان اک دیک و یوکسک مانعلری آشار ، و مانعلر کریسنده بولوناجق آجیق وقیالی هدفله تاثیر و مانعلری تخریب ایدر .

(۲) اوزاق ۱۳۰۰ یقین (۵۰) متره اوزاقلقلره آتیش ممکندر . بوضعیدن اک یقین مسافیه قدر حمایه قابلیتی حائز اولماسی نتیجه سی جیقار .



(۲) آتیش وضعیتلری :

(۱) آجیق

(۲) قبالی

(۳) دوشه مه اوزرنده

(۴) تکرلک اوزرنده

آجیق موضع : مستقنا حاللرده قوللانیلیر : دشمن تاققلرینه

مقارشى سریع بر آتش ایجاب ایندیكى زمان . بو آتیش تکرلک اوزرنده
یایلییر .

قبالی : اساس قبالی موضعدن آتیشدر .

دوشه مه اوزرنده : اساس وضعیتیدر . چونکه دوشه مه ایله

آتیشلر هم اصابتی تأمین ایدر . و همده هر نوع مریمی ایله آتیش ممکندر .
یالکنز حاضرلوق زمانى فضلهدر .

تکرلک اوزرنده : یانیق مریمی یوللی آتیشلر آجیق و قبالی

آتیشلر ایچون قوللانیلیر . فائده سی ده اچابوق آتیشه حاضر اولور .
وقولایقله تبدیل موضع ممکن اولور .

محدوری ، آتیشلر اشناسنده صارصیلیر ، اصابت آزالیر و دیک

مریمی یوللی آتیشلر یایلاماز .

ب — آتش

۹۹ — آتش ایچون شوندره احتیاج واردر :

(آ) آتیشك تنظیمی : مسافه تله متره ایله اولجیلیر، طوب توجیه ایدیلیلیر . طوبلردن بریسی آتیش تنظیمی طوبی اوله رق تخصیص ایدیلیلیر .

(ب) باروت حقنك (مرمری یولنك شكلك) تعیین .

(ح) مرمری جنسنك (تخریب، زرهل)، طبه جنسنك (احتراقلی، مصادمه لی، تعویقلی) تعیین .

(د) آتش نوعنك (آتیش نظامنك) تعیین

آتش نوعی (نظامی)

۱۰۰ — اوچ نوعدر .

(۱) منفرد آتش : (نرصد) آتیشی ایچون، یاخود متفرق، هدفله قارشى آتیش ایچون قوالانیلیر .

(ب) ضروب اتشی :

بوده ایکی شکله اولور : یا بوتون طوبلر امر اولنان مقدارده . وعینی زمانده اتارلر . . یاخود هر طوب صره ایله بربرینی متعاقب . اتار.بوکا صیره آتیشی دنییر .

(ح) یایه اتشی (تنشیر) :

بواتشده یا دربیلکله یاخود کینیش.لکله اولور. کینیشلکله اولورسه بییچمه آتش دنییر .

ۛ — آتیشك و آتشك اداره‌سی

۱۰۱ — بومبا طوباری دائما قبالی مومضدن (آندیركت) آتش ایتدیكى ایچون طوب مرتباتك انقسام ایتمی و مختلف برلرده بولونماسی لازمدر .

آتیشك اداره‌سی اساس اعتباریه طاقده جریان ایدر . فقط مك طوب دخی تك قالدینی تقدیرده اوده عینی وجهله انقسام ایدر . طاقك آتیش وضعیتی و طرز انقسامی :

آ — ترصد یه رنده :

طاقم قوماندانی : آتش ایتدیرن قوماندان	بوقسم هدفی کورور . اوکا برنجی نشان دائره‌سی کوچوك ضابط لیسته‌جی برنخابره‌جی سالیس
کورده طوبه تلفون ایله	
یاخود ارتباط پوسته‌سی	
ایله ویاخود سس ایله مربوطدر .	

ب — امر یه رنده (طوبلرك یاننده)

طاقم چاوشی : آتش ایدن قوماندان	بوقسم طوبلری کورور لر ویقینده بولونور . ترصد ایکنجی نشان دائره‌سی کوچوك ضابطی ایکی مخابره‌جی
ایکینجی نشان دائره‌سی کوچوك ضابطی	
برندن ویریلان امره کورده	
آتیش یایدیرلر .	

ۛ — طوب موضعهده :

طوب قوماندانی
 نومرو نفرلری
 بونلر بالذات آتیشی یاپارلر .
 طوبلر

د — سترده :

بر کوچوک ضابط (جیخانه قدمه سی قوماندانی) بونلر حیوانلری محافظه
طوب و جیخانه حیوانلری، احتیاط مالز مه (جیخانه نقل ایدر لر.

ه — امنیت و احتیاط وضعیتده :

استحکام نفرلری (۳ : ۴) بونلر، یانلری ترصد و تأمین
ایدر لر .

۱۰۲ — شاید بر طاقدن منفرد چالیشمق اوزره تک طوب افراز
ایدیلیرسه طوبلردن بریسنه طاقم قوماندانی، دیکرینه طاقم چاووشی
قوماندا ایدر . بوکا نظراً طاقم ارکانی شویله انقسام ایدر :

۱ — طاقم چاووشی رفاقته :

ایکنجی نشانجی دائره سی کوچوک ضابطی
بر اُسِر

بر مخبره جی

جیخانه قدمه سندن بر قسم

۲ — طاقم قوماندانک نزدنده :

برنجی نشانجی دائره سی کوچوک ضابطی .
ایسته جی .

ایکی مخبره جی .

وایکی اُسِر .

جیخانه قدمه سندن قالان قسم .

بوهر ایکی قسم ده آتیش وضعیتده یوقارده کی کی انقسام و ترتیباته
تابع اولور .

آتشك اداره سی

۱۰۳ — بومبا طوپلرینك جبخانه سی کوچ اكمال ایدیلیر .
چونكه هم آغیردر . هم ده طوپلر محاربه ده آتشك اك شدتلی بولنه جنی
یرده بولونورلر .

بناء علیه سورده کلی آتسه مساعد دكلردر . بوسلاحه احتیاج حاصل
ایدجك اك مساعد هدفلر ، اراضی عارضه لری ایچنده ویا سبرلده
کیزلنمش اولان ما کنه لی تفنك یووه لری ومحاربه غروب لری در .
بومبا قوماندانی وضعیتی دائما کوز ودقت آلتنده بولوندی ره رق ،
حمایه ایدیله جك قطعه ایچون انكل وتهلکلی اولان بوقیل هدفلری
آزمیلیدر . بومبا طوپلرک آتشلری مهم هدفلر قارشوسنده طوپلانیر .

۷ — پیاده طوپلرینك آتشی

۱۰۴ — پیاده طوپی نامیله هنوز برطوپ موجود دكلدر .
آنچق ، بو طوپلره ویریلک ایستنه یلن هدف :
(۱) بیادنك تعرضنه انكل اولان دشمن ما کنه لی تفنك
یووالری .

(۲) زرهللی واسطه لردر . (اوتوموبیل ، تانق)

بونلره قارشو پیاده طوپلرینك آتشی سریع و مؤثر ضرره لر
حائده اوله جقدر . بویله بر آتشد اکتیته آنچق آچیقدن
چاییلیر .

بونکله برابر : قبالی موضعدن آتش ایدیه بیه جک قابلیتده
بولونمالیدر :

۱۵۰ — شاید منفرداً چالیشمق اوزره بر طاقدن تک طوبافراز
ایدیلیرسه طوبلدن بریسنه طاقم قوماندانی ، دیکرینه طاقم چاووشی
قوماندا ایدر . بوکا نظراً طاقم ارکانی شویله انقسام ایدر :

۱) طاقم چاووشی رفاقتده :

ایکنجی نشانجی دائره سی کوچوک ضابطی

برأمر بر

برمخبره جی

جیبخانه قدمه سندن بر قسم

۲) طاقم قوماندانک نزدنده :

برنجی نشانجی دائره سی کوچوک ضابطی

ایسته جی

ایکی مخبره جی

وایکی آمر بر

جیبخانه قدمه سندن قالان قسم .

بومرایی قسم ده آتیش وضعیتده یوقارده کی کبی انقسامه و ترتیباته

تابع اولور .

آتشک اداره سی

۱۰۶ — بومر یا طوبلرینک جیبخانه سی کوچ اکیال ایدیلیر .

چونکه هم آغیردر . هم ده طوبلر محاربه ده آتشک اک شدتلی بوله جنی

یرده بولونورلر .

بوسیدن سوره کلی آتشفه مساعد دکلردر. بوسلاحه احتیاج حاصل
ایده جک الک مساعد هدفله ، اراضی عارضه لری ایچنده ویا سبرلرده
کیزلش اولان ما کنه لی تفنک و محاربه خروبلری در .
بومبا قوماندانی وضعیتی دایما کوز ودقت آلتنده بولوندره رق .
حمایه ایدیه جک قطعه ایچون انکل و تهله کلی اولان بوقیل هدفله
ازمه لیدر . ایچابنده بومبا طوبلرینک آتشلری مهم هدفله قارشو سنده
طوبلانیر .

ح — پیاده طوبلرینک آتشی

۱۰۷ — پیاده طوبی نامیه هنوز برطوب موجود دکلدر .
آنجق ، بوطوبلره ویریک ایستهنیان هدف :
۱ (پیاده نک تعرضنه انکل اولان دشمن ما کنه لی تفنک
یووالری

۲ (زرهلی واسطه لردر .

بونلره قارشو پیاده طوبلرینک آتشی سریع و مؤثر ضربه لر
حالده اوله جقدر . بویه بر آتشد اکتزیتله آنجق آچیقدن یاییلیر .
بونکله برابر : قبالی موضعدن آتش ایده بیه جک قابلیتده
بولونمالیدر . بناء علیه بومباطوبلری کی آتیش وضعیتی آلمایه وایچابنده
نک طوب حالده انقسام ایده بیلمه یه مساعد اولمالیدر .

پیاده نك محاربه سی حقنده اساسلر

۱ — پیاده محاربه سنك شكلی و صفحه لری

عمومی ملاحظه

۱۰۸ — بورایه قادار پیاده نك وظیفه و قابلیت ، تشکیلات و تسلیحاتی ، شکله و حرکتلری ، اتشلی کورولدی . بوضورتله پیاده حقنده کافی معلومات تأمین ایدیلش اولدی . بناء علیه ارتق پیاده نك محاربه سنه باشلانیهله جکدر .

۱۰۳ — پیاده صنف اصلی اولدیغنه کوره پیاده نك محاربه شکلی دیگر صنفلرک محاربه وضعیتی و ترتیباتی ایچون بر اساس بر جرجیوه تشکیل ایدر . بناء علیه بوتون صنفلرک پیاده نك محاربه شکله حقنده اساسلی معلومات صاحبی اولمالری لازمدر . آنجاق بوسایه ده درکه فعالیتلر و ترتیبلر ، مقصده ازیغون و مصروف اولور .

۱۰۹ — محاربه میداننه کیره رک دشمنه توجه ایدن بر پیاده قطعه سی ؛ دشمندن کوردیکی تأثیره ، دشمن وضعیتک درجه و وضوحه ، و مقصده کوره ده کیشن وضعیتلر و ترتیبلر الملق ضرورتنده در بوضورتله بر طاقم متعاقب صفحه لر وجود بولور . بومتعاقب صفحه لرده کی وضعیتلرک شکل عمومیلری ، درینلکدن کنیشلرک ، طولولقدن طاغینقلفه کچمک صورتنده افاده ایدیلیر . بوضفحه لر صورت عمومیه ده شوناردور :

(آ) دشمنه دوغرو ایلرله مک

(ب) آچیلماق (یا قلاشمق)

(ح) یا یلمق (یا ناشق)

(د) هجوم ایتک .

(ه) مصادمه ایتک .

آ — محاربه ایتک ایچون ایلرله مک

۱۱۰ — محاربه مقصدیله دشمنه دوغری وایلرلرکن، حرکتلر مزده و ترتیباً تمزده (ملحوظ تهاکه لردن قورونمق و محاربه حاضر بولونمق) و ملاحظه لری اساس اولور . بوملاحظه لر یسه یورویش جبهه سنک کنیشه تیلیمسی ودرینلکک زالتیلماسی لزومی انتاج ایدر . بولزوم دشمن اسلحه سنک ووسائطنک درجه سنه، اراضینک حالته کوره اوزاق ویا یاقین مسافه لرده حس ایدیلیر . زماننک ووسائط حریه سی قارشوسنده بواحتیاج اوزاق مسافه لرده ایکن حس ایدیلیر . چونکه دشمن طیاره لری، و طیاره رصدیله اوزاق مسافه لره آتیش یابه جق اوزون منزلی دشمن طوپلری، سریع یوروین زرهلی و سائط داها اوزاقدن مؤثر اولمایه باشلایه بیلیرلر .

ملحوظ تهاکه لردن قورونمق

۱۱۱ دشمن طیاره لرندن واوزون منزلی طوپلرینک تأثیرا-
ندن قورونمق ایچون آله جق شکل و ترتیبات، یوللری ترک ایدرک اراضینک حالته کوره مختلف پارچه لره آیرلقدن عبارتدیر . بوبارچه-
لهمنک شکلی ودرجه سی اراضینک حالته و تأثیرک درجه سنه تابعدر؛ آلمان
شکلک مدت دوامی ایسه، تهاکه نک دوامنه کوره ده کیشیر .

بناءً عليه بونك ایچون بر شکل معین بر مدت یوقدر . تهلهکه زائل
اهلور اولماز ، ینه اسکی وضعیته رجوع ایتملیدر . چونکه متفرق
ویول خارچنده حرکتلر سوق واداره بی اشکال ویورویش قرارینی
آزالتیر . آانه حق بووضعیت شکل اعتباریه بر آچیلمه در . فقط
بو آچیلمه ده اساس قورونمده در (۰) بوقورونمه حرکتلرنده اوزونجه
دوشونجه لره و حاضر لقلره احتیاج یوقدر . سرعت لازمدر .

۱۱۲ — دائماً کوز اوکنده طوتولمیلیدر که ، بالذات محاربه
انساننده اوغرائیله حق ضایعات و تهلهکه لر ، عسکرک معنویاتی قیرماز .
چونکه بونی طبیعی کورور . فقط محاربه به کیرمه دن اول اوغرائیله حق
تهلهکه لر و ضایعات معنویاتی ، افرادک ضابطانه قارشی اعتمادلرنی
چوق صارصار .

ایشته بوملاحظه لره بناءدر که دشمن طیاره لرندن قورونمق ایچون
متیظ بولونمق لازمدر . عینی سیدن بوبوکه قطعه لرك آرتق بریول
وبر قول ایله یوروولری مستقبل حربلر ایچون ممکن اولامیه جقدر .

طیاره ویا اوزون منزلی طوپچی آتشنه اوغرائمش بر پیاده قطعه سنک
آله جنی وضعیت



(۰) عسکری قاموس انجمنی بو حرکت و ترتیباتی « صادوله » تعبیریه
افاده ایتک قرارینی ویرمهدر .

بولونمك [مختلف قوللره آيرلىق]

۱۱۳ — محاربہ حاضرلفى آرنديرمق ، دها مساعد شرائط و وضعيته محاربہ کيرمك ايچون ايلرله مه ائناسينده دها اوزاقلرده ايکن مختلف قوللره آيرلىق بمض کرم ضرورى بمض کرمده فائدهلى اولور . داغلق صھرا [چول] محاربہ لرنده ازم و ضروريدر . احوال سازمده وضعيت ايجاب ايدرسه انقسام ايديلير . بو طرزدہ کي يورويشلك فائدهلى و محذورلى وارد .

فائدهلى :


- ۱ (طياره لرك تعرضلريره قارشى دها آمين اولمق .
- ۲ (دشمنك يانلر مزمه قارشى ياباجنى تشبثلردن آمين بولونمق .
- ۳ (مختلف قوللرك متقابل و احاطه تأثيرليه اوغرائيله جق تأثيرلى قولايقله و سرتله قيرمق .

۴ (محاربہ دها حاضر بولونمق

محذورلى :

- ۱ (ارتباط کوچاكي دولايييله سوق و اداره مشكل اولور .
- ۲ (انقسام طرزي دشمنك وضعيته موافق و ارتباطده موجود دكل ايسه غير مساعد بوضعيته دوشمك و آيرى آيرى ازيلك احتمالى وارد .


۱۳۳۱ سنه سنده قفقاس چيه سنده صاغ جناح غره بنك
تعرضي ائشاننده مختلف قوللارله ياييماش بعض ايلري
يورويشلردن بر نمونه



يورويشله سول جناح قولك به ايچان داغلي ائكسند.
تصادف و بويوك بر قوت اولدوغى تخمين ايتدي دشمن مقاومتي.
سول جناح قولك تاثيريله كشف ايدلش و قورلش كذاك دشمنك
نمرد داغى استقامتدن صاغ ياننه واقع اولان تهديدكار يان تاثيريني
ازاله ايتشد.

اوتباط ايكي قول آراسنده يوروتولش اولان هليوستايله مجهز
بر اوتباط قطعه سيله تايمين ايدلشد.

۱۳۳۱ سنه سنده عراقده مختلف قوللره ياييلمش يورويشلردن
بر نمونه :



ب — آچيلمق

۱۱۴ — بر قطعه دشمنه دوفر و ايلرله دكجه ، ايلري سوردېكي
يقين كشفه مأمور سواري وپياده كشف قوللرندن و طياره لردن
آله حق خبرلرله بالذات ياييله حق ترصدلرله يواش يواش دشمنك
وضعيتي انكشاف ايدر . عيني زمانده دشمن ده كرك قسمه اصيلينده كي
سلاحلرله وكر كسه ايلري سوردېكي قوللرله آتسه باشلار .
ايسته بو وضعيت قارشوسنده :

آ — محاربه حاضرلغني تزييد ايتك .

ب — دشمنك باشلامش اولان آتشدن قورونمق .
احتياجي باش كوستيرر . و بو احتياج قطعه نك يلدازه واري پارچالاه رق
مختلف قوللره آبريلاسي ايجاب ايتديرر . ايسته بوور آچيلمه در .
آچيلمه دن غايه محاربه حاضر اولارق دشمنه باقلاشمق در .

آچیلما زمانی


۱۱۵ — برقطعه نه وقت وزرده آچیلمایه باشلامیدر ؟ بونک ایچون قطعی برقاعده تعینی ممکن دکدر . قطعه نك آچیلما زمانی :
آ — قطعه نك بوبوکلیکنه ، کوچوکلیکنه (بوبوک قطعه لر داها ایرکن آچیلماق ضرورتنده درلر)

ب — دشمن حقنده ایدینیلان معلومانك درجه سنه
ح — و اراضینك حالته نابعدر . (آچیق اراضیده ایرکن آچیلیر)

ا ك کچ اولارق ، دشمن اتشندن قورونماق احتیاجی برقطعه نی اچیلمایه مجبور ایدر .

آچیلما شکلی

۱۱۶ — آچیلما نك شکلی مقصده و وظیفه یه کوره تعین اولتور . چونکه آچیلما ، آله حق قطعی ترتیباته اساس اوله جقدر .
بواساسی تأمین و احضار ایدمك شكلی آلدقدن دشمنك آتشندن و فطرندن تحفظ اتمك دوشونیلور . بناءً علیه آچیلما ایچون معین شکلر یوقدر . آشاغیده کی شکلر مختلف احتمالاته نظر آلتیسی مناسب اولان شکلر ایچون برفکر وبرر :



شکلکړک محل تطبیق لری حقنده ایضاحات :

(۱) هرايکي يانی کړی په طوغری قدمه لی : دشمنک وضعیتی هنوز واضح دکل ویانلرده تهاکه په معروض ایسه .

(۲) برنجی خط قوتلی : یانلری مستند، ودشمنک وضعیتی وضوح کسب ایتش ایسه .

(۳) صول یانی ایلری په قدمه لی : جبهه تعرضی ایله یان تعرضی متحد یا پیله جق ایسه .

(۴) صول یانی کړی په طوغری قدمه لی : دشمنی اولاجبه ده باغلامق وصول یانی احاطه ایتک ایسته تیر ایسه ویاخود صول یانده برته لکه وارسه .

۱۱۷ — بوندن صوکره هر قول ده عینی ملاحظه لرله انقسام ایدر . و ترتیبات آلیر . بوانقسامک درجه سی ، محاربه حاضر اولوق و آتشدن قورونمی ملاحظه لرینک درجه لرینه کوره اولور .

۱۱۸ — برقطعه یی آحق ایچون :

یوروینر استقامت ویا منطقه لری

آره لق

مسافه

ارتباط

کشف منطقه لری

آجیلنه نک فصل حمایه ایدیله جکی

تعیین ایدیله .


یوریش استقامتی ویا منطقه لری

آره لق ، مسافه ، ارتباط

۱۱۹ — برقطه آئیده کی طرز لرده آجیلیر :

آ) عمومی بر استقامت ایله ارتباط قطعه سنه خصوصی بر استقامت کوسترلیر. دیگر قطعه لرك وضیت و حرکت لری آره لقری و مسافه لری بو ارتباط قطعه سنه کوره تعیین ایدیلیر. بوشکل ، آنجق کوچک جزء ملرده و یادوز اولان ساحه لری کچمکده قابل تطبیقدر. چونکه بوشکلده مختلف قوللر مین آره لق ، و مسافه لره مقید اوله جقلری ایچون بوبه دلری محافظه ایتمک قایم وسیله اراضیدن این استفاده ، و بناء علیه آتشدن تحفظ ایده منزلر .


بو طرز ک فائده سی ؛ ده اطویل و مضبوط بر حرکت تأمین ایتمش اولمقدور .
آره لقر ۵۰ متره دن و مسافه لرده ۳۰۰ متره دن آشاغی اولمالیدر .



هر قوله معین استقامت لر ویریلیر. عینی زمانده ارتباط قطعه سی ده تعیین ایدیلیر


بو طرز ک فائده سی : مختلف قوللرک آراضیدن استفاده ایتمش ، و مختلف شکلر آلق خصوصنده ده سربست بولونمیدر .

هر قول کندینه ویریلن اساس استقامتدن آیریلماق شرطله هر
دولو سربستی حازدر .



(۳) مختلف قوللار معین استقامتلر دکل معین یوروش منطقه لری
ویریلیر .

مختلف قوللری ده سربست بولوندیرمق ایجاب ایدرسه یا خود
غیر معین فقط یقینده محاربه یه کریشمک ملحوظ ایسه بو طرزک
استعمالی فائده لی اولور .



۱۲۰ — ایکنجی خطده بولنه جق قوللارک وضعیت و حرکتلری
برنجی خطده کینه نظراً مسافه ایله تعیین ایدیلیر . بعضی کرده مسافه
سویلمیه رک حرکت برنجی خطی منطقه دن منطقه یه تعقیب ایدجک وجهله
تنظیم اولنور .

۱۲۱ — مختلف قوللار آرد سنده کی وحدت و ارتباط بر ارتباط
قطعه سی یعنی ایله تأمین ایدیلیر .

ارتباط قطعه سی : ایلک خطده بولنانلردن بریبی اولور . ایلک خط اوچلی ایسه اورتده کی ایکیلی ایسه الک اینی کوریلان ، ویا مهم استقامت اوزرنده بولنان قطعه ارتباط قطعه سی اولور . دیگر قطعات بواارتباط قطعه سنه امثال ایدر لر .

۱۲۲ — اراضی کسک، وضعیت ده مهم ، یورونه جک مسافه اوزاق ایسه بوکی حالرده ، حرکت منطقه منطقه یه اولوق اوزره صچرامه لر — قدمه قدمه — ایله یابیلیر .

کشف، امنیت، ستر، حمایه

۱۲۳ — آچیلمه ده هنور دشمن وضعیتی تماماً توضیح ایتمش اولمایه جفته و قطعی قرار ویریلده مش اوله جفته نظراً : متعاقب قرار و ترتیبانه اساس اوله جق معلوماتی استحصال ایتک لازمدر . بولک ایچون هر قوله عینی زمانده بر کشف منطقه سی ویریلیر . و قطعه قوماندانی آریجه ایجاب ایدن استقامتده خصوصی کشف قولاری سوره ر .

بولندن باشقه هر قطعه یقین امنیتله ده مکلفدر . حاصه دریندکنه آلتمش اولان وضعیتک یاندری تحت امنیت آلمالیدر . یانده بولنه جق قطعه لر بونی کنبدیلکلرندن دوشونه جکلردر . بوا امنیت عینی زمانده تر وظیفه سفیده کورور .

۱۲۴ — حمایه خاصه مهمدر . بووظیفه آغیر اسلحه یه ترتب ایدر .

بومقصدله آغیر اسلحه هوایه قارشى ، و دشمنک یوروبیش.

قوللارمنی طور دیره جق ، ایتری سـورولش قوتلرینی سرعتله
طرد و حرکتک دوامی تأمین ایدمک طرزده استخدامی لازم کلیر.
آچیلمه ده آغیر اسلحه نك طوبلو اوله رق الده بولونمسی آرزو
ایدیلیر. فقط بویه مرکزی حمایه نك دائرة شمولی خارجنده قاله جق
قوللره آغیر اسلحه ترفیقی ضروری اولور .

ب — یایلمه

۱۲۵ — آچیلمش اوله رق ایله بیر کن کرک دشمنه یاقلاشیلدینی
نسبتده و کرکسه یاپیلان کشفه نتیجه سنده دشمنک وضعیتی ، قوتی ،
وترتیباتی داها واضح آکلاشیلمایه باشلار . بناء علیه قوماندان
(آ) قطعی قرارینی ویره رک ایجاب ایدن ترتیباتی آلمق
ب (دشمنله آتش ایله مقابله ایتمک
امکانلری واحتیاجلری قارشوسنده بولور .
ایشته بومقصدله قطعه قوماندانی امرنده کی جزء تاملره وظیفه لرینی
و هدفلرینی ویرر . دشمنه یاناشمایه و آتش آتمه یه مساعد وضعیت
وترتیلر آلیر .

ایشته بوفعالیتلرک نتیجه سنده وجود بوله جق شکل ایله او قطعه
یایلمش و تماماً محاربه یه گیرمش اولور [*]
آچیلمه ده اکثریتله قطعی برقرار ویریش اولمز . یعنی آچیلمه
نتیجه سنده برقطعه یا تعرض ویا مدافعه ایتمک قرارلرندن بریسی
ویره ییلیر .

[*] زیرده کی .لاحظه لره دقت ایدیلسون :

یایلمه زمانی

۱۲۶ — برقطعه نروده ونه وقت یایلمه لیدر ؟ طبقی آجیلمه ده اولدینی کبی ، یایلمه ایچون ده معین برزمان و مسافه تعین ایدیله من .
قطعه نك یایلمه زمانی :

آ — مقصده

- ب (دشمن وضعیتك انكشافی درجه سنه
 ۷ (قطعه نك یوكلكنه ، كوچوكلكنه
 د (آراضینك حالته تابه در .

الك كچ اوله رق دشمنه آتشله مقابله ایتك لزومی برقطعه یی
 یایلمه به اجبار ایدر .

قطعه شاید تعرض مقصدیله یایلمق مقصدنده یسه ایکی احتمال یوز
 کوستر :

۱ (قطعه حاضر ، دشمنك وضعیتی واضح ، و درحال تعرضه
 یکنامسی لازم و ممکن یسه درحال یایلمر . و تعرضه یکر .

حالبوکه یایلمش اولان برقطعه آرتق قلی قراری و برمشدر . یعنی
 یا تعرض ایچون و یا خود مدافعه ایچون یایلمشدر . بناء علیه یایلمق ایچون
 و بریله جك امرلرده یایلمه امری تعبیری یوقدر . تعرض و یا مدافعه امری
 واردر .

اهسته بونك ایچوندرکه تعلیمنامه لرده (آجیلمه امری) نامی تحتنده
 امرلر اولدینی حالدله یایلمه امری یوقدر .

(۲) اگر قوت بیوک بناءً علیه حاضر اولسی ایچون زمان لازم ایسه
 دشمنك قوتلی اوله رق بر اشدیکی آ کلا شیلمش ایسه
 دشمنك قوت و وضعیتی تماماً آنکشاف ایتمش ایسه
 دایسته بوکی حاللرده همان بایله رق تعرضه باشلامادن اول بر حاضرلق
 وضعیتی الملق لازم کلیر.
 بوصورتله آجیلمه ابله بایلمه آره سنده باشقه بر صفحه تحدث ایدر.

حاضرلق وضعیتی

۱۲۷ — حاضرلق وضعیتده نه بایله جق و فصل بروضیت
 آله جقدر؟ بونك ایچون حاضرلق وضعیتی آلمایه مجبور ایدن سبیلری
 تدقیق ایدلم:
 (آ) قوتمز تعرضه حاضر دكله : اوزمان اوقوتك حاضر لائمی
 ایجاب ایدر. چونكه لاعلی التعمین حاضر لقسمز اوله رق تعرضه قایلیرسه
 متحد تأثیر ممکن اولمز و نهایت قوتك پارچه پارچه ازیلمنی انتاج ایدر.
 (ب) اگر دشمن قوتلی برلشمش و حاضر لائمش ایسه : بوکا دها
 حاضرلقی و ترتیبی تعرض ایتك لازمدر. چونكه بویله بر دشمن
 اراضیدن و تحکیماندن استفاده ایدرك وایلیرسنه ستر قطعه لری سوردرک
 کند یسنی کیزله مش و ستر و تقویه ایتشدر .
 (>) کذا دشمنك قوتی تماماً آ کلا شیله مامش ایسه اونك کشنی
 لازمدر .

۱۲۸ — بناءً علیه : حاضرلق وضعیتی آله جق قطعه نك وظیفه لری
 (آ) دشمنی و اراضی بی انی کشف ایتك .

ب) آله کی قوته بوکشفه کوره وضعیت ویرمک خاصه آتش
وسائلی دشمنه مؤثر و مخرب آتش بابه حق وجهه حاضر لامقدر .
دشمن نه قدر قوتلی بر صورتده یرلشمش ایسه، متعرض
اونسبتده آتش قوتنه استناد ایتک ضرورتنده در. قاعده سی
دائما اساسدر .

یا یلمه شکلی

۱۲۸ — یا یلمه نك شكندده اساس : وظیفه و هدفدر. بو وظیفه
و هدفده :
آله کی قوتك و محاربه ساحه نك بر انقسامه اوضار اساسی ایجاب
ایتدیرر .

قوتك تقسیمی

۱۲۹ — قوت شوعمومی تقسیمه اوضارار :
۱) برنجی خطده بولنه حق قوت : بو نتیجه قطعه صفحه سنه قدر دشمنه یا ناشیر .
۲) احتیاط : الك اساسلی و محل استخدامی نتیجه قطعه نك استحصال
ایدیله چکی برده ضربه اصلیه یی و ورمقده قوللانمقدر. فقط ضروری
زمانلرده غیر ماحوظ بر تهاسکی دفع ایتک ، برنجی خط قوتلری
بسله مک و مرکز ثقتی دیکشدرمک ایچونده قوللانیلیر .
۳) آتش قوتی : بدایتده دشمنه یا ناشیه یی تأمین ، نتیجه قطعه

زماننده ، نتیجه قطعیہ نک استحصال ایدیلہ جکی دشمن اقسامی آزرہ رک بول آچقده قوللانیلیر .

۱۳۰ - قوتک بوتقسیمنده جزء تاملرک خاصہ آغیر اسلحه جزء تاملرینک .

حالیله محافظہ سی ا کثریتله کوجدر . چونیکه : یایلمه دن صوکره یاناشمه بی تأمین ایدن آتش ایله حرکتک (مانوره نک) مشترک فعالیت و تأثیر لیریدر . پیاده آغیر اسلحه سنک منزلالری قیصه در . آغیر اسلحه ایله پیاده نک ارتباط لری کوجدر . ایشته بوسبیدن برنجی خطمه کی قوت آغیر اسلحه و وسائط سائر ایله تقویه ایدیلیر . بوضوئله تشکلات اساسیه دن باشقه برترتیبده اوله رق (محاربه غروپلری) تشکیل ایدر . بومحاربه غروپلری زهابدايتده صورت مخصوصه ده ترتیب ایدیلیر . فقط کوچک جزء تاملرده خاصه طاقلرده محاربه نک جریانی صیره سنده کندی کندینه ده کوچک محاربه غروپلری تشکیل ایدر .

محاربه ساحه سنک تقسیم

۱۳۱ - محاربه ساحه سی : محاربه منطقه لری نه تقسیم و هر بریسی بر قوته تخصیص ایدیلیر . بوسابه ده قطعاته معین وظیفه لر و مسئولیتلر ویرلمش ، قطعاتک بر برینه قاریشماسی تأمین ایدلمش ، بالنتیجه سوق و اداره اساسی بر صورتده قولایلاشدیرلمش اولور .

محاربه منطقه لری : ایکی یانلری و یاخود بریانی ، و یاخود محوری تحدید و تعیین ایدلمش اولان و دشمن ایچلرینه طوغری شریکدواری اوزانان منطقه لردر .

برمحاربه منطقه سنک باشقه محاربه منطقه لری نه متصل اولیان . یانلری (یان خطلری) ایله

دیگر منطقه لره متصل اولان یانلری ده (آره خطلری) ایله یانلری تحدید ایدیله مه یین منطقه لره (محور - خطلری) ایله تنبیت و تعین ایدیلیر . بو خطر ؛ کوزه ای چاربان نقطه لره کریدن ایلری به طوغری تحدید و افاده ایدیلیر .

۱۳۱ — محاربه منطقه لرینک کنیش-لک و درینا کلری ، قوتک طرز انقسامک ، و محاربه نک مرکز قاتنک بولوندریله جنی یرک تعین ایتمسه مدار اولور . بناء علیه چوق مهمدر . محاربه منطقه لرینک طارلق و کنیشا کلرینه آئیده کی عاملار مؤثر ناولور :

(آ) عینی قوته نظراً محاربه منطقه لری : تعرضده طار مدافعه ده کنیش اولور .

(ب) دوز اراضیده طار ، عارضه لی اراضیده کنیش اولور .
(ج) هدفک قوتلی و مهم قسملرینه مصادف اولان منطقه لره طار ، ناهمیتسز قسملره مصادف اولان کنیش اولور .

(د) استاد ایدیلان آثر قوتی فضله ایسه منطقه کنیش آرایسه طار طوتیلور .

محاربه منطقه لرینک درینا کلری

۲۳۲ — محاربه منطقه لری قطعه نک یا بیلدینی یردن باشلار . تعرضده : آله ایدلمسی مطلوب هدفه قدر دوام ایدر . تعرض هدفک ایلری به طوغری دشمنک درینلاک ساحه سی ایچریسنده نره به قدر تمهید ایدیله جکی : دشمنک قوتنه ، و حاضرانی درجه سنه ؛ تعرضک ده ،

قوت و استناد ابتدایی آتش و مصادمه قوت و تابعدر . (طوبجی، تانق
الح).

مدافعه ایسه ایلری به طوضری آله جنی درینک تربیانک
درجه سنه کوره در . (بومدافه بخزلنده ایضاح ایدیله جگدر .)

۴۴۳ — تعرضلده طاقه قدر ، مدافعه ده ایسه مانعه لر قدر
هر جزء نامه محاربه منطقه لری و بریلیر . آئیده کی رقلر محاربه
منطقه لرینک کنیشکلکزی حقده بر فکر مخصوص ویرر :

جزء نام	مدافعه ده	تعرضده
آلای	۳۰۰۰ : ۲۰۰۰	۱۵۰۰ : ۱۰۰۰
طابور	۱۵۰۰ : ۱۰۰۰	۸۰۰ : ۴۰۰
بلوک	۸۰۰ : ۴۰۰	۴۰۰ : ۲۰۰
طاقم	۴۰۰ : ۲۰۰	۲۰۰ : ۱۰۰
مانعه	۱۰۰ : ۵۰	. . .

محاربه ده مرکز ثقلک آمینی و اویناتیلیمسی

۱۳۴ — محاربه ده ، قوتلرک و محاربه منطقه لرینک مساواة
تقسیم و ترتیبی هیچ طوضری دکدر . قوتک مرکز ثقلتی مهم اولان
طرفده بولوندریمق لازمدر . مرکز ثقلت شو طرز لرله تعیین ایدیلیر
واویناتیلیر :


(آ) محاربه منطقه لری مساوی اولورسه مهم اولان طرفده کی منطقه به فضله
فضله قوت تخصیص ایتک .

(ب) قوتلر مساوی تقسیم ایدیلیرسه مهم اولان طرفه مصادف

قوتہ طار محاربہ منطقہ سی ویرمک صورتلریله محاربہ نك مركز ثقلى
تعیین وتثبیت اولنور .

۱۳۵ — یا یلمه نك بدایتده مرکز ثقلت تعیین اولنه من .
ویا خود ، تعیین اولنورده محاربه نك جریانتی صره سنده بومرکز
ثقلتک باشقه طرفه نقلی ایجاب ایدرسه اوزمان بوخصوص ایچون اک
موافق طرز حرکت ، او طرفه فضله آتیش تخصیص ایله اکتفا
اتمکدر .

زیرا : محاربہ نیک جریان صرہ سنده . مجملہ بہ منطقہ لرینک تبیل
وہر طرفدن دیگر طرفہ مصادمہ قوتی نقل و احتیاطک بومہ قصہ
صرف ایدلمی ہم کوجدر ہم محذور لیدر .
دیمک کہ مرکز ثقلاتی اویناتمق ایچون الک ای چارہ آتش
مانورہ سیدر .



تعرضده یاناشمه حرکتی

۱۳۶ — یاییله رق دشمنه یاناشمایه باشلا دقدن صوکره پیاده آتیدکی صورتلرله یاناشمه یه چالیشیر :

(۱) دشمن آتشنک تأثیرینی آزالته جق شکلر و ترتیلر آلهرق : بومقصدله ، قطعه اگ کوچک پارچهلره آریلیر .

(۲) اراضیدن استفاده ایدهرک : اراضینک کوستره جکی بوتون عوارصدن و ستره لردن اگ ماهرانه استفاده ایتهملی . فقط بواسطه استفاده کندی محاربه منطقه سینه انحصار ایتهملی . بو خصوصده مجاور منطقه لردن استفاده ایدیله سینه جواز ویرایکده در . فقط بونده بک عمسک حلاور اتمق سوق و اداره نک سلامتیه ده موافق اولور .

(۳) آتشدن استفاده ایدهرک : یالکیز پیاده مجبوریت حسن ایتدیجکه تفنیکندن استعانه ایتهملیدر . فقط آغیر اسلحه سسنگ هر تأثیرندن استفاده ایدهرک ایلری یه فیئرلامالی . و یا خود حرکتیه انکل اوله جق مانع لری ، آغیر اسلحه یه اخبار و اونک معاونتی تأمین ایتهملیدر . بوایسسه مصادمه و آتش قوتلری آره سسنده متقابل و صبقی بر ارتباطک وجودینی مستلزمدر .

(۴) مجاورنده کی قطعه لرهک تأمین ایدهرک چکلری مساعد وضعیت لردن استفاده ایتک : بونک ایچون مجاورلر آره سسنده ارتباط بولونمسی و یکدیگری سور و کله مک و بر برینه معاونت ایتک حسن و آرزوسنک جاری اولسی ایجاب ایدر .

ایشته بوسیدندرکه یاییله ده ، اچیلمه ده اولدینی کی ارتباط قطعه سی یوقدر . زیرا ارتباط قطعه سی دیمک کندیسه امثال ایدیله جک قطعه

دېمکدر . تمرزده ایسه کنديسنه امثال ایدلمسی لازم کن قطعه
ایلرله مش اولان قطعه در .

۲ — هجوم

۱۳۷ — یوقارده سایامش ترتیباتله ، ممکن اولدینی دشمنه
یا قلاشیلیر . وهجومله نتیجه قطعه استحصال ایدیلیر . هجوم صفحه سنک
تماماً اکلاشلمسی ایچون اشاغی سواآلری ایضاح ایتک لازمدر :
 {

- نزدن — هجومه جیقیش موضی وهجوم مسافه سی
- نصل — هجوم ترتیبانی
- نه زمان — هجوم زمانی
- نریه — هجوم نقطه سی

 }
 هجوم ایدیلرله

هجومه جیقیش موضی وهجوم مسافه سی

۱۳۸ — نزدن هجومه قالقابیرسه اوراسی هجومه جیقیش موضی
اولور ؛ فقط مطلقاً بر (هجوم جیقیش موضی) طوتولسون قاعده سی
یوقدر . بهض کره ، مساعد فرصتلردن وضعیتلردن استفاده ایدیلرک
طوغریدن طوغری به هجومه قالقابیر . فقط بویله بر حرکت ، بک
صارصیلمش دشمنه پایلیرسه ای نتیجه ویرر . زیرا بویله هجوملر
اکثریتله متفرق و طاغنیق برشکلده جریان ایدر .

جدی دشمن قارشوسنده بو حال شبهه منر ای بر نتیجه ویره منر .
بوسیدندر که جدی بر دشمنه پایله حق هجوملر بر هجومه جیقیش موضی
پایلیر .

۱۳۹ — بر هجومه جیقیش موضی تعینندن مقصد شیمدی به
قدر طبعیتله متفرق بر حاله یاناشمقده اولان قوتلری ، ایلری به

طوغری طوبلامق، احتیاطلری یا ناشد بر مق و آتش حاضر لقلدیخی یا بمق،
و بوصولته متحد بر ضربه تأمین ایتمکدن عبارتدر .
هجومه چیقیش موضعی نه قدر دشمن یقین اولورسه او نسبتده
ایدر .

(اولیه بر مسافه به قدر یا ناشیلیدر که، دشمن طوبیجیسی کندی قطعه سنی
متأثر اتمدن، متعرضه ائتس ایدمهسون)
ایشته بومسافه ده طوبیجیلرک امنیت مسافه سیدر . کرچه بومسافه
بر جوقی عاملره کوره ده کیشیر . فقط وسطی اوله رق ۲۰۰ متره
قبول ایدیه بیلیر . شو جالده هجومه چیقیش موضعی دشمنه تقریباً
۱۵۰ : ۲۰۰ متره ده اولمیدر .

هجوم ترتیبائی

۱۳۸ — ترتیبآنده اساس بتون قوتک متحد تأثیرینی تأمین
ایتمکدر . خاصه بومقصدله شیمدی به قدر مختلف محاربه غروبلی
امرنده بوتان آغیر اسلحه ممکن مرتبه نتیجه قطعه سنی قارشوسنده
طوبلانیر . و بر قوماندآ آلتنده توحید ایدیلیر . و بوصولته کشف
بر آتش احضار ایدیلیر . و بو آتشله تأمین ایدیه جک الک صوک و قاهر
ضربه ایله برابر مصادمه قوتی ده دشمن اوزرینه آتیلیر . آتش
ایله مصادمه اولیه تنظیم ایدیلش اولمیدر که ، مصادمه قوتی آتشک
کسیلدیکی ویا ایلری به قایدیرلدیغنی متعاقب و بلا فاصله دشمن اوزرینه
آتیلش اولمیدر .

هجوم زمانی و هجوم نقطه‌سی


۱۲۹ — هجوم زمانی یا مافوق قوماندانن بیلدیریلیر و یا خود اک ایلرده کی قطعه قوماندانی طرفدن اخبارایدیلیر . اکثر بته ضعیف و حاضر لقمه دشمنه تعرضلرده ، دشمنک ضعیف و صا رصیلیمش کوریلان برلر هجوم نقطه‌سی اولمایه مساعدر . بونی ایسه اک ایلرده بولنان قطعه لر کورورلر .

ایشته بوسه ورتله اخبار ایدیلان محل ، هجوم نقطه‌سی اوله رق انتخاب ایدیلیر . مافوق و مجاور قوماندانلر کورولان بومساعد وضعیت و فرصدن استفاده ایدرلر .

۱۳۰ — اگر دشمن یرلشمش و بناءً علیه قوتلی ایسه اوزمان هجوم زمانی و محلتک بر بلانه توفیقاً تنبیتی ایجاب ایدرک ، بونی مافوق قوماندانلر تعیین ایدرلر .

مافوق قوماندانلر ، مقصده کوره حضر لقلرینی اکال ایتدکن صوکره تعیین ایدیه جک بر زمانده هجومه قالدیلیر .

بلان داخلنده هجوم نقطه‌سنک انتخابنده اساس : الده کی قونک درجه سیدر . اگر قوت فضله ایسه : اویله بریر هجوم نقطه‌سی انتخاب ایدملیدرکه اورانک اسقاط ایدملسیله بتون دشمن موضعی ده سقوط ایتسون . اگر قوت قاهر دکل ایسه ، زده سی دها قولایقله ضبط ایدیه جکسه اوراسی هجوم محلی انتخاب ایدیلیر .



دشمن موضعك دريښكې ايجريښنده جريان ايدمچك محاربه

۲۰۸ - هجومدن سوكره تعيين ابدلش اولان تعرض هدفه وارمق
ايچون دشمنك موضعك دريښكې ايجريښنده يكي بر محاربه صفحه سي
آچيلير . بوه فحهك شكلې شويله تثبيت ايدايير :

(۱) دشمنك هنوز آله كچمه مش مقاومت يووالريني قوبارمق
(۲) كرى آتيلمش دشمن قوتلرينك باشقه يرلرده يرلشمه لرينه
مانع اولمق .

(۳) دشمنك يابه جنې مقابل ضربه و مقابل تعرضلريني دفع
ايتك .

ايسته بو عااملر بآثيريله محاربه متفرق برشكل آليز . بناء عليه
هجوم ايچون طوبلاديغمز قوتلر يكدن برافهنامه اوغرار . بوراده
تثبت واستقلاليت حركت ، بلا پروا ايلرله مك غيرتي موقبيت ايچون
اساسلر درر . بونك ايچون ده ، مختلف محاربه ضر و بلريني در حال اغير
اسلحه ابله تقويه ايدمليدر .

مدافعه و مقاومت

مدافعه ده یا بیله شکلی ایچون (۱۹۵-۲۰۲) ماده لره مراجعت

۱۴۱ — مدافعه ایچون یا بیلمش پیاده نك ، ایلری به و کری به

طوضری آلدینی ترتیب نك درینلک نه کوره مقاومتی ده فضله در [*]

مدافع کرک آتش یله و کرک سه ایلر ده بولوندره جنی قطعمانله

(محاربه قره غوللری ، وایلری سورولش قطعات) دشمنی اوزاقدن

قارشیلایه رق اوئی بیرتملی ، وزده له ملی .

اصل محاربه خطی اوکنده تمرضنی قیرمالی . بوده اولزسه

موضعك درینلکی ایجریسنده اریتملی . ونهایت کری به آتمه لیدر .

۱۴۲ — مدافعه ده شواساسلره دقت لازمدر :

۱ (دشمنك نره دن تعرض ایدم جکفی تماماً کسیدیرمك ممکن

دکلدر . بناء علیه قوتك و اراضینك تقسیمی هر حاله او یغون و قوماندانلر

موقعلرینه دائمی مربوط قالمالیدر لر .

۲ (استقلالیت حرکت خاعسه متقابل معاونت مدافعه ده جوق

مهمدر .

۳ (بونك ایچون قوماندانلر قطع لرینه ، و محاورلرینه مربوط

اولمالیدر . بوسبله مدافعه ده ای بر مخاربه شبکسی لازمدر .

۴ (دشمنی اوزاقدن آتشله قارشیلایمق ، و اوئی توقیف ایتمك

اساس اعتبار یله آتش عنصر لرینك وظیفه لر بدر .

پیاده نك اصل وظیفه سی مصادمه و مصادمه بی متعاقب درینلکده

جریان ایدم جك محاربه لرده در . بومقصدله مصادمه قوتی ، مصادمه به

[*] ایلری و کری تعبیری اصل محاربه خطنه کوره در ، بوندن ایلر ده

بجث ایدم جکدر .

مقدر ، دوام ایدہ جک صفحہ لہ اشتراک ایتدیرلما ملی در .
 (۵) دشمن اُنہ لجن سپر لری در حال اُدن کیتمش عد ایتہ ملی .
 اونی مقابل ضربہ لرلہ [۰] و متقابل تعرض لرلہ استرداد اید ملی . بناءً علیہ
 مدافعہ محاربہ سندہ طور غولق دکل متحرک ک حاکم اولماید .
 بومتحرک ک آنجق ہر قطعہ بر احتیاط تفریق ایتک صورتیلہ
 تأمین ایدیلیر .

۲ — محاربہ نک شکانہ وسوق ادارہ سندہ

• مؤثر اولان عاملار [**]

۱۴۳ — پیادہ نک محاربہ سی حقندہ بورایہ قدر یازیلش اولان
 قاعدہ لر عمومی اساسلردر . بواساسلرک صورت تطبیقنہ مؤثر اولہ جق
 بر طاقم عاملار و حین تطبیقندہ نظر دقتہ آلہ جق بر طاقم طرز لر واردر .
 فصل کہ ؛ ادارہ ایدہ جکمز قطعہ نک تشکیلات و قابلیت بیلمک لکمز
 لازم ایسہ مذکور عاملارک دہ مایہ ترینی ؛ خاصہ لرینی بیلمک لکمز
 لازم در . بوعاملارک باشلیجہ لری :
 « اراضی ، و قراکلی در » در .

[۰] مقابل ضربہ ، اوزون اوزادی بہ حاضر لقلرہ استناد ایتہ رک ہر
 قطعہ نک کندیلکندن پایہ جنی موضعی تعرض لدر و نتیجہ سی موضعیدر .
 مقابل تعرض لر ایسہ : اساسی حاضر لقلرہ استناد ، و نتیجہ سی وضعیت
 عمومی بی علاقہ دار ایدر .
 [۱۰۰] بو بحث بتون صنف لری عینی صورتدہ علاقہ دار ایدر . یوقارودہ دہ
 سوبلندیکی وجہلہ پیادہ نک محاربہ سی عموم ایچون براساس بر چرچیوہ
 ناولدیفندن یالکز بورادہ بحث ایدیلہ جکدر .

۹ - اراضی []

اراضی محاربه نك شكله وقراره فائده لی ویا ضرر لی ر صورتده
تأثیر یابار . فقط فائده لی ویا ضرر لی اولینی مطابق دکلدر . وضعبته
کوره در . بر وضعیت ایچون . ضرر اولان عینی عارضه دیگر وضعت
ایچون فائده لی اولور . ناشیلهجه زمین عارضه لرینك نه وجهله مؤثر
اولدقلری مختصراً آشاغیلرده یاریلشدر :

۱) یوکسکلکلر :

فائده سی : کیش رکوروش تأمین ایدر . آشیرمه آیشنه مساعددر
محدوری : دشمنك ترصد و آتش تأثیر لرینی اوزرینه جذب ایدر .
۲) چوقور اقلر ، وادیلر ، یارلر :

فائده سی : وضعیت ، و حرکتی ، زمین ترصد لی آتش و کوروشدن
محافظه ایدر . فقط هوا ترصد لرینه ، و دیک محرک لی آیشلره قارش ی محفوظیت
تأمین ایدمز . بناء علیه طابانلردن صاقینمق دشمنه متوجه یامانچلره
یادیشمق لازمدر .

محدوری : محکومدر . و غارلانیه مساعددر .

سکون برلر و ابرمانلر :

فائده سی : کیزلنیه و مستوراً حرکت یارار .

محدوری : ارتباطی کو جلدیدرر . و غارلانیه بك مساعددر .

باتاقلر ، کنیش و درین صومجرالری واسع وصیق اورنلری :

فائده سی : بونلر برر مانعدر . بناء علیه جهه ایلر یسند و یانلرده

بولنورسه فائده لی اولور .

۱۰ اراضی حقدده طوبوغرافیده معلومات لازمه ویرلشدر .

مخدوژی : بزم حرکت و فعالیت ساحه مزده ایسه مضر در .
دوزلنک : دوزلنک :

فائده سی و مخدوژی : آتش يك مؤثر در . بناء علیه آتشه استناد
ایدن طرف ایچون فائده لیدر . تعرض ایدن طرف ایچون مضر در .
دوزلنکاردن تحفظ ایچون یکانه واسطه قازمه و کوره کدر .
اراضینک بوحالینه نظر آقا قلاشق ایچون : مستوریت تأمین ایدن
بیوک ، کوخک ، طیبی رضی هر نوع عوارضدن استفاده ایتک ،
آتش ایچون : اوکی آچیق حاکم لرل آرامق لازمدر .

۱۲۴ --- آتشدن قورونمق ، و ترصددن کبزله نمک ایچون یالکیز
بر عارضه نك کریسند بولونمق کافی دکدر . (دائما ، سلا حرك منزل
و محرکاری ، هوا رصدلری دوشونمک لازمدر . تمامیه تحفظ آنجق
تمامیه زمینک ، رنگنه و شکانه بکزه کله اکال و تأمین ایدیلر .)

قراکلق و سیس

۱۴۵ . قراکلق خاصه سی : زمین و هوا ترصددن کبزله در .
ترصدلی آتشدن قورور . بوکا مقابل ، سوق و اداره سی کوجلشدیرر .
قراکلق فائده لی خاصه لیدن استفاده ایچون ، کبجه دن ، اعداصی سیسلر
وجوده کتیر یایر . بونک ایچون سیس دتلری سیس بومبالری سیس
آلتلری قولانیلر .


۱۴۶ - هوا ترصدلرندن قورونمق ، و شدلی آنشاردن قورونمق
ایچون زمان مزده ، کبجه دن حقوق استفاده ایدیله جکدر . مثلاً :
(آ) کبجه یوره یشلری چوق استعمال ایدیله جکدر .


ب (تعرضلرده هجوم موضعه قدر ياشمق
 ۷ (جيخانه مالز مه واعاشه نقلیاتی ، تربیاتی ده کیشدیرمک
 اویتمق (مانوره یایمق) ایچون کیجه دن استفاده ایدیه جکدر .
 بوکا مقابل سوق واداره مشکلاتی طولایسیله بیوک مقیاسده
 کیجه تعرضلری همان غیرممکندر . [*] کوچک مقیاسده تشبثلرایسه
 هم ممکن ، وهمده تشبثلره باصقین ماهیتی ویره جکندن پک وؤردر .
 کوچک تشبثلرک فائده سنه مثال



۱۳۳۱ سنه سنده قاتق قوت قارشوسنده صیقیشمش اولان ی ۹
 ط ۲ تک برطاقم ایله دشمنک کریسنده کی (برخوص) کوبنه بومبا ایله
 یایدینی برکیجه باصقینی پک قاتق دشمنی رجعته مجبور ایتشد .
 فقط بوکا مقابل عینی سنه برنخی قوؤ سفیره نک دلمان شمالی طوتمش
 اولان روسلره یایدینی کیجه تعرضی نتیجه سزقالمش و فرقه رجعته مجبور
 اولشد .

بیوک تشبثلرک کوچلکنه مثال





۱۳۳۱ سنه سنده ۲۳۰۰ راقلی تبه بی قوتلی بر صورتده اشغال ایتش
اولان روسلر تعرض ایچون ده کجه دن ۳ بلوک تام دشمنک کرسته
مصادف قره قاج تبه لینه سوق ایدیلش بوصورته صباحلین هم کریدن
هم جبهه دن باصقین تعرضه اوضرامش اولان روسلر چتین ومتین
اولان یرلرینی چوق تلفات وبره رک ترک مجبور اولمشدر .

۱۴۶ — دوز اولان عراقده کی محاربه لرده جیخانه (اکالی)
اعاشه ومانوره و تحکیمات آنجق کجه یایله بیلمشدر .

۱۴۷ — باشلامش اولان بر محاربه ، کجه اولمسیله کسبامه ملیدر .
۱۳۳۷ سنه سنده یونانلیلر تصوح چال تبه سی بوصورته کجه دخی صباحه
قدر ادامه ایدیلش اولان محاربه ایله اسقاطه موفق اولمشدر .

۱۴۸ — رجعت ایچون کجه دن استفاده ایدیلیدر .

۱۴۹ — کجه دن الک زیاده متضرر اولان مدافعدر . بوضردی
آزالتمق ایچون ، صیق بر صورتده امنیت ترتیباتی آلمق و ضیا
وسائلی ایله تنویر ایتک لازمدر .

پیاده‌نک کشف وظائفی

۱۵۰ — سوق وادارنک علی الدوام محتاج اوله جنی خدمت کشفدر . اوزاق وبقین کشف وظائفنک طیاره و سواریلر طرفدن یایله جنی (. . ر مادهده) یازیلشدی :

فقط : طیاره و سوارینک یوقسزلنی ، ویا آزانی ، اراضینک و دشمن آتشنک حالی طولایسیله بوصفله فعالیت کوستره منرلر سه یقین کشف وظائفی ده پیاده به ترتب ایدر .

۱۵۱ — قاعدة دشمنه یاقلاشیلدجه ، دیگر صنفلرک کشف وظیفه سی ده اونسبتده اهمیت قازانمایه باشلار . نهایت کشف ، محاربه کشفی ماهیتنی آلتجه کشف وظیفه سی منحصرأ دیگر صنفله واک مهم و آغیر قسمی منحصرأ پیاده لره اشتغال ایدر . [*]

ایشته بوسه بیدندرکه ، پیاده قطعه لرند کشف نقطه نظرندن یقینشمش افراد بولونمسی لازمدر . (پیا . تع . ۱۰۱)

۱۵۲ — کشف ، کشف قوللریله یاییلیر . کشف قوللرند بولنه حق کشف تجهیزاتنک باشلیجه سی ده عادی و مقاصلی دوریدنلر ، و مسافه آلتلری (تله متره و امثلی) در .

۱ / یقین و محاربه کشفلرینک غایه وحدودی تقریباً شویله تثبیت ایدیله بیلیر :

۱) یقین کشف : درار و ترتیباتی احضار ایدر .
و بره جکی معلومات : دشمن نروده ، نه وقت و ترتیبانده در ، ماهیتنده در .
۲) محاربه کشفی : ویریش اولان قرار و آلتش اولان ترتیباتنک متعاقب

اشکال و صفحانه مؤثر اولور .

و بره جکی معلومات : دشمنک وضعیتنده قوتنده و ترتیبانده کی تبدلر اراضی به و ترتیبانه متعلق تقرعات شو و تعریفه کوره آچیلمه ایله برابر محاربه کشف صفحه سی آچیلیر .

کشف قوللرینک قوتی وظیفه ، و اوغرائیله حق انشکالک قوت و درجه سنه کوره ده یکشیر :

(۱) صرف کورمه به منحصر کشفلرده : بحر بکلی بیکیک و آز مقدارده افراد قوللائیلیر .

(۲) کشف اثناسنده ، دشمن قوتلرینی طردایتک و بعض نقطه لری الدله بولوندیرمق لازم کله جکسه : ضابط قوماندا سنده ، خ . م . ت . ايله تقویه ایدیلش قوتلی کشف قوللری استخدام ایدیلیر .

(۳) اگر کشف دواملی اوله حق ، و مختلف اختصاصده دائر معلومات آله حق ایسه ؛ بوقدیرده کشف قوللری ؛ استحکامی ، مخبره جی طوبحی الخ عنصر لرندن ترکیب ، و آغیر ماکنالی تفنیکلره تقویه ایدیلیر .

(۴) کشف خبری اوله حق ایسه : بومقصدله مختلف صنفدن مرکب کشف قطعه لری استخدام ایدیلیر . بوقطعه لر ، کشف و مالیتک اوغرایه جی مانع لری قالدیر ، و کشف قوللرینه یول آچار ، و اونلری حمایه ایدر . بوطر زده کی کشفلر اکثریتله حاضر لائمش و برلشمش دشمنه قارشى ، حاضرلق و ضعیفی آلمش متعرض طرفدن یاییلیر .

امنیت و ستر

۱۵۳ — پیاده کشف ایله برابر امنیتنی استحصال و وضعیتی سترایمکله ده مکلفدره بعض کره ترتیب ایدیلان کشف شبکه سی بوظیفه یابه یاییلیر . امنیت و ترتیبانی آلمق خصوصنده هیچ رقطه قصور اتمه ملیدر . [*]
[*] کشف قولی ، ایلری به دشمنک وضعیته باغایدیر . کری بی و شومخ و وظیفه سی بونی اقتضا ایتدیر .

امنیت و وظیفه سی ایسه : تأمین ایده جکی وقطعه ک و ضایعه و حرکانه باغایدیر . ایشته بوسیدندرکه اکثر احوالده کشف امنیت یرینه قائم اوله منزه

امنیت ترتیبی اساساً ستر مقصدی ده تأمین ایدر .

ارتباط


۱۵۲ — مشترک و متحد تأثیر ایله متقابل امنیت متقابل ارتباط ایله ممکندر . زمانمز محاربه لرنده متفرق وضعیت آلق ضرورت کسب ایتدیکی نسبتنده ارتباطکده اهمیت آرتمشدر . هر قطعه ایلیسی یوقلادی قدر ، صاغی ، صولنی و کریسی یوقلامه لی و او کرملیدر .
ارتباط واسطه لری شونلردر :

- ۱) مشترك امرلر ارتباطك اساسنی قورار .
- ۲) هر نوع فی ترصد و مخاره واسطه لرندن استفاده ایدیلیر .
- ۳) ایجابنده ارتباطی ضابطلری ، قطعه لری و کشف قولاری ،
تفرلری استخدام ایدیلیر . [*]

[۰] ارتباط ضابطلری : ایکی قطعه آره سنده کی ارتباط تأسیسه مکلف اوله رق مختلف قطعه لرده یکدیگری نزدند . بولونیدر قلی ضابطدر .
ارتباطی قطعه لری : متفرق ایکی قطعه آراسنده ارتباط تأسیس ایتک اوزره مذکور قطعه لر آره سنده بولونیدر بلان قطعه لردر .
بونلرک ترکیبی و وجودلری ، ایکی قطعه آراسنده کی مسافه و اراضینک حالته تابعدر . مسافه بویوک و عارضه لی ایسه قطعه ده بویوک و وسائط مخاره ایله ، خاصه ضیا مخاره و ساطیله تجهیز ایدیلیر .
ارتباط کشف قولاری : بولونیدی بر معلوم اولبان بر قطعه بی آرایوب

بولقی و ارتباط تأسیس ایتکله مکلف قطعه لردر .
ارتباطی قطعه سیله ارتباط قطعه سی آره سنده فرق واردر .
ارتباطی قطعه سی ارتباط تأسیسه مکلف اولور . ارتباط قطعه سی کند سیله ارتباط تأسیس و حیکنانه امتثال ایدیلیر . بوتعبیر و تمیزلر عسکری قاموس قویسیوتجه تثبیت و تسیب ایدلشدر .

۱۵۵ — آئیده کی هالار ارتباطده کی قصائلق تأثیرله وقوعه
ککش آیم حادثه لردر :



۱۳۳۹ سنه سنده سلمان پاکده انکلیز لره مقابل تعرضه چکیدی . جبهه دن
تعرضه مأمور فرقه ۴۵ ایله احاطه یه مأمور فرقه ۵۱ آره سنده کیجه
ارتباط غائب اولدی . بالنتیجه بر طرف دن فرقه ۲۵ منفرداً دشمنه
چاریدی . ورجته مجبور اولدی . دیگر طرف دن بوسورتله منفرد
قالمش اولان فرقه ۵۱ ده چکیدی . و آخر ص عقیم قالدی .



۱۳۳۱ سنه سنده مرادنهری جنوبنده ۵۱، ۵۲. نجی فرقه لرر و سله
قارشى مدافعه ایدیلر . امنیت خطاری متصل ایدی . کیجه فرقه
۵۲ نك امنیت قطعه سی کرى چکلدى . فرقه ۵۱ نك امنیت قطعه سی
بوندن خبردار اولمادی . وصول یائی مستند ظن ایدی .
صباحلین شفقله برابر ایکی آلاى قدر دشمن سواریسنك باصقینه
معروض قالدی . طاوور ، طوپی ونصفندن فضله موجودینی غائب
ایده رك چکلدى .

یان تأثیر وباصقین


۱۵۶ — بک فائق قوت ووسائله وچوق ضایعات ویریلک
مقابلنده موفقیت تأمین ایده جک برسوق واداره شایان تقدیر دکل ،
تسقیده لایقدر
برسوق واداره نك بارلافله معیار : آاز قوت ووسائله ، آاز
ضایعات ایله هم ده محاکار بر موفقیت تأمین ایتمکدر .
بویله برسوق واداره نك خاصه میزه سی ده اونك باصقین شکلنده ویا
تأثیرلی اولمسیدیر . بیوک آفیون تعرضمز بوايکی خاصه بی ده جامع
ونیجه سی ده بارلاق و بناء علیه سوق واداره مهارتیه الکبلیغ ولایموت
بره مال تشکیل ایدو .

یان تأثیر

۱۵۷ — یان تأثیر ایی درلو اولور :
(۱) حرکتله یان تأثیر .

۲) آتشله یان تاثیر .

حرکتله یان تاثیر : دشمنك احاطه یدلمسني انتج ، اك حساس وضعیت اولان یان و کریمسني تهدید ایدر . بوعتبارله بتون قرارلرده و ترتیبانده ، بوطرzk تطبیقی امکانی دوشونولمی و تأمین ایدلملیدر . چونکه جبهه حرکتلریله ، دشمن آنجق کری به طوغری ایتیلیر ، یوقسه ازیله من و احاطه ایدیله من .




آتش ایله یان تاثیر : دشمنه فضله ضایعات ویردیریلیر . بناء علیه هر سلاح وجهتی تأمل و تطبیق ایتیلیدر .



طوغری آتشلر هدفك ب ح قسمی، یان آتشله ب ح آتش ایتلدهدر .


۱۵۸ — یان تاثیر صورت عمومیهده سوق و اداره یی اشکال لایدر . چونکه کرک حرکت و کرکسه آتشله یان تاثیر لر متفرق وضعیت و حرکتی استلزام ایدر .



بوشکل یان آتش مقصدیله آلتش برترتیک شکلیدر . متفرق
برطاق کومه لر حالندهدر .

۱۵۹ — مدافعهده سلاحلرک تعییه سنده یان تأثیر تأمین ایتمک
فکری تماماً حاکم اولماید . عکس تقدیرده جبهه مؤثر آتشله
اورتوله من . آتش آلتنه اته ماش ، بوشکلر ، وزاویه مبتلر قالیر .

۱۶۰ — بناء علیه کرک مدافعه و کرکه تعرضده آتش تعییه سنده
یان تأثیری اساسدر . بناء علیه مجاور جزء تاملرک آتش هدقلری محاربه
منطقه لر یله دکل ، سلاحلرک وضعیت و منزل لر یله تحدید ایدیلیر .
بوسیدن آتش منطقه لر ی ، اشغال و حرکت منطقه لر ندن کنیشدر .
چونکه یان تأثیر تأمین ایچون بر برینک اوکی . آتش آلتنه الیرلر .
خاصه سلاح آز و اراضیده مساعدایسه بو طرز حرکت ضرور یدره .



باصقین

۱۶۱ — باصقین، مادی و معنوی يك بيوك تأثیر یاپار. بناءً علیه بتون محاربه كئیشلارینك باصقین شكلنده ترتیبه اهمیت و دقت مخصوصه عطف ایدیلایدیر .

باصقین ایکی درلو اولور : حرکتله باصقین ، آتش ایله باصقین . باصقین دشمنی غافل اولامق و آلاآتمله استحصال ایدیلیر . بوده دشمنك اوممادیفی برزمانده ، بریرده بر ترتیبده اوله رق تأثیر یامقوله و آتیده کی واسطه لرله تأمین ایدیلیر :

۱) تعرض وقتندن اول امر ایدیلیملی . ایجاب ایدر معکوس شایعه لرله افکار قاریشیدیر یلمالی .

۲) اراضینك هر نوع عوارضندن و قراكلقلردن استفاده ایدیلیر .


۳) وضعیت خصوصی سترقطعه لرله وساخته وضعیت و حرکتله ستر ایدیلیر .

۴) بتون بونلرله برابر دشمنك ایجه کشفنه چالیشیلیر .

۱۶۲ — یالکز مقصدك و حرکتك کیزلنمه سی کافی دکلدر .

فقط برحرکتك تام مناسیله باصقین شكلنده اولسی ایچون، حرکته باشلانجه به قدر مقصدی باشلانقدن سوکره نتیجه طبعیه زمانه قدرده ترتیاتی کیزلنمك لازمدور . مثلاً : دشمنه تعرض ایتك مقصدنده بم بومقصد تعرضه کچنجه بالضروره میدان چیقار . فقط بوندن سوکره قونك مرکز قاتی زده در ؟ نتیجه طبعیه زده آرانیور ؟ بوکیزلنمیدور .

۱۳۳۱ سنه سنده عراقده جريان ايتمش اولان دلابجه
ميدان محاربه سی آتش و حرکت
باصقيلرينه بر مثالدر.



۱۳۳۱ سنه سنده انگلیزلر رجعت ایدیور، بزده تعقیب اید یوردق.
آقشام قرا کاغنده انگلیز اردوگاهنک ایشیقاری کورولدی . و اوکا آتش
آجیلدی . ایشیقار سوندی . دشمن اوزرینه ی ۲۴ سوق ایدلدی .
فقط یا کلش استقامته کتدیکندن انگلیزلره تماس ایده مەدی .
ودشمنک چکلدیکنه حکم ایدلدی . قطعات بو حکم نتیجه سنده
چادرلی اردوگاهه کیردی . فقط ۵۱ نجی فرقه احتیاطلی طاوراندی
و محاربه یه حاضر وضعیتده قالدی .

صباحلین شفقله برابر انگلیزلر ۲۳۰۰ متره دن اردوگاهه مدهش
برطوبچی آتشی آجیدی . و تعرضه قالدی . ۳۵ ، ۳۸ ، ۲۵ نجی
فرقلر بیوک ضایعاتله کری یه چکلدی . بوکا مقابل ۵۱ نجی فرقه
تعرضه قالدی . وضعیت بزم ایچون وخامت کسب ایتشدی . فقط

اوزمانه قدر کیزی قالمش اولان ی ۴۴ طوغریدن طوغری به سونکوابله دشمنی باصدی. بوزمانه قدر آتش و حر کتیه، بویوک موفقیت و جدی حاکمیت تأمین ایتمش اولان انکلیزلر (ک ۴۴) ک بوتعرضی اوزرینه قاریشدی. برقاج کیسی. بر چوق و سائلی ترک ایدرک پریشان برصورتده رجعت ایتدی.

انکلیزلرک آتش باصقینی بزم اوچ قرقمزی، بزم ی ۴۴ ک حرکت یاصقینی انکلیزلرک بوتون قوتلرینی رجعته مجبور ایتدی.

۳ — محاربه ده کری فعالیتلری

جیخانه اکالی

۱۶۳ — پیاده جیخانه سی :

(۱) نفر اوزرنده وسلاح نردنده

(۲) بلوک محاربه قدمه لرنده

(۳) محاربه آفرلقلریده .

(۴) عصری اردولرده آلا ی خفیف پیاده جیخانه قوللارنده

بولور .

۱۶۴ — محاربه لرده جیخانه اکالی کوجاشمشد . چونکه :

(۱) جیخانه صرقاتی چوقدر و جیخانه لر آغیر و متنوعدر .

(۲) محاربه ده آتشلرک درینلکنه تأثیری آرتمشدر . بناء علیه

جهه لرک کریسی اوزاقلری ده آتش آلتندهدر .

ایشته بوکا بناء جیخانه اکالی تسهیل ایدرک یکانه چاره ،

سلاح نردنده و نفر اوزرنده فضله جیخانه بولوندرمقدردر .

۱۶۵ — بوکا نظراً جیخانہ اکالی شواساسلر داخلندہ جریان

ایدر :

(۱) قطعہ محاربہ بہ گیر رکن ، بلوک محاربہ قدمہ لری ، ممکن اولدینی
قدر بلوک لری تعقیب ایدر . آرتق امکان قالماسه ، محاربہ قدمہ سندہ کی
جیخانہ ایله افراد نزدندہ کی جیخانہ تربید ایدر لیر .

(۲) بوشالمش جیخانہ قدمہ لری طاہور نزدندہ طوبلانیر . طاہور
قوماندانی بونلرک اکالی و بلوک لره یقیشدیرلمسی تامین ایدر .
بوصورتله جیخانہ تشکیللری ده ایلری به طوغری قدمہ لہ نیر .

صحیہ تعیمیہ سی

۱۶۶ — صحیہ تعیمیہ سندہ اساس :

- (۱) صحیہ تشکیللرینک ایملک خطدن اعتباراً کری به قدمہ لنسی .
 - (۲) هر قدمہ نك ، مجروح لره مداوات و مداخلات اولیه باه رق
اونلری قابل نقل برحاله کتیرمسی .
 - (۳) قدمہ لر آردہ سندہ منتظام بر نقلیه فعالیتی تأسیسی در .
- محاربہ باشلادینی زمان تأسس ایده جک صحیہ قدمہ لری وظائفی
آشاعیکی جدولده کوسترلشددر :

صحيه ئىمپىيەسى كۈستەر لۈحە

ملاحظات	وظيفەلىرى	ھاڭى قىلمە مىل قىلدىن تىكىل ايدىلەجى	صحيه قىلىرى
(*) بىر تۈرۈپ بولالىرى ھىرا ھارەپە لىزىدە پارە يىلدىك كىندى كىندى پىلەتە بولدىقارى مىلاردىر. آتۇق مداقمە ھارەپە لىزىدە تىكىل اولە يىلور.	پارە يى ھارارلىر . پارالى بە امداد ايدىرلى . ابلەك مداوات و ھارەتى پارلىر . ابلەك ايشى تىلەكەدن تأثيرات ھوشىدىن قورقارلىق ، وازىدىن ھىوكرە اون باشتىنەك پانە كۈتۈرىك و پاختودا و پاشىنى كىتەرىك صحيه ارنى باشىدى پارە لى باقتە سى قور . و قىلمە ھارەتى علانە نقل ايدىرلى	مىلەك سىكرە جىلرى (۰) مىل قىلدىن	بىر تۈرۈپ لىرى
	اوق و قورقۇلماقە لىزىرلى و عاجل مىل خىلاتىنەك پارە لىزىدىن كېرى بە قاپل شق برىلەك كىتەرىك ، ھىلەت ، مىكەن و آتە ئاغانىك شىرىنە لىرى پارلىر . صحيه بىلەك كىلەك تىكەرە جىلەك بىر ھىرە جىنى آرا بە توقىق ھارەتى ايدىرلى .	مىل پور و آلای مىل قىلدىن	قىلمە ھارەتى مىل
	صحيه بىلەك ، افسىلەك مەندەق و برەق تۈرۈپ بولۇپ . قىلمە ھارەتى ھىلەدىن كەل . پارە يىلەك مىل ھارەتى اكلەك و پارالىك كېرى بە قاپلەك قىلمە سى . ئايدىن ايدەك الەك لازىم و مستەجىل مىل خىلاتىدە بولۇپ .	صحيه بىلەك مىل قىلدىن	آرا بە توقىق مىل

صحبه تمبيه سنی کو ستر لوجه

۱ ۲ ۱

الاحداث	وظیفه لری	ماژگی قطع طر فندن تشکیل ابدله چکی	صحبه قدمه لری
(۰) وضعیت جریبه مساعدا یسه آرزو مانده ای او له جفی خفیف یاده لیری اسراه تداوی ایه پیلیر آ غیر یازده لی ابله دو لانس سیه آرخسته خانه وقفه اسراه تبیث ایدله پیلیر لری اسراض ساره و نو عنده اسراه صا این خسته لیر خسته خانه سی وظیفه سفی ده کور ور	خسته نك حیاتی عاطفه و کبری به نقل لری بآمین ایچون ایجاب ایدن مستعمل برون مداخلات جراحی بی یا بار لرو سیار خسته خانه نك و یا قول اردو نك نقل مجروحین مغز ه سستك آراه لریله و یا خود نطمانك برش جی خانه و اذراق قول لریله و یا اهالی، ساططیه مجروحین سلاطریله سار خسته خانه به نقل ایدر لری. اسرا ایدیش ایسه سلاطری تسلیم آلیر لری. اناشته لری بآمین ایدر لرا کک، جو و یا، جای بر و قور و یا خود صحبه کوچک ضابط بولونور قطعات صا رخی علندن و صحبه بولکندن و یا خود دیگر علل ردن که چک خفیف یاده لیرک مداوانته باقار	صحبه بلوک طر فندن	بیوک صا رخی علی
	فرقه سر طید نك اسرا یله قطعات و یا کبری و ساسانده وظیفه سفی مساعدا صحبه شا با انا نك مناسب مقدار ابله موقفه	قول اردو لری طر فندن	سیار خسته خانه

اعاشه

۱۶۷ — اعاشه وسائلی :

(۱) نفر و حیوانلر اوزرنده

(۲) بیوک آغزلقلردن بولنور .

نفر اوزرنده کی دمیر باش اوزاق امر مخصوص ایله یه نیر .
بناء علیه هر کون بیوک آغزلقلردن اعاشه ایدیلیدر . افراد
صیجاقیمک ویریله یه چالیشیلیدر . بونک ایچون بیوک آغزلقلردن
تفریق ایدیله جک محاربه اعاشه قدمه لری ایلری یه سورولمیدر .

۳ — قوماندانلرک یرلری ، و امر قوماندان ترتیبائی

۱۶۸ — بورایه قدر ، پیاده نك سوق و اداره یه متعلق اساسلر

کورولدی . شیمدی کوریلان بتون بو عناصری فعالیتیه کتیره جک قوماندان
هیا تلیدر .

قوماندانلرک یری :

بتون وضعیتی کورمه یه ، و حرکاته حاکم اولمایه مساعد یرلردر .
اگر هر طرفی کوره جک یرلر بولونمزسه ، او حالده اک مهم طرفی
کوره جک یرده بولونیلور . کوریله میه جک اقسام ایچون معاون
مترصدلر استخدام ایدیلیر .

۱۶۹ — امر و قوماندان محالده : ترصد یری ، و امر به یری

تأسس ایدر . ترصد یرنده بالذات قوماندان و معیتی بولنور . بوراسی محاربه نك
طرز جریانه کوره ده کیشیر .


امر یرنده : مخاره مرکزی تأسیس ایدیلیر. ویوراسی ترصد
یرینه و دیگر ایجاب ایدن یرله مربوط اولتور .

امر یری ایچون شرطلر :

(۱) کرک ایلری و کرکسه کری ایله قولایقله ارتباط تأسیسنه
مساعد اوللی .

(۲) بولنسی قولای و محفوظ اوللی یا یاواتلی امر برلرک ایلری به
و کری به کیمه لینه مساعد اوللی .

(۳) ممکن مرتبه چوق دیکشیا جک بریده بولونملی .



پیاده جزء تاملرینک

محاربه سی

(مانعه - آلا ی)

عمومی ملاحظه

۱۷۰ — قوماندانلر ، مادون قوماندانلره وظیفه لری
 و بو وظیفه به نظر آنه طرزده حرکت اید جکلرینی ناطق امرلر
 ویررلر . بواصری تاقی ایدن جزء تام قوماندانی ، مقصده موافق
 اولق و وضعیتک ایجاب ایتدیردیکي وحدت و مشترک تأثیری اخلاص
 ایتمک شرطیه و سائط انتخابنده سربستدر .

۱۷۱ — پیاده محاربه سنک اشکالی وصفحاتی حقنده کی اساسلر
 بوندن اولکی بخشارده کور و اشددر . شیمدی ، مختلف پیاده جزء تاملرینک
 یواساسلره نظر آنه بولده اداره ایدیه جکلری ایضاح اولته جقدر .

تدریض

پیاده مانعه لری (آوجی ، خ . م . ت)

۱۷۲ — پیاده مانعه لری وظیفه لری طاقم قوماندانندن آلیرلر .
 و محاربه اشناسنده طاقم چرچیوه سی داخلنده سربستدرلر .

مانعه قوماندانلری ، مانعه لری قیصه امرلر و قوماندانلره سوق
 ایتدیرلر . بواصر و قوماندانلر : طوغریدن طوغری به یا خود اشارت لره ،
 و یا خود هرنفر طرفدن تکرار لانه رق تبلیغ ایدیلر .

۱۷۳ — آوجی و خفیف ما کنه لی تفک مانغه لرینک هر ایکسی دم هجوم و مصادمه یه اشتراک ایده جکلردر . یالکیز بوصفحه یه وارنجه یه قدر ، مانغه لرك طرز حرکتلرنده برآز فرقلر واردر . بوفر قده سلاح لرینک جنس و قابلیتندن طوغار :

(آ) آوجی مانغه سی : منحصرأ مصادمه مانغه سیدر . کندیسنه ویریش اولان سلاحلرده (تفک و آل بومالر) آنجق ۱۵۰ متره . یعنی تام هجوم مسافه سنده آتش آجایه مساعددر .

شوالده بومانغه نك سوق و اداره سنده اساس : مذکور مسافه یه قدر مانغه بی آغیر و خفیف سلاحلرك حایه سنده اوله رق اراضیدن استفاده ایدرک یا قلاشدیرمقدر .

شو تقدیرده مانده قوماندانی ایلرده بولونه رق ، اراضینک مستورأ حرکتیه مساعد اقسامی اوکجه دن کورمه لی ، و مانغه سی اوکا کوره سوق ایتملیدر .

(ب) آوجی مانغه سی ، بویا قلاشمه ائساننده آتش ایتمک مجبوریتنده قالیرسه ؛ بتون افرادنی آتسه اشتراک ایتدیره جکنه ، برایکی دانه سچمه آتجیلری بونک ایچون استخدام ایتملی و دیگرلرینی مستور بولوندیرمه نی دائماً ترجیح ایتدیلدر . مع مافی آغیر و خفیف ما کنه لی تفکلرك آتشلرینی اکمال ایتمک مقصد یله بتون مانغه نك آتسه اشتراکی ده ایجاب ایده بیلیر .

(ج) مانغه هر هائیکی بر مقاومت قارشوسنده بولنورسه ، بونی ازاله یه قادر اولوب اولمادیغنی تقدیر ایتملی . سوره کلی آتشی ایجاب ایتدیرن هدف لرله آتش محاربه سنه کیرمه ملی . کبفتی : مافوق قوماندانلره ، خفیف ، و آغیر ما کنه لی تفک و دیگر پیاده سلاح لرینه ییلدیره رک اولنلرك معاونتی طلب و تأمین ایتملیدر .

۱۷۴ — خفیف ماکنه لی مانغه لری :

(آ) بولر طاقك آتش قوتیدر . و دشمنه ۷۰۰ مترده مسافه دن آتسه باشلايه یلیر . شو حالده ، بومانغه ده محل مذکورده قدر آغیر اسلحه نك حمایه سنده ، و اراضیدن استفاده ایدر ك یا فلاشیر . اوندن صوکره کی حرکت و ترتیب لرنده آتشیله طاقك حمایه سی وظیفه سی اساس اولور .

بویکیت ، طاقك محاربه منطقه سنده نسبتاً حاکم اولان استفادیلری تعقیب ایتیمه یی ؛ و دایما ایلرده بولونمیه یی استلزام ایدر . بوسورتله خ . م . ت مانغه لری تعرضلرده بر تعرض اوجی تشکیل ایدر . بناءً علیه مانغه قوماندانی : ایلرده بولنه رق ، هم یا بلاشمه استفادیلری و همده آتش موضعلری کشف ایدر .

آتش اکثریتله مانغه قوماندانك امریله آجیلیر .
(ب) مانغه قوماندانی ؛ طاقك وضعیتنه ، دیگر آغیر اسلحه نك آتشلری کمال ایتیمه دقت ایدر .

(ج) مانغه قوماندانی خفیف ماکنه لینك بر عارضیه اوزر اسی و یا خود آتشنك نزید لزومی حس ایتدیکی تقدیرده آوجیلری ده استفادام ایدر .

۱۷۵ — آتش موضعلربنك منتظم آوجیلرله اشغال

طوغری دکلدر . اراضینك شکلنه و هدفك وضعیتنه کوره کوچك کومه لر حالده و بآن آتش یا به جق وضعیتنه موضع اشغالی الك موافقذر .
۱۷۶ — اکثریتله مشترک هدف قارشو سنده بولنه جق ، اوجی

و خ . م . ت مانغه لرندن محاربه غروبلری تشکیل ایدر .

۱۷۷ — بك حاضر لتلی اولمیان دشمنه تعرضلرده ، هجوم

زمانی مانفه قوماندانلرینک قرار ذاتیلرندن طوغار . ا کر دشمن ایجه حاضر لائمش بر موضعه ایسه هجوم قرار ی مانفه قوماندانسه بر اقبله من .

۱۷۸ — برنجی خطده بولونمیان مانفه لرده ایلرله مک خصوصنده برنجی خطده کیلر کی حرکت ایدر . آنجق بوی مانفه لرده ایلر ده کیلر حایه ایتمی دوشونملی . وبومقصدله خاصه کسکین نشانجیلری استخدام ایتمیدر . ایلاک خطده بیوک بوشقلر حاصل اولمش ، وایلاک خطده کیلر فضله ضایعاته اوغرامش ایسه لزوم کوردیکی تقدیرده کندیلکندن ایلاک خطی تقویه ایدم بیایر .

۱۷۹ — هجومده مانفهلر :

آوجی ؟ و خ . م . ت مانفهلرینک بتون آوجیلری هجومه اشتراک ایدر . (خ . م . ت) ، اراضی و وضعیت مساعد ایسه (یانلرندن وایوکسکدن آتش ایدم یلیورسه) مصادمه آنه قدر هجوم حرکتی کریدن حایه ایدر . اوندن صوکره سرعتله ایلری به التحاق ایلر . ا کر اراضی بویولده حایه به مساعد دکلسه ، کندیسیده قوشارکن آتش ایتمک شرطیله هجومه اشتراک ایلر .

۱۸۰ — کرک خ . م . ت و کرکسه آوجی مانفهلری دشمن حایه لرینه قارشى متیقط بولونمایدرلر . آنجق آتش ایتمک ایجاب ایتمیدی تقدیرده آتشلرینک قدرتلرینی دوشونمایدرلر .

پیاده طاقی

۱۸۱ — طاقم محاربه وظیفه سی بلو کدن آلیر . بوا مره نظراً همان طاقدن مبارزه غروب لری تشکیل می یوقسه مانفه مانفه استخدام می ایجاب ایدم جکفی تمین ایدر . وامرینی آوکا کوره ویرر .

۱۸۲ — طلاق قوماندانی ، امری شفاهاً و کویستره رک ویرمیلیدر .
و ممکن اولدق ، مانعه قوماندانلربی وضعیت و اراضی کوره جک
بربرده طوبیلاملی و امر هیأت عمومییه بردن ویرمیلیدر .
بودن باشقه وضعیت و وقت مساعدیسه مقصد و وظیفه حقیقه
بتون طاقم افرادیته عمومی معلومات ویرمیلیدر .

آمرضك مختلف صفحه لر نه

طاقك سوق و اداره سی

آ — ایئرله مه ده [*]

۱۸۳ — ایئرله مه ده شو و وظیفه لر واردور .
(آ) یقین امنیت ایچون ایئرلیسه بر قاج کوزجی چیقاریر .
(ب) طیاره یه قارشى ترتیباتلی بولنور . کسکین ناشانجی و خفیف
ما کنه لی تفنگلردن مرکب برغروپ یا عمق موافقدور)

[* ۱) یوقارلرده یازیلشدی ته آجیلمه و یا ییلمه کی ، عیار به حاضر لقلربی
هر قطعه عینی یرده و عینی زمانده پایمز ، مثلاً بلوک آجیلدینی زمان احتمال
طاقم یورویش اولنده قالیر . بوراده کی ایئرله مه دن مقصد بودور ، و بو
وضعیت هر جزء تام ایچون واقعدور .

(۲) ایئرله مه اشناسنده وظیفه لر هر جزء تام ایچون مانع میندور :

(آ) قهریه و هوا به قارشى امنیت
(ب) کشف

قطط یوقمالیتلرک شمول و مقیاسی جزء تاملرک بیوکترینه کوره تبدل
ایدور . (مختلف جزء تاملره دقت)

(۳) دقت ایملسی لازم برجهت ده امنیتک نصل و کیلمره قارشى اوله جفیدر
و بوده ایکی درلودور . (۱) آتیشه قارشى (۲) دشمنک امرضلرینه باصقینلرینه قارشى .

ب — آچیلمه

۱۸۴ — هیا و قره ترصد لرندن و آتش لرندن قورونمق و دها زیاده محاربه یه حاضر اولمق ایجاب ایتدیکی زمان طاقم آچیلیر. آچیلمه ایچون طاقم قوماندانی مانعه قوماندا نلرینه آچیلمه امری ویرر، بو امرک محتویات شونلردر :

(۱) دشمن

(۲) بلوکلک وظیفه سی و محاربه منطقه سی و متجاور لر آغیر اسلحه خفنده معلومات .

(۳) طاقم وظیفه سی

(۴) طاقم یوروش استقامتی

(۵) طاقم انقسامی (مانعه لرك، درینلكنه و كنیشلكنه آره لق و مسافه لر)

(۶) ارتباط


(۷) قوماندانك بولونه جنی بر

۱۸۵ — طاقم آچیلمه شكل لری :

برنجیسی ایچون : بر شكل مخصوص آ و سلاحه . قباله یه حاضر بولونمق لازمدر .

ایکنجیسی ایچون ده : ایجاب ایدن استقامت لره امنیت قدمه لری جبقا ریله ایدر، حاتمما دوشونولم لیدر که امنیت آنجق بوا یکی تدبیرك مجموعه تام اولور .

۱۸۶ - نقشهٔ آمیزش کدور



(۱) درینلکنه آچیلمه :

بوشکل طار جه، لرده قوللانیه بیلیر.

(۲) کنیشلکنه آچیلمه : آراضی اقتضاسی آتش و مصادمه

قوتلری متفرق حرکت ایده جکسه منطقه کنیش، و اراضی برطرفدن
حاکمیت دیگر طرفدن مستوریت تأمین ایدن اقسامی احتوا ایدیورسه
قوللانیه بیلیر .

۱۸۶ — طاقم هر هانسی برشکلی محافظه ایتیه مجبور دکدر .

اراضینک متعاقب انده کشفاته کوره شکلی تبدیل ایدر . و آچیلمه نك
تشکیل ایدیه جک محاربه غروپلریله یا ییلمی ده ممکندر . یوقاری
شکلرده، اولدینی کی.

ج - یایلمه

۱۸۷ — کندیسنه ویریش اولان هدفه طوغری ایلرله مک ایچون اک موافق شکلی آیر:

طاقم ممکن اولدینی درجه ده آغیر اسلحه نك وکندی خ . م . ت تنك مانعه لرینك حایه سنده ایلرلر .

بومقصدله ویره جکی تعرض امرنده شوماده لر بولتور :

۱) دشمن (ایجه اراضیده ومسافه سیله ایضاح ایدرك)

۲) کندی بلوکنك وظیفه و ترتیبی .

۳) طاقك وظیفه سی و هدفی .

۴) طاقك ترتیبی (مانعه لرك آله جقلری شكللارك تعینی مانعه قوماندانلرینك وظیفه سیدر) .

۵) کندیسنك بولنه جی یر .

یایلمه ده ارتباط اك ایلرله بولنان مانعه در .

۱۸۸ — آتش آجق مانعه قوماندانلرینه طأدره بعض حاللرده

طاقم قوماندائی ده اثر ایده بیلیر :

۱۸۹ — ممکن ایسه طاقجه ایلرله مک ایدر . فقط بونك ایچون

اراضینك ووضعتك مساعده مخصوصه سی لازمدر .

عکس تقدیرده صـچرامالره ایلرله نیر . صچرایانلری یرنده

لالانلر کربدن ، ویاخود هدفه وارنلر ایدردن حایه ایدرلر . طاقم

قوماندانی التده دائماً طولولو براحتیاط بولوندرمیلیدر .

۱۹۰ — طاقك کری ایله وهوا ایله ارتباطی مهمدر . تقریباً

شواسطه لری قوللانیلیر :

- آ) طاقم ارکانی ایله
 ب) کندیسنه ویریلش اولان هر نوع وسائط مخبره ایله (فلامه، ضیا
 خبر سر میلی)
 ج) اشارات مقررده ایله
 د) کری به کیده جک خفیف یاره لیلرله .
 ه) افراد نزدنده بولوندیریله حق زمین فلامه لریله (بولرله
 طیاره لرمن و آغیر اسلحه ایله خبرلشمک ممکندر .)

د - هجوم

- ۱۸۹ — الک مهم وظیفه: هجوم منطقه سی و هجوم زمانی حقنده ممکن
 اولدینی قدر ایرکندن برفکر ایدینمکه چالیشمقدرد. چونکه بوضورتله:
 ۱) کندی طاقمک اقسامی ایلری به یاناشدیرمق;
 ۲) مجاورلره و آغیر اسلحه به معلومات و بره دک اولرک دقتلری
 جلب و حاضر لقلری تامین تسریع ایتک ممکن اولور .
 ۱۹۰ — طاقم، هجومی مانعه لرینک برلکیله یاییلی و هجومی آتش
 حایه سیله توحید ایتلیدر .
 دشمنک درینلکی ایجریسنده کی محاربه لرده، کندی قوتیله سوکه مدیکی
 مقاومت یوودلری قارشوسنده طور میهرق بویوولرک آره لرندن ایلرله .

ه -- احتیاطده طاقم

- ۱۹۱ — احتیاط طاقمی آلدینی وظیفه، واستقامته کوره حرکت ایدر .

طرز حرکت :

- ۱) طیاره به ودیگر دشمن آتشلرینه قارشى تدایر .
- ۲) ممکن مرتبه مستوراً حرکت .
- ۳) بلوك قوماندانى ایله مجاورلریله ارتباط .
- ۴) برقم قوتیله ایجاب ایدرسه ایلرده کی طاقلى حایه وقویه .

پیاده بلوكى

۱۹۲ — بلوك قوماندانى امرى طابور قوماندانندن آیر .
طاقم قوماندانلرینه امر ویررکن اونلره بالذات اراضى کوستره درک
امر ویرمسی مهمدر .

بلوك طاغنیق بروضعیتده اولوب طاقم قوماندانلرینک طویلانىسى
جائز و ممکن کورولمورسه بلوك قوماندانینک طاقم قوماندانلرینک نزدینه
کیتمسی مقصده موافقدر .

آغیر اسلحه ایله ارتباطده بولونمق اونلرک یاردملرینی تأمین ایتمک
کشف وامنیت بالخاصه بلوك قوماندانینک وظیفه سیدر .

تعرضك مختلف صفحه لر نده پیاده بلوكنك سوق وادازمسی

آ — ایلرله مهده

۱۹۳ — ایلرلرکن بلوك کندیسنه ویریلش استقامتی ، ویا آرهلق
ومسافه بی محافظه ایدر . وظیفه لر :

آ) باصقینلره قارشى ایلری به امنیت قدمه سی چیقارمق .

- (۲) قره و هوا آتشلرینه قارشى تدبیر اتخاذ ایتک .
 (۳) ایجاب ایدرسه یانلرده وایلرده کشف یابدیرر . بالذات بلوک قوماندانی ایلرده بولنه رق اراضی و وضعیتی داها اول کوره رک کشفی
 ۵ کجاء و بلوک حرکتی تنظیم ایدر .

ب — حاضرلق وضعیتی

۱۹۴ — حاضرلق وضعیتی توقفی ایجاب ایتدیرر . بلوک قوماندانی بو توقدن استفاده ایله ، اراضی و دشمن حقنده دها اساسلی کشفیات یاپار .

ایجاب ایدرسه بومقصدله استخدام ایدیه جک کشف قوللارنی ضابط قوماندا سنده و خ . م . ت ایله ققویه ایدر . و بونلری مهم نقطه لری آله کچریمک و آلدن بولوندیرمایه مأمور ایدر .

ج — آچیلمه

۱۹۵ — آچیلمه ایچون بلوک قوماندانی ۱۸۳ . نجی ماده ده مذکور خصوصیاتدن باشقه :

- (آ) دشمن طیاره لرینه قارشى تدابیر لازمه آلیر .
 (ب) محاربه قدمه سنک طرز حرکتی
 (ج) کشف ترتیباتی تعیین آلیر .

۱۹۶ — آچیلمه ده (۱۱۶ نجی ماده ده) کوستریلش اولان شکه کوره وضعیته اک موافق اولان شکل لری آلیر .

وضعیت و دشمنک آتشی نتیجه سی محاربه قدمه - نك بلوکی آرتق تعقیب
ایده میه جگنه قناعت حاصل اولورسه مذکور قدمه نك محتویاتی طاقلمره
توزیع و قدمه اکال ایدیلک اوزره طاہور قوماندانک امرینه سوق
ایدز .

د — یایلمه

۱۹۷ — بلوک قوماندانی وضعیت و وظیفه به کوره تعرض 'مرینی-
ویرر . بواصرده :

دشمن، مجاوره، مقصد و وظیفه حقنده معلومات ویردکدن سوکره
شونلری تعیین ایدر :

(۱) برنجی خطده بولوندره حنی طاقلمره محاربه شریدلری (بو
شریدلر شهم، سز، یایلمه برلرینی و هدفی احتوا ایده جکدر) (.)

(*) محاربه شریدلری تخصیص ایدیلرکن : برنجی خطده بولوندریله حق جزء
تاملرک تعیین بر مسئله در ، بومسئله بی حل ایده جک شومفتاحدر :


(۱) ممکن مرتبه محاربه منطقه سی متعدد جزء تاملر آره سنده تقسیم ایتک .
بوصورتله جزء تاملره طار شریدلر اصابت ایده جکندن هم سوق اداره
قولایلاشدیرلش و هم کندیشی بسلمه سی و درینلککنه ترتیبات آلماسی امکانی
تأمین ایدلش اولور . (سوق . می - ۲۸۵)

(۲) الدّه احتیاط اوله رق تام جزء تام بولوندریمرق .
ایشته بواپکی غایه بی تألیف ایدن طرز تقسیم ، اوچلی جزء تاملرده ایکیشی
برنجی خطده یریشی احتیاط بولوندریمرق .

(۳) موضع محاربه لیده باشفه ملاحظه واردره . جناحوازی ترتیب
اصولی صو . ۱۴ - ۲۸۹

مثلاً فرقه نك اوچ آلاینی ده برنجی خطه قونور . فقط آلایلر یالکنز
برر طاہورلرینی برنجی خطده بولوندرلر . دیگر طاہورلر بربریشک تر سنده
اوله رق درینلکله ترتیبات آلتیر .

- (۲) امره ویرنش آغیر اسلحه‌نک طرز استخدایم ، امره
 ویرلشمش اولان آغیر اسلحه ایله توحید فعالیت طرزی .
- (۳) طیاره دفعنه قارشى تدابیر .
- (۴) مخبره وارتباط
- (۵) جیخانه اکالی و یاره لیلرک نقلی .
- (۶) بلوک قوماندانک نروده بولنه جنى .
- ۱۹۸ — بلوک قوماندانى مرکز ثقلنک تعیینه اهمیت ویرمیلیدر.
 حفظ دشمنه اولان مسافه‌نک هنوز اوزاق و یاخورد دشمن حقنده کی
 معلومانک اکثریتله آربولوندیغی ایلمک زمانلرده اکثریتله مرکز ثقلنى تعیین
 ائیده منر. کورونن وضعینه اویغون برترتیبله بوتقدیرده منطقه دن منطقه یه
 تایلرلر. ونهایت وضعیت ایجاب قدر توضیح ایدنجه ، مرکز ثقلنى ده
 ناوگا کوره تعیین ایدر .
- یایلمه ده جناحواری ترتیبات ترجیح ایدلمیلیدر .



۱۹۹ — بلوگك تعرض ايتديكى دشمن جبههسى قوتلى كوريلورسه:

تک آغیر ماکنه لی نفکک ویا طاقم ایله،

بومبا طوبلریله،

پیاده طوبلریله قویهسى جائز ولازمدر.

بوسلاحلری قابلیت و خاصه لرینه کوره استخدام ایدر (بوسلاحلر

حاند بجنه ضراحت)

۲۰۰ — تعرضك دوامی سره سنده بلوگ قوماندانی وسائط

انتخابنده طاقلری سربست بر اقیر. بوتقدیرده کنديسنه قالان اک مهم وظیفه لر:

۱) طاقلرک مشترک و متحد حرکتلرینی و متقابل تأثیرلرینی تأمین

ایتمک.

۲) اونلری امرنده کی آغیر اسلحه ایله ویا خود دیگر آغیر

سلاحلرک یاردیملرینی تأمین ایتمک صورتیله ویا خود احتیاطله حمایه

ایتمک.

۳) جیغانه اکافی تأمین و یارده لیلری نقل ایتمکدر. [*]

د — بلوگك کړیده طوتدینی

قسملر (احتیاط)

۲۰۱ — محل استخدامی:

۱) هجوم نقطه لرینه قارشى مصادمه قوتنك قویهسى ایچون.

[*] جیغانه اکالی محاربه قدمه سندن اوله جقدرد. جیغانه قدمه سنك

آچیلمه صفحه سنده بوشالتیله جنی سویلنمشدی. بونی طابور قوماندانی اکاله

و ممکن اولدینی قدر بلوگك کریمی یقینه سوق ایدر.

۲) دشمنك درينك ساحه سنده محاربه يي ادامه ايچون .
 كوريل يوركه ، احتياطك اصل وظيفه سي هجوم زماننده يعنى نتيجه
 قطعيه صفحه سنده باشلايور . بوندن دها اول احتياطك صرفدن
 چكمنك لازمدر . آنجق ؛ احتياطك سلاحريله ايلك خطي حايه ايدر .
 وضرورت حائده مصادمه قوتيله قويه سي جا زدر .
 بالذات احتياط قوماندانك وظيفه سي (۲۶۱ . نجبي ماده ده كي
 كيدر .)

ه — هجوم

۲۰۲ — محاربه لرنده بر بلوك هيات كامله سيله دفعه
 هجومه قالمسي نادر در .
 مع مافيه بلوك قومانداني : دشمنه ياقلاشيلدقچ ، آغير اسلحه نك
 واحتياطنك ياقلاشما سي تا مين ، وكنديسي ده ايلك خطره يقين
 بولونمليدركه ، طاقلرك ظهور ايدجك هر هانكي بر هجوم تشبث
 وفرستي وقتنده او كرنسون ، اوني قويه وزماننده حايه يي تا مين
 ايدم بيلسون .

۲۰۳ — حاضر لانش دشمن موضعلرينه هجوم شپه سز بر بلان
 دائره سنده اوله له جقدر .

و — دشمنك درينك ساحه سنده كي

محاربه

۲۰۴ — بو محاربه نك سوق و اداره سنده اساس : بلوك درينك
 ايچري سنده بلا پروا ايلرله مسيدر . بلوك قوماندانك وظيفه سي ايسه :

آ) بر طرفدن طاقلری سورمکله برابر دیگر طرفدن، بوایلرله مهیه مانع اولان دشمنك مقاومت نقطه لر بی سوکمه سی در . و بونی احتیاطیله و یا خود آغیر اسلحه ایله یاپار .

ب) دشمنك مقابل ضربه سی قارشولامق و دفع ایتک بونک ایچون دائماً آلدن طوبلو قوت بولونديرملی .

تعرضده آغیر ماکنه لی تفنک

بلوکی

آ — عمومی معلومات

۲۰۵ — آغیر ماکنه لی تفنک لک اساس وظیفه سی . صادمه قوتی کرک قره آتشنه و کرکسه دشمن طیاره لرینه قارشو حمایه در . طرز استخدا ملری بوکا کوره اوله جقدر . بنساء علیه ماکنه لی تفنک لک حمایه ایده جکلری قعاه ایله صبقی برار تباطده بولونماید لر .

۲۰۶ — ماکنه لی تفنک بلوک قوماندانلری وظیفه و امری طا بور قوماندانندن آلر لر .

طا بور بلوکی شو طرز لر ده استخدا م ایده یلیر :

۱) طوغریدن طوغری په کندی امرنده

۲) قسماً و یا کاملاً بلوک لک امرنده

۲۰۷ — ماکنه لی تفنک بلوک لری نك مجتمعا و بلوک قوماندانك

امرنده استخدا می استثنائی حالاره منحصر در .

صورت عمومی ده طاقچه استخدام ایدیلیر . بوااعتبارله طاقم
حقننده ویریله جک معلومات ما کنه لی تفنک کک رک سـوق و اداره سی
ایچون کافی براساس تشکیل ایدر .

بیاده بلوکارینک امرینه ویریلش اولان ما کنه لی تفنک طاقملری ،
محاربه وظیفه سی مذکور قوماندانندن آلیرلر .

۲۰۸ — ما کنه لی تفنک قطعملری وظیفه لری و وضعیت حقننده
نه قدر ایرکن معلومات و تعلیمات آلیرلر سه کشف و حاضرلق ایچون
اولرله اونستنده مساعد زمان ویدان ویریلش اولور .

ب — آچیلمه ده

آغیر ما کنه لی تفنک بلوکی

۲۰۹ — آچیلمه لرده ما کنه لی تفنک بلوکی طابورک ، قره
وهوا آتشرینه قارشى حمایه سی ، وظیفه سی آلیر .
بلوک قوماندانی بور وظیفه لر ایچون ، منفرد تفنک لر و یا خود
طاقلردن بریسی هوایه قارشى و دیگر اقسامی قره یه قارشى حمایه یه مأورایدیر .
وبونلر ؛ موضع دن موضعه آتلامق اوزره یورویشی تعقیب ایدرلر . و بو
موضع لر بی ممکن اولدیغی قدر ایلرله و حاکم برده انتخاب ایدرلر . بو صچرامه لرده
ما کنه لی تفنک کک رک آله جقلری موضع لر یا کوزله مه و یا بوسـو
موضع لر ایدر . [*]

[*] موضع لر درت درلودر :

- ۱) اساس موضع : بر محاربه وظیفه سی یا عی ایچون طوتدینی موضع در .
- ۲) کوزله مه موضع : بر منطقه ده ظهور ایدرله جک اولان دشمنه قارشى

صـجـرا مـلـر او طـر زـده تـر تـیـب ایدـمـلـیـد رـکـه، بـر قـدمـه حـاضـر لـانـمـد نـه
دیـکـر قـدمـه تـبـدیل مـوضـع ایتـمـه سـون .

۲۱۰ — بـلـوک حـایـه سـی خـار جـنـده قـلـه جـق در جـهـده آیتـری بـر
اسـتـقامـت تـعـقـیـب ایدـن بـلـوکـرک اصریتـه آیر یجـه مـا کـنـلی تـفـک طـاقـلـری
ویر یلیر . فقط بـو خـصـوصـده مـسـک طـاـور اـمـق لـاز مـدر . جـونـکـه
وضـعیت تـوضـح ایتـمـه دـن بـلـوکـک طـاغـید یـلی مـحـذـوری اولور .

۲۱۱ — بـلـوک قـومـانـدانـی بـو آجـیـلمـه اـنـسـانـده اراضـی و دـشـمـن
حـقـنـده کـشـیـات یـا مـه یـلـیر .

۲ — حاضـر لـق وضـعیتـنده

۲۱۲ — مـا کـنـلی تـفـک یـا حـاضـر لـق وضـعیتـنـک حـایـه سـنـه مـأمـور
ایدیلیر . و یـا خـود ایدلـر دـه کـشـفـه و یـا خـود مـهم نـقـطـه لـری ضـبطـه مـأمـور ایدیلـش
اولان قـطـه لـرک اصریتـه ویر یلیر :

برنجیسی ایچون مدافعه ده اولدینی کبی ، ایکنجی سنده تعرضه
اولدینی کبی حرکت ایدر .

حایه ایچون آلان وقت موضعلردر . اساس موضله فرقی حاضرلق
درجه سنک بوراده آزانیدر ، کوزله مه وضعنده تفک آتیشه حاضردر .
(۳) پـوصـو موضـی : مـین بـر بـردن ظـهـور ایدـه جـک بـر هـدفـی آتـشـ

آلق ایچون آلان موضعدر . بوراده آتشه حاضردر .
(۴) حاضرلق موضی : هر هاتکی بر موضه کیرمک اوزره اصر بکله دیکی
یردر . بوراده ماکتالی تفک حرکت حاضردر .

د — یایلمه ده

۲۱۳ — ما ګڼلی تفک بلوګری یایلمه ده امر و قومانداء موضع و وظیفه نقطه نظر ښندن اتقسامه او ضرار لر .

امر و قومانداء : طاق لر یا بلوک قومانداننک امر ښنده قالیر و یا خود پیاده بلوګرینک امرینه و یریلیر . برنجی حال آتشک مجتمع بر صورت د اداره سنی ممکن قیلار . ایکنجی حال ، کنیش و عارضه لی جبهه لږده وقوعه کلیر . بوتقد ږده امر و وظیفه یی ، مربوط بولون د قلی بلوګرک قوماندانلر ښندن تلقی ایدر لر .

موضع : بلوګرک مجتمعاً موضعه کیرمسی پک نادر در . صورت عمومیه طاقچه و متفرقی وضعیده موضعه کیریلیر .

وظیفه : ما ګڼلی تفک ایلاک خطده کی قطعه لری حمایه ایدر . طیاره لږه تخصیص ایدیلیر . احتیاطده قالیر .

۲۱۴ — ایلاک خطده بولنه جق ما ګڼلی تفک قطعه لری :

آ (ګڼدی بلوک قوماندانلرینک امر ښنده بولونسه لږدخی ، ینه حمایه ایده جګلری قطعه نک حرکاتیله و دیگر آغیر اسلحه ایله علاقه دار اولمایه مجبور در .

ب (وظیفه آلان طاق قوماندانی اول امرده بر کشف پایلر بو کشف :

{ تعلق ایدر .	دشمنک وضعیده
	ایلاک و متعاقب موضع لږه (آتش و ترصد)
	حمایه ایده جګی قطعه نک حال و وضعیده
	مجاورنده کی آغیر اسلحه یه

۷) انتخاب ایدیه جک موضعه :
مستوراً موضعه گیرمه یان آتشی پامیه، اوزونجه مدت حمایه به دوام
ایدیلسنه مساعد اولسی اڤی شرطلردر .

د) بو طاقلر، مربوط بولونقلری قطعه یی بولونقلری. موضعدن
حمایه ایدیه جکلری آکلاشیلیرسه (آشیرمه و آره لقدن آتیه رق) در حال
ایلری تبدیل موضع ایدر. وقدمه ایله ایلری به صوقولور .

۲۱۵ — طیاره لره تخصیص ایدیلان ما کنه لی تفنک :

آ) مرتب طاقم، ممکن مرتبه، دشمن طیاره لری، مساعد
مسافه دن قارشولایه جق و طابورک هیأت عمومیه سنی تأثیر دأثره سی ایجریسنده
بولوندره جق بر موضع انتخاب ایدر. (تقریباً بر کیلو متره نصف
قطارنده بردأثره)

ب) طاقم مستوربته رعایت ایدر. حمایه آیتدیکی اقسامک حرکاتنه
کوره تبدیل موضع ایدر.
۲۱۶ — احتیاط :

آ) ایلك خطی کریده کی مساعد موضعلردن حمایه ایدر .
ب) ابجاب ایدن قطعه لری تقویه ایدر .
۷) طیاره به قارشو استخدام ایدیلیر.

۲۱۷ — هر موضعه یه ما کنه لی تفنک طاقلری، مربوط بولونقلری
حقوماند ا مقامی ایله، آغیراصلاحه ایله ویکدیگر بیه ارتباطده بولونقلری
جهمدر.

۲۱۸ — آتشلرینی مربوط بولونقلری قطعه دن آله جقلری
امرلره و بالذات کندی ترصد وندقیقلرینه کوره اداره ایدرلر. اکثریتله
ایکنجه شکلده اوله جقدر. بناء علیه ما کنه لی تفنک قوماندانی وضعیتی دقتله
تعمیق، هدفلرک اهمیتجه درجه لرینی تقدیر ایتلیدر .

ه - هجوم

۲۱۹ - وظیفه‌لری شونلردر :
(۱) هجوم حاضر اقلرینی دشمنك قره وهوا آتشلرینه قارشیه
حمایه

(۲) دشمنك صوك مقاومتی قیردق ، هجوم ایچون یول آجق
برنجی وظیفه ایچون متفرق طاقلر مأور ایدیلیر . فقط ایکنجیه
وظیفه ایچون بتون طاقلرك هجوم نقطه‌سی قارشوسونده وبلوك
قوماندانك امرنده طوبلانمی لازمدر .

۲۲۰ - بونلرا وطرزده تعیبه ایدلملیدرکه ، یان آتشلر ، ویاخود
(یوکسکدن) آشیرمه آتشلرینه ، هجوم اك مؤثر بر صورتده حمایه
ایدلسون . بونك ایچون ایجاب ایدرسه ما کنه‌لی تفنکلر ایلک
خطه‌ده صوقیلور . واک زیاده مقاصلامه آتشنه مساعدیان موضعلر
آرانیر .

و - درینلکنده کی محاربه‌ده

۲۲۱ - آغیر ما کنه‌لی تفنك ممکن اولدینی قدره هجوم ائساننده
طوتدقلری موضعدن حمایه وظیفه‌سی یاپازلر . فقط ، هجومی متعاقب
مختلف وضعیتده و ماهیتده هدفلر جیقار . آرتق بونلره قارشیه
برموضعدن و برآلدن اداره ممکن اولمز . بوسیدین درحال ایجاب
ایدن اقسام ایلری سوریلیر . وایلرده کی بلوکارك امرلینه ویریایر .

تعرضده

پیاده هارائلی طرز و طولیرینک استخدای

آ — عمومی معلومات .

۲۲۲ — بوسلاحرك خاصه لك ۵۲ ، ۵۵ نجی و آتشلی
 (۹۸ : ۱۰۷) نجی ماده لرده كورولدی . مذ كور ماده لر تدقیق
 ایدیلرسه آ كلاشیله جقدركه ، بونلر هر برده ، هر زمان هر نوع هدفله
 قارشى اوللانيله جق سلاحلردكلدر . فقط بقین مسافه لرده آغیرماكنه لی
 قشكرلك قیره مدینی و طولیچینك كوره مدینی هدفله قارشى استعمال
 ایدیله جكددر . بناء علیه تعرض شكلی و دشمنك وضعیتی تعین ایدنجه به
 قدر بوسلاحاری ممكن مرتبه الده بولوندر مق شكل تعرض آ كلاشیلنجه ،
 طابورلك ودها كوچك جزء تاملرك امرینه ویرمك لازم كه جكددر .
 بونكه برابر ، اراضی طرضه لی اولور ، و یا خود دشمنك ایلری
 سورولمش قوتلرینه تضادف اولتورسه ، تعرضدن اولکی صفحه لرده ده
 تقسیم ایدیله بیلیر .

۲۲۳ — ایشته بالاده کی مطالعه لره بناء بوسلاحرك قوماندانلری
 بر طرفدن مربوط بولونقلری قطعه قوماندانلریله صیقى ارتباطده
 بولونقی ، دیگر طرفدن دها اولور . دیگر طرفدن دها اولدن
 كشفلر باهرق سلاحرك محل و طرز استخداملری حقنده قوماندانه
 تكلیفاتنده بولونقی لازم كه جكددر .

ب — تعرضه تقديم ایدن صفحه لرده پیاده هاوانلری

و طولیرنك استخدای

۲۲۴ — بوصفحه لرده پیاده هاوانلری و بومبا طولیری ایچون پك
اساسلی وظیفه لری یوقدر . بناءً علیه آلائی قوماندانی، بوسلاحلری انده
یولوندرمایه چالیشمه لیدر. فقط :
(آ) آجیلمه لرده ، دشمنك ایلری سورولش بمض قطعه لرینی
طرده ایتمك .

ب (حاضرلق وضعیتلرنده ، مهم کوریلان نقطه لری ضبط ایتمك
ایچون بومبا طولیردن استفاده ایدیلیر . و بومقصدله ، طابورلرك امرلرینه
حاطاقلر ، و یا نك طولیر و بریلیر .

۲۲۵ — كرك آجیلمه لرده و كركسه حاضرلق وضعیتلرنده
هاوان قوماندانلری ، دشمن و اراضی حقتده اساسلی کشفیاتده
یولونملری اهمیت مخصوصه نی حائزدر .

ج — یاییلمه ده

۲۲۶ — صورت عمومیه ده وظیفه لری :

(آ) پیاده مزك قارشولاشجنی دشمنك مقاومت یووهرینی
اورتدن قالدیرمق ،

ب) هجوم زمانلرنده و دزینلکده کی محاربه لرده طوینجی نی انکال ایتمکدر .

بونلره نظر آ پیاده و هاوان طویلرینک تعرض ایچون انقسام طرزی ، ۲۱۳ نجی ماده ده اولدینی کیدر . یالکیز بو طویلر شه سز طیاره آتش ایده منزلر .

استخدام و انقسام ا کثرتله طاقچه در . بلوک امرنده قالدینی تقدیرده بلوک قوماندانی ، بونلره وظیفه لر بنه متعلق امرلر ویرر . آتشک و آتیشک اداره سی ایسه ، طاقلرک وظیفه لر بدر .

پیاده هاوانلرینک موضعه کیرمه لری آتشلری

موضع لرینی ده کیشدیرمه لری

(§ ۹۸) . مراجعت .

۲۲۷ — وظیفه آلان پیاده هاوانی قطعه سی قومانداننک ایلك ایشی ، کشف اجرا سیدر . بو مقصدله قطعه قوماندانی ایلری به کیدر و شونلری کشف ایدر :

۱) دشمنک وضعیتی ،

۲) حمایه ایده جکی قطعه نك وظیفه سی ، وضعیتی .

۳) اراضی

۴) مجاور و دیگر آغیر اسلحه

۲۲۸ — موضع ایچون الک ایی شرطار :

۱۰) مستوراً موضعه کیره یلمه لی .

۲) طوپلرک ، وقدمه لرك تسترلرینه وحرکتلریته مساعد اولمی ،
 ۳) ترصد محللی ایله آتش موضعی وجبخانه قدمه لرینک بولونقلری
 يرلر آره سنده سس وکوزایله ارتباطده بولونملی .

۲۲۹ — مستعجلاً آتش آچق ایجاب ایدیورسه تکرلک
 اوزرنده اوله رق موضعه کیرلر . فقط عینی زمانده دوشمه لی
 موضع حاضرلانیر . وبورایه قونور .

۲۳۰ — آتش ادا رده سی دیگر سلاخلرده اولدینی کبی حایه
 ایده جکی قطعده دن کوسترلان احتیاج ، وکندی تقدیرینه کوره در .
 فقط اک زیاده جاری اوله جق شکل صوکنجی در .

۲۳۱ — حایه ایده جکی قطعده ایلرله دکجه ، بومبا طوپلری ده
 ایلرلر . بوایلرله مه شکلی قدمه ایله ، اراضینک مساعد سته ، ودشمن
 آتشنک شدنه کوره ، یا حیوانله طاشینه رق وچکیلرک ، ویاخود
 پارچه پارچه انسانله طاشینه رق ویا قوریل اولدینی حالده چکیلرک یا بیلیر .
 اک ایسی چکمه در . چونکه بووضعیتده قورولی قاله جنی ایچون
 دها چابوق آتش حاضر اولق ممکندر .

۲۳۲ — زرهلی اونوموبیل و تانقلره قارشى آچیقدن آتش
 ایدیلیر .

پیاده طوپلری

۲۳۳ — شرائط بومبا طوپلرنده اولدینی کییدر . یالکیز بونلرک
 محل استخداملری دها محدوددر . بونلره موضعدن موضعه صجراهرق
 و سریع آتشلرله ایله مقاومت ابراز ایدن هرقلری حقلایهرق حرکت

ایدر . بونک ایچون اکثریتله آجیق موضعلره کیرر . وایشنی بتر
بترمن درحال صاقلانیر . ویرینی ده کیشدیرر . بو طوبلر خاصه دشمن
تافلرینه قارشى حاضر و متیقط بولونمیدرلر .

د -- هجوم و درینلکده محاربه

۲۳۴ -- پیاده هاوانلری و طوبلری ده ماکنه لی تفنکده اولدینی کی ،
هجوم زمانده بلوک قوماندانلرینک امرنده طوبلانیر . و هجوم ایچون
یا ییله جق حاضر لاق آتشنه طوبلو بر آتش ایله اشتراك ایتدیریلیر .
درینلک داخلنده کی محاربه ده پیاده نك کریده براندینی مقاومت
یووه لرینی دوشورمک ، مقابل تعرضلری و ضربهلری دفع ، دشمنک
درینلک داخلنده کی متعاقب مقاومت یووه لرینی ضبط ایتک اوزره ،
متفرق فعالیتلر باش کوسترر . بوکا نظراً :
(آ) دشمنک متعاقب مقاومتلرینی قیرمق ایچون بلوکلرک امرینه
یا طاقم ویا نك اوله رق بومبا و پیاده طوبلری ویریلیر .
ب متباق اقسام ایسه ، طابورو آلا ی قوماندانلرینک امرنده بولنور
بوراده ، اساس سرعتله موضعی و هدفی تبدیل ایده جک بر حالد
بولونمقدور .

پیاده طابوری

۲۳۵ طابور ، آغیر اسلحه یی طولایدیسه آتش و مصادمه
قوتلرینی ، کری خدمانه متعلق (جیخانه ارزاق و صحیه) تشکیلاتی
احتوا ایتسی حسیله مهم بر جزء نامدر . و بو محتویاتی اعتباریله
طوغریدن طوغری به فرقه ایله علاقه دارد . بناءً علیه طابور
قوماندانی :

(۱) اساس اعتباريله مصادمه قوتى اولان بلوكلارى حمايه، وهوا
تعرضلرينه قارشى اساسلى تدبير. اتخاذ ايتمك .

(۲) كرى فعاليتلرينى تنظيم واداره ايتمك
خصوصنده اساسلى وظيفه لر، قارشوسنده در. بووظيفه لرده متنوع
مشغللارى، استلزام ايدر . بوسبدن مساعيسى انى تنظيم ايدلس،
طابور اركانه احتياج واردر .

۲۳۶ — طابور قوماندانى اكان اولدقجه بلوك قوماندانلرينى
برآرده طوبلا بهرق، ووظيفه لرى اراضى اوزرنده و كوسته دك و برمليدر.
امرلى مادون قوماندانلر نوط ايتديرمك، و بر صورتى ده طابورده
اليقومت لازمدر .

تعرضك مختلف صفحه لرنده طابورك سوق واداره سى

آ — ايلرله منه ده

۲۳۷ — آلايدن آله جق آجيلمه امرنده، طابورده معين بر
استقامت ايله برده كشف منطقه سى و يريلشدر .
طابور، بواصر اوزرينه يولى ترك و مذكور استقامته توجه ايدر.
بووضعيتده وظيفه لرى شونلردر:

(۱) در حال كشف قوللارى سوريلىر . بوكشفه آغير اسلحه
اشترك ايدر .

(۲) امنيت ايچون، طابور ايلر يسنه بر امنيت قدمه سى چيقارير . (مثلا بر
اوچ) و طابورك حمايه سنى سرعتله تأمين ايديه بيلمك ايچون آغير ماكنلى

تفك بلوكنى قسماً ويا كاملاً ايلرى به آله بيلير .
 (۳) دشمن طوبخيسنه ، وطياردلرينه قارشى امنىقى تزييد ايتمش .
 اولقى ايجون ، يورويش قولنده ، جزء تاملر آرد سنده كى مسافه ينى
 تزييد ايتك و بورويش قولى پارچه لامق ده ممكنند . دشمن طياردلرينه
 قارشى آغير ماكنه لى تفك تخصيصى ايدبله جكدور .

ب — آچيلمه ده

۲۳۸ — طابور قوماندانى آچيلمه شكلى ، ابنى بر كشفه و پلانده
 اويدورمليدور . طابور قوماندانى ايلرله مه صفحه سنده اراضى ينى
 كورمك و دشمنى اوكرنمك خصوصنده نه قدر موفق اولدى
 ايسه آچيلمه ينى ده اونستنده وضعيته موافق ياپه بيلير . طابور قوماندانى
 آله جنى شكلك وضعيته موافق اولماسنه اهميت و يرمليدور .
 چونكه طابور بيوجك بر جزء نام اولدينى ايجون شكلى ، وضعيتنى
 ده كيشد يرمكده مشكلانه وضائمانه معروض قالير . (**)
 ۲۳۹ — آچيلمه شكلى ۱۱۶ نجى ماده ده كى ملاحظه لره كوره
 تعيين ايديلير .

آچيلمه صفحه سنده؛ ايلرله مه ائناسنده ماشلامش اولان كشفلرى

(۰۰) معلومدر كه آچيلمه پارچه لانه در . قطعه كوچك اولورسه بو پارچالانه
 نتيجه سنده اشغال ايديله جك ساحه ده اونستنده كوچوك قطعه بيودك ايسه مذكور
 ساحه كنش و بوسورتله وجود بوله جى شكلك تبديلى ده اونستنده
 كوچ اوله جقدور . ايشته بونك ايجوندر كه بويوك جزء تاملرك آله جى شكلك
 مفهده اويغون اولماسنه جوق دقت ايتلرى لازمدر .

۱ کمال ، وایلدده مهم نقطه لری سرعتله اشغال ایتک صورتیله وضعیته حاکم و تعرضه حاضر لائنش اولمایدیر .

بونک ایچون : قوتلی کشف قوللری استخدام ایدلمه لی و دشمنک ایلری قوللارینک مقاومتلری ائی بر آتش حایه سیله قیریلدیر . بوسورتله کشفده قسمل ایدیش اولور . بو طرز فعالیت ایله ، ایلریده بر محاربه انکشاف ایدر . و بو محاربه لرله تأمین ایدیه جک وضعیت جالاخره آله جفمز ترتیبانه چوق تأثیر یاپار .

۲۴۰ — آچیلده ایچون طابور قوماندانک ویره جکی امر آشایکی خصوصاتی احتوا ایدر :

۱ (دشمنه ، مقصده ، وظیفه دائر معلومات .
۲ (یورویش استقامتی و ارتباط (برنجی خطرلرده کی بلوکره آیری آیری ، یا خود ارتباط لوکنه استقامت دیکرلره آره لق و مسافه)

۳ (یورویشک فصل حایه ایدیه جکی (آغیر سلاحلر طابور قوماندانک النده قالدیرقی ، یوقسه ، بعض بلوکره آغیر سلاح ویریه رکمی ؟)

۴ (کشف (بلوکره کشف منطقه لری ، آریجه ، طابورجه سوریه جک کشف قوللری)

۵ (طیاره یه قارشى تدابیر : (مرتب طاقم تشکیل صورتیله می ؟)

۶ (آلایه و بلوکرله ارتباط (بو محاربه قطعه سنک وظیفه سیدر .)

۷ (محاربه قسملرینک و محاربه آغیر لئک طرز تعقیبی ، و یا قالد .
جفی بز .

۸ (طابور ارکان و قوماندانک طرز حرکتی .

ج - حاضرلق وضعیتی

۲۴۱ — شیمدی به قدر ، کوستریلان کشف و محاربه فعالیتلری نتیجه سنده دشمنك ایجه يرلشمش اولدینی ، آ کلاشیلیرسه ، حاضرلق وضعیتی آلمایه مجبوریّت حاصل اولور . و بو وضعیته یاییله جق ایشلر :
(آ) اول امرده وضعیتك ستری (اك زیاده آتش و سبائلی استعمالی ایله)

ب) کشفك اکیلی .

ج) وقت ، لجه و سبیلی ایسه ، و یا خود اراضی عارضه لی ایسه ،
طابور بر حاضرلق وضعیتدن دیگر بر حاضرلق وضعیته کچمك اوزرم
منطقه منطقه ایلرله مك . [۵]

بو ایلرله مه شبهه سز آتشله حمایه ایدملی و دقتله یاییلمه لیدر .

د - یاییلمه

۲۴۲ — وضعیت و کشفیات نتایجی ، طابورك یاییلمسفی و تعرضه کچمسفی استلزام ایلدیکی تقدیرده طابور قوماندانی بوکا مقتضی پلانی تثبیت و امری تبلیغ ایدر . بو تعرض پلانسك تثبیتنده شونلر اساسدر :

[۵] بو طرز حرکت مبحث حالارده ضروریدر . چونکه قرا کلفده

وضعیت تمامیه آکلاشیلرله من . و کورله من .

بونك ایچون : اولاً برو وضعیت آنیر ؛ ایلر سی ایجه کشف ایدیلیر .

کشف قوللریله و امنیت قدمه لر یله ایلرده امین بر خط تأسیس ایدیلیر . طابور اورایه کیدر . کذا اوراده ده عینی صورته حرکت ایدیلر . بو صورته ایلر سی یوقلا یه رقی یورو مک اولور .

(۱) کشف نتایجی (بلوک و آغیر اسلحه قوماندانلرینک راپورلری ، بالذات یایدیردینی کشفیات ، و کندی ترصداتی)
(۲) اراضینک حالی .

(۳) طویچینک فعالیت شکلی و حمایه درجه سی
(۴) طابوره ویرلمش اولان محاربه شزیدینک کنیشلکی .

۳۴۳ — بونلرک تدقیقی نتیجه سنده ، طوغریدن طوغری به تعرض امری ویرله ییله جکمی ، یوقسه اول امرده احضاری بر امر ویرمکمی لازم کله جکی تعیین ایدیلیر [**]
تعرض امری مواد آتییه احتوا ایلر :

(۱) دشمنه
(۲) مجاور قطعات
(۳) طویچینک شکل فعالیت
(۴) اراضی } (۱) معلومات

(۲) مقصد .

(۳) کشف (خصوصی کشف ایجاب ایدیورسه)

(۴) بلوکلره وظیفه و محاربه منطقه لری

[**] بوبولده احضاری امر ویرمک اکثریتله ضروری اولاجقدره چونکه:

(۱) فرض ایدلم که تعرض ایده جکز و بونک ایچون بروضیت آله بی و بعض مهم نقطه لری طوتمه بی تصارلادق . ایشته بو آله جق وضعیتی و بعض نقطه لرک طوتولسی حمایه و تأمین لازمدر . بو خصوص اکثریتله آغیر اسلحه به ترتیب ایدر .

(۲) آغیر اسلحه نك وقتنده فعالیتله کچه بیلدسی حاضر لمره و کشف لره متوقفدر . بونک ایچون مذکور اسلحه نك وظیفه سندن و قتیله خبردار ایدلسی ایجاب ایدر دیعک یا ییلده بی حمایه ایتک ، آغیر اسلحه به حاضر اقی ایچون فرصت و زمان ویرمک مقصدیله ویرله جک امرلر احضاری امرلر اولور و بوقیل امرلر اساس تعرض ایدندن اول ویریلیر . و اکثریتله مفرد او ویریلیر .

۵) آغیر اسلحه‌نك استجدامی (طوپلو اوله رقی ، بلوكلره تقسیم ایدیلره رکی ، قسماً طوپلو قسماً بلوكلره ویریله رکی)
 ۶) طوپچینك فعالیتنه كوره طابور اقسامنك طرز حرکتلی (زماناً و مكاناً) مجاورلره تشریک فعالیت طرزی . (بوماده دائمی بولونماز)

۷) احتیاط (ترکیبی ، بولنه جفی یر)
 ۸) طیاره دفعنه متعلق تدابیر . (ماكنه لی تفنك تخصیصی صورتیهله)
 ۹) امر و قوماندای محلی (ترصد و امر موقعی)
 ۱۰) ارتباط و مخابره تأسیساتی .
 ۱۱) قلعه صارخی محلی .
 ۱۲) محاربیه قدمه لرینك طرز حرکتلی (بلوكلرك نزدینه می کیده جك یوقسه ؛ بر یرده طابور امرنده می قالد جق) :
 محاربیه آغیرلنك یزی .

۲۲۴ — طابورك امرنده آغیر اسلحه دن پیاده هاوانلری و آریجه طوپلر و ارسه بونلركده صوزر عمومیه ده موضعلرینی و هدفلری بیلدیرمك صورتیه و وظیفه لرینی تأمین ایدر .

۲۴۵ — طابور قوماندانك تعرضك جریان صره سنده دقت ایدیه چکی جهتلر :

آ) ایلک خطده کی بلوكلرك متجدد و متساند بر طرزده تعرضه دواملرینی تأمین ایتك .

ب) كرك كندی امرنده کی و كركسه منطقه سنده کی آغیر اسلحه نك مؤثر حمایتلرینی تأمین ایتك .

۷) احتیاطك حرکتی مقصدیه موافق بر طرزده تنظیم ، و محله

استخدامی تعیین ایتک . (احتیاط علی لئالی حرکت ایتز قدمه
قدمه ایلرلر)

تعرضك بدایتسده طابور قوماندانی شه، سز مرکز تقاتی
تعیین ایتسدر . فقط تعرض ایلرله دجه ، باشقه برطرفده دشمنك
بعض ضعیف طرفلری آکلاسیلمسی ممکندر . ایشته بوراده وظیفه ،
آنشك بو طرفه نقل وتوجیهیله ، احتیاطی استخدام و مجاورلرك دقت
ومعاونت لرینی جاب ایتك وطوبیجینك آنشنی توجیه ایتدیرمك صورتیله ،
حوقفیت ایچون امید و برن بوکی نقطه لری قارشوسنده قوتی تقویه
وموفقیتنی تحقق ایتدیرمکدر .

ه - هجوم

۲۴۶ — هجوم مافوقدن ویریه جك امره کوره متحدالایینه جق
ایسه طابورك وظیفه سی :

آ (احتیاطی هجوم نقطه سی قارشوسنده کی قوتی تقویه ایده جك
وجهله یا فلاسندیرمق .

ب (کریده بولنان ، و یا خود بلوکلرك امرینه ویرلش اولسی
محتمل اولان آغیر اسلحه یی هجوم نقطه سی قارشوسنده برامر وقوماندان
آلنده طوبلا مق .

و — درینلکنده محاربه

۲۴۷ — بلوکلر فعالیت و حرکتندن فرقسزدر . هجوم صره سنده
آغیر اسلحه طوبلا نمیشدی . فقط درینلکنده کی محاربه لرده ، آغیر
اسلحه نك بعض اقباسانی تکرار بلوکلرك امرینه ویرمك ضرورتی
حاصل اوله جقدر .

احتیاطده کی طابورك وظیفه لاری و طرز استخدای

۲۴۸ — احتیاطك وضعیتی و وظیفه لاری شونلردر:

(۱) آله جنی شکل : آجیلش و طیاره یه قارش حاضرقلی بولونور .

(۲) طابور دانما وضعیته کوره آله جنی وظیفه یی تأمل ایدر .
و بو وظیفه ك ایفای ایچون مقضی تدقیقلری ، و حاضرقلری یاپار .
(۳) ایلرده کی قطعاتك حرکاتلری ترصد و تعقیب ، و اونلرك
کریدن آغیر ما کنه لی تفشکله حمایتلری تأمین ایدر .
(خصوصات و سائر حقتده بیا . تع ۴) به مراجعت .

۲۴۹ — طابورك آجیله یاییلمه و حرکات سائره سی حقتده
شکلر آریجه ربط ایدیلشد .

پیاده آلای

۲۵۰ — پیاده آلایك قابلیتنی سوق و اداره شکلی آ کلامق .

ایچون آتیده کی اساسلره دقت ایتك لازمدر .

(آ) آلای بتون پیاده آغیر سلاحلری محتویدر . بناء علیه پیاده
طاند بتون محارب و وظیفه لاری یایماه قادردر .

(ب) عصری پیاده فرقه لری پك آغیرلشمش و دریندکلری ده چوغه
لمشدر . كرك بوسیدن و کرکسه طیاره تعرضلرندن قورونمق ایچون فرقه لر
دشمنه چوق اوزاق مسافهلردن و مختلف یوللردن آجیلش اوله رق
یورومه یه مجبور اوله جقلردر . بو سببدن آلای چوق و قتلرده

و وضعيتلرده همان منفرد قاله جقدر. بويي وضعيتلرده آلاي اكرتيله
طوبجي ايله تقويه ايدلمش اوله جقدر.

بوندن باشقه : محاربهلرده فرقه طوبجيسنك يقين محاربه غروبوندن
بعض قسملر ، يا طوغريدن طوغري يه آلايلرك امرينه ويريلمكده.
وياخود آلاي منطقه لرينه تخصيص ايريلمكده در. ديمك كه آلايك سوق
واداره سنده : منفرد وضعيتلرده قاله جنی و طوبجي ايله مشترك محاربه
ايدجكنی حساب ايدلك لازمدر.

يوقارده ايضاح ايدلمش وضعيتی طولايديسه آلايده سوق و اداره
ايشلری چوق و متنوعدر. بوسيدن آلاي ارکانده ابي برتسيم وظائفه
احتياج واردر شونلردر :

(۱) سوق و اداره .

(۲) ترصد .

(۳) ارتباط و محاربه .

(۴) اكمال فعاليتلری .

۲۵۱ — آلاي امرنده كي قطعاتی امرله اداره ايدر. وامرلری

تجربا تبايع ايدر . بونكله برار وضعیت مساعد اولديني تقديرده مادون
قوماندانلری طولايه رق اونلره اراضی اوزرنده ايضاحات و تعليمات
ويرمك جهتنی دائما تأمل ايتليدر.

تعريضك مختلف صفحه لرنده آلايك سوق و اداره سی

آ — ايلرله مه ده

۲۵۲ — ايلرله مه اثناسنده آلايك طرز حرکتي طابورده كي

كيدر . يالكنز اجر آتی دها بويوك مقياسده اولور . مثلا ؛ هوايه

و دشمنك اوزون منزلی طوبلرینه قارشى قورونقى ایچون ، مختلف
قوللره آیریلنی ضرورتی حسن ایده جکدر . و بر چوق حاللرده
طوغریدن طوغرییه (محاربه آچیلمه سی) یاه جکدر . (*)

ب — آچیلمه ده

۲۵۳ — آلايك استناد ایده جکی ملاحظات و آچیلمه امرینك
محتویاتی همان طابور کی کیدر .

بالکیز آلایلرده شونلرده علاوه دوشونولمسی و یاییسی لازمدره :
(آ) آلایده آچیلمه نك آره لق و مسافه تعینی صورتیه یاییسمی
آنحق ، بك طار ، و یادوز و پروفسر اراضیده ممکندر .
شوحالده : ایلک خطلرده کیلره یورویش استقامتلی و بریلر .
کریده بولنه جقلرك طرز حرکتلی آریجه تصریح ایدیایر . (معین
برزمان ایچون بر یرده می بکله یه جک ، یوقمه ، قدمه قدمه ایله می
ایلرله جک)

(۵) قورونقى ایچون طاقم و بلوك بر قوله یورو مکده باس کورمبورلردی .
چونکه بونلر کوچوك قطعه لدره . قولایقله اراضیدن استفاده و قولایقله شکل
تبدیللری یابارلر . طابورده ایسه : جزء تاملر آره سنده کی مسافه لری چوغالتقی
غزومنی حسن ایدیلکده ایدی .

آلای ایسه دهها بیوک و اویناقانی آغیردر ، اراضیدن استفاده سی قولای
دکدر . یناء علیه آنی بر تأثیر قارشوسنده در حال وضعیتنی تبدیل ایده من .
حومطلوب شکلی آلهماز . ایشه بوسیدن دهها بدایتدن شکلی تبدیل اتمیه مجبور
دلور .

ب (آلایده سوارای وارسه بونکله صورت مخصوصه ده کشفی ترتیب ایدر .

ج (امرنده اکثریتله طوبیحی بولنه جقدر . بناءً علیه بو طوبیحینک طرز حرکتی تعیین ایدیلیر . (مثلا آجیلیمه یی حمایه اینچون نروده حاضرلق وضعیتنده بولنه جق و یا خود نروده کوزله نه موضعه منه کیره جک)

د (طابورلرک پیاده و بومبا طوبلرله تقویه سی اکثریتله ایجاب ایده جکدر .

ح — حاضرلق وضعیتی

و یا

احتیاطلی حرکت

۲۵۴ — دشمنک اساسلی برصورتده یرلشدیکی تعیین ایدر ، فقط آلدینی وضعیت و ترتیبانی آ کلاشیلمزسه : اوزمان آلا ی حاضرلق وضعیتی آلیر .
یا خود تانی ابله یعنی قدمه قدمه حرکت دوام ایدر . (*)

(*) دشمنک وضعیتی شو طرز لوده انکشاف ایده یلییر :

۱ (دشمن حاضرلقسز وضعیتده بولنور : بوراده تعرضده سرعت ، متحله حرکت ترجیح ایدیلیر .

۲ (دشمنک ایجه یرلشمش و حاضر لاش بزحاله اولدینی و ترتیبانی ده اوکرنیلشمش ایسه اوکا قارشی تعرضده متحد حرکت ، رعنی حرکت ترجیح ایدیلیر .
بناءً علیه حاضرلق وضعیتی آلیر .

کړک حاضر لږق وضعیږي وکړ که احتیاطی حرکت لږده؛

(۱) کشف

(۲) مهم ترصد وحاکم نقطه لری الله ایتک خصوص لږینه اهمیت
ویریلیر .

د — یایلمه

۲۵۵ — طا بورلره کی قواعد کوره در . وامرده عیندر .

یا لکنز شو اساس لره دقت لازمدر :

(آ) طویچی آز و تعرض ساحه سی ده کنیش اولدینی نسبتده ،
طابور لره آغیر پیاده سلاح لری (پیاده ها و اولری و پیاده طویلری)
ویرمک ضرورتی حاصل اولور . بوصور تله آلا ی بر طاقم محاربه
ضرور لږینه آیریلیر .

بو محاربه غرو پلرینک مرکباتی امرک متنبده یازمقدن ایسه اولری ،
امرک کنارنده انقسام عسا کر اوله رق کو سترمک دها ایدر .

(ب) طابور لره آغیر سلاح لری ویرمکه برابر عینی زمانده بوسلاح لری
قسم کاپسینک نتیجه قطعه به زمانده بلوک قوماندانک امرنده طویل لاسی
تأمین ایډلیدر . بونک ایچون آغیر پیاده سلاح لرندن احتیاط
آیرمق لازم کله جکدر .

(ح) آلا ی امرنده کی یقین محاربه طویچیسنه بدایتده ویریله جک
وظیفه آنجق صومی اولور . مثلا :

(۳) دشمن یرلشمش و حاضر لاش فقط ترتیبانی معین دکاسه ، بوکا
تائی ایله قدمه قدمه یا فلاشیلیر .

نرده موضعه کبره چکی ، هانکی منطقه ده حرکت ایدن
هانکی قطعه بی حمایه ایده چکی کی . . .

طوپچینک آتش اداره سی : طوپچینک ترصدلرینه و تقدیرلرینه ،
وطا بورلرک کوسره جکلری احتیاجلره کوره تنظیم ایدیلر .

۲۵۶ — آلا ی قوماندانی احتیاطی ؛ پیاده ، آغیر پیاده
سلاحلری ابله (پیاده هاوانلری و طوپلری) ترکیب ایدرسه وضعیته
اونسبتده حاکم اولور .
بونلردن :

آ (آغیر سلاحلر ، مرکز نقلی تبدیل ایتمیه ، وایجاب
ایدن لرله یاردمه یارار . بونلردن سریع الحرکه قسملر تشکیلی اهمیت
مخصوصه بی حائزدر .

ب (پیاده احتیاطلری ایسه الده بونلردر . (*)
بونلردن آکلاشیلیورکه ، آلا ی احتیاطی اکثریتله بر برده
وبر قوماندانانلنده طوپلانه من . ویتفرق وضعیتده بونلور .

هجوم

۲۵۸ — طابورده کی اساسلره کوره در .
بالکنز بوراده کی فرق :

آ (امرنده کی یقین محاربه طوپچینک آتشی دیگر آغیر سلاحلرک
آتشلرله توحید ایتمی [*]

[۰] ۱ (آلا ی منطقه سنه تخصیص ایدلش اولان یقین محاربه طوپچینی
هجوم زماننده طوپچی قوماندانک امرینه کیرر . بناء علیه بوصفحه ده آلا ی
قوماندانی امرنده قالمش یقین محاربه طوپچینی وارسه اوکا امرایدر . فقط قاعده

(ب) احتیاطی، الك زیادہ درینلکده کی محاربہ ایچون محافظہ ایتمسی و هجومی الك زیادہ آتله تقویه ایتمسی در.

و - درینلکده کی محاربہ و تعقیب

۲۵۸ - درینلکده جریان ایدہ جک محاربہ بی بسلمہ مہ مہ و موفقیته ادامه مہ الك زیادہ قادر اولان آلایدر. بناء علیہ :

(آ) آلائی قوماندانی محاربہ اداره محلی ممکن اولدینی قدر ایلرده انتخاب ایدہ رک، وضعتی بالذات یقیندن کورمسی، طابور لرله ارتباطده بولونمسی آله جق اسیرلک سرعتله استجوابلرینی، تأمین ایتلیدر. بونلردن باشقه ایجاب ایدن استقامتله آلائی ارکانندن ضابط قومانداننده کشف قوللری کوندیرر.

هجومدن سوکره بنه اصرنه و یا منطقه سنه طولی ویریلر .

(۲) آتیده کی قاعده احتیاطلرک استخدای حفته تجربه ایله ثابت اولمش تقریبی بر حسابدر مجرا وسائلطیله تحکم ایدلش بر موضعه تعرضده :

(آ) طاقم و بلوک احتیاطلری آنجق هجوم موضعه واریجه به قدر ویرلش اولان ضایعاتی نلائی ایدر.

(ب) طابور احتیاطی : هجوم موضعنده کی قوتی تقویه ایدرک هجوم ایچون لازم کلن فائضی و بوسورتله هجومک موقعیته منجر اولسینی تأمین ایدر .

(ج) آلائی احتیاطی چار پیشمه (هجومدن سوکره) دن سوکره تعرض هدفنه وارمق ایچون دشمنک درینلکده ساحه سی داخلنده جریان ایدہ جک محاربہ بی ادامه مہ و بسلمہ مہ یار .

(۳) ایشته بوقاعده لر، مختلف جزؤ تاملرک احتیاطلرینک محل و زمان استخداملری و برپایه آلاینک محاربہ جزؤ نامی اولسی حفته بر فکر و برر.

ایشته بوسیدندرک آلائی احتیاطیله هجومی تقویه ایتلیدر

(۴) فقط بوقاعده لری هر یرده و هر زمان تطبیق ایدیلان . قاعده لر قولہ ضر . بونلردن باشقه احتیاطلرک بر جوق محله و صورنده طرؤ استخداملری وارندو ، (پی . تم . ۳)

ب) هجوم زماننده طوبلادینی آغیر اسلحه‌دن بر قسمی تکرار
طابورلرک امرینه سوق ایدر. وطوبجی ایله چکیلان ویا مقاومت ایدن
دشمنی آتش آلتنه آلدیرر .

۴) تانق تعرضلرینی ومقابل تعرضلری دفع وتوقیف ایدر .
وضبط ایدیلهدن چکیلان دشمنک مقاومت یووهرینی ضبط ایدر .

د) جیخانه اکالی ، خاصه مه‌مدر.

مدافعه‌ده

پیاده جزء تاملرینک سوق واداره‌سی

عمومی ملاحظه

۲۶۰ — پیاده جزء تاملرینک مدافعه‌ده کی وظیفه و طرز
حرکتلرینک آ کلاشیمسی ایچون اول امرده مدافعه سیستمی حقیقه
آئیده کی عمومی معلومات بیلنمیلیدر :

۲۶۱ — مدافعه ایچون یانلری یان خطلریله تحدید ایدلش ،
مدافعه منطقه‌لری ویرایر . بومنطقه‌ده درینلکنه ایکی په آبریلیر :

مدافعه موضعی، ایلری اراضی .

آ) مدافعه موضعی : دشمنک تعرضه قارشى الله بولوندیره جغفر
برلردرکه ، بوموضعک اوک کنارینه اصل محاربه خطی دینیر . بونک
کرپسنده درینلکنه ترتیبات آئیر .

ب) ایلری اراضی : اصل محاربه خطک ایلریمی اولوب

دشمن مدافعه موضعه تعرض ایچون بواراضیدن کچمکه مجبوردره .
 ۲۶۳ — مدافعه ایدن طرف دشمنی ممکن مرتبه ایلدی اراضینک
 اوزافلرنده قارشولامایه وبوصورتله ، اصل محاربه خطنه صورقنامهیه
 چالیشیر . بونک ایچون مختلف مانعلر احداث ایدر ، بومانعلر
 ایکی ماهیتده اولور :

(۱) دشمنک حرکاتی مشکلاته وئاخراته اوضراته جق ترتیلر
 وتشبیلر :

(آ) ایلرییه قوتلر سوق ایددرک، دشمنی اوزاقدن طوردیرمایه
 چالیشیلیر . بوکا ایلری سورولمش قطعه دیرلر . وعینی زمانده اصل
 محاربه خطی ایلریسنده بعض مهم نقطه لر طوتیلور ومدافعه ایدیلیر .
بوکا ایلری موضع دیرلر .

(ب) محاربه ایلری قره قوللری چیقاریلیر . بونلرله کندیسنی
 ستر ایتمک وکذا دشمنی طوردیرمایه چالیشیر .

(ح) الله کی سلاحلرک منزلا ریسه کوره دشمنی اوزاقدن آتش
 آلتنه آلیر . بوصورتله اوکانلفات ویردیرمایه وزده له مویه غیرت ایدر . بوکا
تعجیز آتشی دیرلر .

(۲) دشمنک تعرضی صورت مطاقه طوردیرمایه وعقیم براقایه
 معطوف ترتیلر وتشبیلر :

(آ) امحا آتشی : دشمنک تعرضه قالدق جنی بره توجیه ایدیلر جک
 و تعرضه کچمه سنه میدان وبرمیجک اولان آتشلردر .

(ب) توقیف آتشی : دشمن تعرضه قالدق دقن صوکره اصل
 محاربه خطک اوکنده وجوده کتیریلان واونی طوردیراجق اولان آتشلردر .

بوا یکی نوع آتش الدمه کی بتون اسلحه اشتراك ايدر . و بر بلان داخلنده تنظيم و اداره ايديلر .

(ح) دفع و طرد محاربه سی : دشمنی احما و یا تونیف آتشی ایله طور دبره مازسه ق موضع مزه شبهه سز چار با جقدر . ایشه اوراده دشمن ایله سوزکوه ، و آتش ایله قارشیلایشیرز . و موضع دن طیشاری چیقار تمایه جالیشیرز . بو مقصده یاپیلاجق محاربه دفع و طرد محاربه سی اولور .

۲۶۳ — کوریلور که مدافعه ده درینلکنه ترتیلر و بومیانده آتش متعلق تشبیلر اساسدر . بتون بو ترتیلر ، و تشبیلر ده موفقیت انجق اراضیدن ، آتشدن ، قازمه و کور کدن اعظمی استفاده نی تأمین ایدمک حاضر قلقلره و اجرا اتله ممکندر .

بناء علیه مدافعه ده (زمان ، و بلان [*]) بیوک رول اوینار .

۲۶۴ — اصل محاربه خطنک تثبیتی ، مدافعه ترتیباننده اساسدر . بو خط اولیه بریده و وضعیتده اولمایدیر که ؟ کریسی قوتلر من و سلاحلر منک ، مقصده موافق برطرزده برلشمه سینه مساعد اولسون ، و اوکی ده ، سلاحلر منک آتشله تماماً اوزتولسون . کورولور که ؟ مؤثر آتش ملاحظه سی اصل محاربه خطنک تعیینده حاکم اولور .

۲۶۵ — آتش قوتلرینک اساسی : طوبیجی ، و پیاده سلاحلری

آره سناده آغیر ما کنه لی تفنیکلر در . بناء علیه اصل محاربه خطنک وضعیتک تعییننده ایلاک اولو طوبیجی ترصدیه رنری اوندن سوکره آغیر ما کنه لی تفنک قطعه سنک ملاحظه لری و احتیاجلری مؤثر اولور .

[*] بلان : ایسی اولدن اطراف ایله دوشونوب حاضر لامق ، و تنظیم ایتمه دیمکدر .

دیگر سلاحر ، آنجق بوسلاحرك آتشرینی اكمال و تقویه ایدر .
و بوکا کوره تعیبه واستخدام ایدیلیرلر .

۲۶۶ — مدافعه ده اساس آتش اولدیغنه کوره ، اولاسلاحر و قطعه لر
آتش نقطه نظرندن تعیبه ایدیلیرلر . بو تعیبه و ترتیلردن چیقہ جق
شکله کوره درکه امر و قوماندا انقساملری تنظیم ایدیلیر . (نقطه
استناد ، مدافعه غروبلی)

۲۶۷ — هر چه تمامه برمدافعه منطقه سی ویریلیر . بو منطقه نی ،
نهایت سونکوسیه و کوکسیله مدافعه ایدر . فقط عینی زمانده آتشی
صاعه و صوله طاشیره ق صورتیله مجاورلر ده یاردم ایتک مجبوریتنده در .
بو صورتله برده آتش جبهه سی تحداث ایده جکدر . بوجهه مدافعه
منطقه سندن کنیشدر . ایشته بوسیدن مجاور محاربه منطقه لری اشغال
ایدن جزء تاملرک پلان دائره سنده بربریه آکلاشه لری لازمدر .

آ — حاضر لانه ایشلری

۲۶۸ — مدافعه ده اساسی برپلانه استناد ایدم جک حاضر لقلرک
بیوک برامیتی واردر . بو حاضر لقلرده ، هر جزء تاملک معین وظیفه لری
و مشغولیتلری واردر . بو وظیفه و مشغولیتلرک شکلی و شمولی ، او
جزء تامده کی سلاحرك ماهیت و قدرتلرینه تابعدر .

مدافعه حاضر لقلرنده دیگر حاضر لقلره نسبتاً بروصف مخصوص
واردر . اوده : ترتیبانده ، مادونلردن واقع اوله جق طلبلرک
اساسی تشکیل ایتمیسدر . ایشته بوسیدن آنجق بو طلبلر تضمین
ایدلکدن سوکره درکه ترتیبات قطعییت و امنیت کسب ایدر .

ایشته، ملاحظاته نظراً حاضر لقلر آئیده کی اجرا آتی احتوا ایلر:

(۱) اشغال پلاننگ تنظیمی

(۲) مدافعه

۳۶۹ — اشغال پلانی : موضعك صورت اشغاله متعلق اولان

آشایگی اساسلری احتوا ایلر :

(۱) اراضینك و منطقهك تدقیقی :

(آ) وضعیت و اراضینك حالنه نظراً دشمنك محتمل طرز تعرضی

و ترتیبانی .

ب (مدافعه موضعی نروده اولمیلدر ؟

ج (مدافعه موضعك اولك کناری (اصل محاربه خطی)

د (مدافعه موضعك منطقه لره تقسیمی .

ه (امنیت خطی ایله ایلری موضع اوله رق طوتواسی لازم

کلان یرلر .

(۲) قوتك و وظیفه لرك تقسیمی :

(آ) ایلری اراضی به سوق ابدیله جك قوتلر (کشف قوللری ، محاربه

ایلری قره غوللری ، ایلری موضعلری اشغال ایده ج قوتلرك)

ب (ایللك خطده بولنه جق قوتلر .

ج (احتیاطده قاله جق قوتلر .

د (ارتباط و مخابره و امر و قوماندا یرلرینك تعین و تنظیمنه

متعلق ایشلر .

۳۷۰ — مدافعه پلانی : آتش پلانی ، دفع و طرد محاربه لرینه

متعلق ایشلری محتویدر .

(۱) آتش بلانی :

(آ) مختلف سلاحك انقسام طرزلى و تمییه لری ، (اصل موضعه و ایلى اراضیده) و بونلره مستنداً اصل محاربه خطك اراضی اوزرنده تثبیتی .

(ب) سلاحك مختلف آتشلره (نهجیز ، امحا ، توقیف آتشلى) نصل اشتراك ابدہ جكلری .

(۲) بو آتشك یان آتشلره ، سینمش سلاحلره نصل تقویه

ایدیله جکی

(۳) مجاورلره معاونت ، متقابلان مجاورلك معاونت شكلى .

(۴) طیاره لره ، و محاربه آراهه لرینه تخصیص ایدیلان سلاحلر

(۵) آتش نقطه نظرندن مختلف سلاحلر آره سنده ارتباط .

(۶) دفع و طرد محاربه سی .

(آ) دشمنك موضعه کیرمسی قارشو سنده کریده طوتوله جق .

موضعلر .

(ب) احتیاطلره بایيله جق مقابل ضربه لر و مقابل تعرضلر .

بونلرك حاضر لائنسنه ، بایيله سنه ، حمايه سنه طائد تدیرلر .

ب — تحکیمات و کیزله مه .

۲۷۱ — یوقارلرده کی اساسلره کوره قطعاتك تمییه لری اجرا

ایدلد کدن سوکوره هر قطعه موضعی تحکیم ایدر . تحکیماتك شكلى ایچون .

(سوق . - ۳۵۵) ایله محورا تحکیمات تعلیمنامه سی لازم کلان .

اساسلری کوسترد .

۲۷۳ — بالکیز تحکیمات قطعہ بی ضایعاتدن تماماً قورتارہ منر .
عینی زمانده تحکیماتک دشمنک قرہ وھوا ترصدلرندن صاقلانسی
لازمدر .

بوکیزلہ مه ایچون تدبیرلر شونلردر :
۱ (منتظام شکلردن ، کوزہ چارہ جق یوکسکلکاردن اجتناب
ایتمک .

ب (اراضینک رنگنه ، وحالنه تماماً اویدورمق .
ح (چادیر بزلریله ، دالارله ، آغلرله ، اورتیمک
د (ساخته سپرلر وجوده کتیره رک دشمنی شاشیرتمق .
ه (دشمن طیاره لرینک آلجائمالرینه میدان ویرمه مک
کیزلہ مه مک طرز اجراسی ایچون (ص . ت . تع) قسم ۲ به مراجعت
۲۷۳ — مدافعه ده شو اوج شی عینی زمانده باشلار :

۱ (موضعی اشغال

۲ (کیزلہ مه

۳ (تحکیمات

پیاده مانعه لرینک مدافعه ده سوق

واداره سی

آ — حاضر لاءه

۲۷۴ — مانعه لر : اصل محاربه إحطنک اوکفی آتش آلانه
آله جق وجهله کند بلرینه ویرنش منطقه بی طونارلر .
وظیفه لری :

(آ) آوجی چوقورلری احضاری، وقت وارسه بونلری یکدیگرینه دبطایدیه رک یوواله قلبی، و موضعلرینک کیزلمسی.

(ب) آتیش ایشلری : مسافه لریک تخمین، استقامت لریک تمینی، میدانک تطهیری.

(ح) آتشلرینک اداره و تنظیمده بربرلریله (آوجی وخ . م . ت) آ کلاشمه لری، و منطقه لرینه مؤثر اوله جق آغیر سلاح لریک آتشلرینک، و مجاورلرینک آتیش ترتیدلرندن خبردار اولمه لری . (ارتباط)

ب — دشمنک تعرضنده

۲۷۵ — دشمن تعرضه باشلابوده سلاحلرینک منزله کیرنجیه موضعلرینی اشغال، ایدرلر و آتیشه باشلارلر. واک نهایت سونکولرینه مراجعت ایدرلر : آتیش اداره سی، مانعه قوماندانلرینه، وافراده عائددر.

ح — درینلرکده کی محاربه ده

۲۷۶ — دشمنی، مقابل ضربه ایله، یان آتشلرلیله طرد واصل موضعی استرداد ایدر. اوله مدینی تقدیرده دشمنی طور دیرمایه جالیشلیر. بووظائفه متعلق امرلری ماقم قوماندانی ویرر.

د — چوزولک وچکیلیمکده

ممکن مرتبه دشمنه سز دیرمکسزین و اراضینک مساعدمه لرندن

۱- استفاده ابله نذرلر ، قدمه ابله بربرینی مدافعه ایدرک کریه
چکیلرلر .

۲۷۷ — مانفهلر مدافعه ده :

(آ) کشف قولی .

(ب) امنهت وستر (محاربه ایلری قره غوللری)

(ح) کیزلنمش موضع اشغالی کبی (خ . م . ن) مانفهلر نده) مستقل
وظیفه لر آیلرلر .

پیاده طاقی

آ — حاضر لاندده

۲۷۸ — طاقم قوماندانی بلوک قوماندانیدن آله جنی امره کوره

ترقیات آیلر . بواصرک محتویاتی حقنده بلوک بخدمه مراجعت .

۲۷۹ — اشغال پلانی :

(۱) قوتک تقسیمی :

(آ) ابلک خطده بولنه جق مانفهلر .

(ب) احتیاط : طاقم قوماندانی کندیسنه براحتیاط تفریق ایدر .

جو احتیاط آتش ابله ابلک خطه یاردیم ایدر . ومقابل ضربه لر یاپار . ایجاب

ایدرسه ابلک خطی تقویه ده قوللانیلیر .

(ح) بلوک قوماندانیدن امر ایدیلش ایسه ، محاربه ایلری قره

غولی چقاریر و بلوک قوماندانلک تعلیماته توفیقاً محاربه ایلری قره .

غولنک حرکتی تنظیم و اداره ایدر . (*)

(*) امنیت (محاربه ایلری قره غول) خطی منطقه بی مدافعه ایدر . جک اک

بیوک قوماندان طرفندن تثبیت ایدیلیر . محاربه ایلری قره غوللری چیقاریلسی

(۲) موضع یرلشمه :

(آ) مانغه لری درینلکنه ترتیب ایدر . [۰] بوتربیک شکلی تعیین ایدر جک عامل اصل محاربه خطک اوکنده آتشزیر بر اقلمامسی ملاحظه سیدر . بونک ایچون اول امرده (خ . م . ت) مانغه لری یرلشدیریلیر . دیگر آوجی مانغه لری یرلشمه طرز لری اولرله اویدورولور . بوصورنله اصل محاربه خطی صورت قطمیده تثبیت ایدیلش اولور .

(ب) بویرلشمه نتیجه سنده ، طبیعتله بر طاقم کومه جک لر وقوعه کله جکدر . موقع اعتباریله بر برینه یقین ، و وظیفه لری ده مشترک اولان بوکی کومه لردن (استناد نقطه لری) تشکیل ایدر . شاید اغیر اسلحه نیک تعیه لری نتیجه سنده ، بو کومه لری اده سنه کیرمشلر اولورسه اولرده بونقطه استنادلره ادخال امر و قومانداسی طاقم قوماندانه تودیع ایدیلیر .

(۳) موضعک تحکیمی و وضعیتک کیزله نسی .

(ا) اشغال ایله برابر تحکیمه و کیزله نسیه باشلانیر . بونک ایچون ساخته سپر لر وجوده گتیریلیر . ماسکالر یاییلیر . (چادر بزلری ؛ وظیفه سی امنیت خطنک یقینانی نسبتنده کوچک قطعه لره ترتیب ایدر . بویرلشمه کوره مثلا آلائی قوماندانی امنیت خطنی تثبیت و امر ایدر . فقط ایلمری قره غول قوتلری نیک چیاریلسی نهایت طاقلره انتقال ایدر بیلیر . قاعده محاربه ایلمری قره غوللری چیاره جی اولان قطعه نیک محاربه منطقه سی مذکور خطه قدر تمهید ایدیلیر .

(*) مدافعه ده درینلک چوق مهمدر . چونکه آنجق درینلک سبابه سنده متعاقب مقاومت ممکندر . اگر هپسی ایلمک خطده بولوندر بر سه ق دشمن ایلمک خطی آلماسیله برابر بونون قوت الدن کیتمش و موضع قولایقله ده لینمش اولورده

دالار ؟ اوتلرله) فقط بوكا مقابل موضمزمك طوبجيمز طرفندن ايني .
فرق ايدلسي ايچون . دشمنه كيزلي فلامه لر ركز ايديلير .
۲۸۰ — اتش پلاني :

(۱) مانغه لرك اتش استقامت لر ينك بر بر ينك ايچنه كيره جك وجهله
تنظيمي

ب (مجاور طاقلره طاشيرمه اتشيله يارديم .

ح (ديكر اغير سلاحلرله ارتباط .

د (طياره به قارشى اتش ايدمه جكلرك تعييني .

۲۸۱ — بونلردن سوكره طاقم قومانداني آلام اشارتي شيت .

كيجه وكوندوز احتمالات مختلفه به كوره التان ترتيبانك نه وجهله تطبيق .
ايديله جكني تعيين ايدر .

ب -- دشمنك تعرضنده

۲۸۲ — دشمن طوبجيسي آتسه باشلاينجه ، بدايتده بو آتشدن .

قورونمق چاره - ني آرارلر . حتى ، بومقصدله ، يووه لر ينك ، وياخود
چوقورلرينك خارجه دنخي جيقه بيلير (ايلري به وپانه اولمق شرطيله)

ج — درينللكده (دفع وطرده محاربه سي)

۲۸۳ — دشمنك موضمه كيرمسي حاله . بر طرفدن اوني

طورديرمايه چاليشمق ديكر طرفدن مقابل ضربه لرله دشمن طرفدن
ايتك لازمدر . بو ضربه لر نه قدر سريع اولورسه او قدرده مؤثر
اولور .

د - چوز وملك چكىلمكده

۲۸۴ — سزدير ميهرك ومانغلهر بربرى حياه ايدىرك دشمندن
چوزولونير. بوجوزولما بدايتده خ . م ت لرله حياه ايديلير . بونلرده
قوتلى كشف قوللاريله ستر ايديلير .
۲۸۵ — برنجى خطده بولونميان طاقم ، بلوك قوماندانك
احتياطي ديمكدر .

وظيفهسى :

آ (ايلك خطده كيلرله كوز ارتباطنده بولونمق .
ب (ايلك خطى تقويه ايچون (كيجه ، كوندوز) آتشدن
مصون استقامتلى آرامق .
ج (ايلك خطه آتشله يارديم ايتك .
د (مستعجل ، ومهلك زمانلرده احتياط طاقى كنديله كندن
ايلك خطى تقويه ايدى بيلير . ومقابل ضربه ياپار .

پياده بلوكى

آ — حاضر لاءده

۲۸۶ — بلوك قوماندانى طاقلارك ترتيباتى بوميانده نقطه
استنادلارك نلردن تركب ونصل تشكىل ايدى جكى طاقم قوماندانلاريله
يولكده اراضى اوزرنده تثبيت ايدر :

۲۸۶ - اشغال پلانى

(۱) قوتك ومنطقه نك تقسيمى :

آ) محاربه ایلری قره غوللری (زردن چیه جفی) ۲۷۹. نجی.
ماده نك حاشیه دقت. [*]

ب) ايلك خطمه بولونه جق طاقلر ومدافعه منطقه لری. نقطه
استاد لر.

ح) احتياط طاقی ویره ی.

د) ارتباط ومخابره: طاقلرله، طابورله، آغیر سلاحلرله
(مقرر اشارتلر، ضیا وسائط مخابره فشکری، خبرجیلر، مخابره
زنجیرلری).

ه) جیخانه اکالی [*]

و) یاره لیلرک نفی:

قاعده آوجی یووه لرینک کریسه نده و مناسب یرلرده مجروح
یووه لری نثیت ایدیلر. وبورالرله، قلمه صارغی محللری آرده سنده
مناقله تنظیم ایدیلر.

۲۸۷ — مدافعه پلانی:

۱) آتش پلانی.

آ) جهه ایلریسی آتشنزقالیه جق وجهله ايلك خطمه کی طاقلرک
واحتياطك نقطه استادلرک آتش فعالیتلری، وبوکا نظراً بلوک

[*] محاربه لرده آئیده کی ترتیبات موفقیته تطبیق ایدیلش برشکلدر:

آ) مانعه لرک جیخانه لرک اکالی.

ب) احتياط اوله رق مانعه لره برر صندوق جیخانه ویرلسی.

ح) محاربه قدمه سنك محتویاتی ایله برجیخانه اکال یره ی (ده بوجق)

تأسیسی.

د) محاربه قدمه سنك ده طولو بولونديرلای.

یورتیبات جیخانه نك اوچ دفعه اکال ایدیلسی تأمین ایلر.

جبهه سنده کی اصل محاربه خطنی تثبیت ایدر .
 ب (توفیق آتشی خارجه ده اوزاق مسافه لره آتش ایده جکلری
 تعیین ایدر .

ج (مجاور منطقه لره طرز معاونت (طاشیرمه آتشلری)
 د (آغیر سلاحلرک آتشلری و بونلرله برلکده تأثیر شکلی
 آکلاشه رق تعیین ایدر .

ه (طیاره لره و محاربه آرا به لرینه قارشی تدابیر : (خ . م . ت
 کسکین نشانجیلردن مرکب غروپلرله) . طیاره به قارشی احتیاطده کی
 سلاحلر ، محاربه آرا به لرینه قارشی ایسه صورت عمومیه ده ایلك
 خطده کیلردن مأمور ایدیلیر .

۲ (دفع و طرد :
 احتیاطک بونقطه نظره کوره آله جنی وضعیت و ترتیبانی تعیین
 ایلیر .

د — دشمنک آمرضنده

۲۸۸ — مقرر اشارتلر ویره رک آغیر سلاحلرک آتش آچه لرلی
 تأمین ایدر . فقط بلوک بدایتده مستور بولونور . دشمن یاقلاشنجه
 یلانه توفیقاً آتش آجیلیر .

ج — درینلکده (دفع و طرد)

۲۸۹ — بالذات احتیاطی ایله ممکن اولدینی قدر ، دشمنک یان
 و کر بسنه توجیه ایدیله جک مقابل ضربه لر یاپار . احتیاطده لزوم

کوردیکی تقدیرده هیچ امر بکله مه دن مقابل ضربه به قالقار [*] اکر دشمن مجاور منطقه به گیرمش ایسه، یاندن تضییق ایتک صورتیه یاردیم یاپار.

د — جوزولک وچکیلکده

۲۹۰ — بلوک آغیر سلاحلرک حمایه سیله جوزولور . وطاقلرک جوزولوشلری بربرینی حمایه ایده جک وجهله تنظیم اولونور .
(خصوصات سائر حقه ده طاقم بختنه مراجعت) .

مدافعه ده

آغیر ماکنه لی تفنک بلوکلرینک استحدامی و تمیه لری

آ — عمومی معلومات

۲۹۱ — آغیر ماکنه لی تفنکلر مدافعه محاربه لری ایچون الک قدرتی و قیمتلی سلاحلردر . بواعتبارله بوسلاحلر مدافعه موضعک اسکلتی (بل کیکنی) تشکیل ایدر .

[*] ۱۳۳۱ سنه منده انکیزلر تحکیماتی هنوز پک سطحی اولان فلاحیه موضعه نمرض ایتدیلر . موضعک صاغ یانده وک ۷ به منسوب ایکی بلوک طرفندن اشغال ایدیلش قسمی تقریباً ۲۰،۰۰۰ صرمی انداختله بومباردمانی متعاقب هجومله موضعه کیردیلر . بدنجی آلاپک بقیه پریشانیسی کری به چکیلدی . بونی کوردن ۱۱ . نجی بلوک چیکلنلری ده طویلاهرق بومبا ایله بره قابل ضربه یاپدی . وهنوز سپره کیرمش اولان انکیزلری بومبا ایله باسدردی . انکیزلر رجعتیه باشلادی . متعاقباً یتیشن ی ۴۳ دن برطابورک و طویچینک آتشله انکیزلر تقریباً ۴۰۰۰ پیک کییشیک ضایعات ویردیلر . بوحادثه هجوم ایدن برقطعه تک ایلک زمانده کی ضعفیتی، و مقابل ضربه ده کوستریله جک سرعت وجرآک تأثیر و قیمتلی کوستر .

مدافعه نك قطعی صفحه لرنده آغیر ما کنه لی تفنگلرک بلوک قوماندانلار
تنك امرلنده و ممکن اولدینی قدر طوبولو اوله رق استخدای اساسدره
ایشته بوسیدن بلوكت تعیه سندن بلوک قوماندانلار مسؤل اولدینی
کبی، مدافعه حاضر لقلرنده مومی الیهک مهم ایشلری و تأثیرلری واردره
مع مافیة : ایلری مقرزه لره ، محاربہ ایلری قره غوللرینه الحاق تمجیز
آتشلرینه اشتراك ایتک کی محاربہ وظیفه لری مدافعه محاربہ لرینک
ایلك صفحه لرنده انقاسی ضروری قیلار .

ب — ما کنه لی تفنگ بلوکی قوماندانلار حاضر لقلری .

واجرا آتی

۲۹۲ — ما کنه لی تفنگ بلوکی قوماندانلار طابور قوماندانلار
آله جنی تعلیمانه کوره . حرکت ایدره . دایه لرده وقت مساعد ايسه ،
طابور قوماندانلار ما کنه لی تفنگ بلوکی قوماندانلار کشفه مأمور ایدره .
وتیجه کشفیاتی طابورک آتش پلاننه اساس اولور . کشفیاتی شونلره .
تعلق ایدره .

۱ (ایلری اراضی اوزاقلرنده [*])

آ (دشمنک حاضر لاق وضعیتی آله جنی یرلر .

د (دشمنک محتمل طوبجی و ما کنه لی تفنگ موضعلری

[*] ایلری اراضی اوزاغی : اوزاقلقک مبدئی سلاحلرک منزللرینه کوره

ده کیشیر . ما کنه لی تفنگلرک (۲۰۰۰) متره اعتبار ایدیله بیلیر . ایلری
اراضی یقینی : توقیف آتشی ، منطقه سی یقینلری احتوا ایدره . تقریباً
۵۰۰ متره اعتبار اولنه بیلیر .

۷) دشمنك مستوراً تقرینه مساعد يرلر واستقامتلر .

وبونلرك زره لردن آتش آتسه آله جنی .

۲) ایلری اراضی یقینلرنده :

آ) یان آتشی یایمايه مساعد ومحتاج يرلر .

ب) دیگر آغیر اسلحه ایله کافی درجده آتش آتسه آله میان

يرلر . بناءً علیه بوبوشلقلری طولديرمق ایچون ایلری سورولسی لازم کلن موضعلر .

۳) موضع ایجریسنده :

آ) اصل محاربہ خطك وضعی .

ب) وضع داخلنده کی یووالر و نقطه استنادلرك محللری .

۷) آغیر ماکنه لی تفنكلرك موضعلری .



ج — آغیر ماکنه لی تفنكلرك انقسامی

۲۹۳ — بلوك قوماندانك بوكشفیانه استناد ایدہ جك قراره

كوره بلوك اشاغیكي انقسامه تابع اولور .

۱) ایلری قره غوله مأمور

ب) ايلك خطده بولنه جق

۷) احتیاطده [طیاره به قارشى حاضر . ايلك خطه یارديم . اندیركت

آتشلرینه ازجاج آتسه اشتراك]

د — آغیر ماکنه لی تفنكلرك موضعلری ویرلشمه لری

۲۹۴ — آغیر ماکنه لیلر بلانہ ومختلف احتماللره نظر آتمددموضعلر

حاضر لامالیء ویا مالیدر .

بوموضعلرك انتخاب ، انشاسنده آشاغىكى ملاحظه لاساس اولور :
 (آ) يان ومقاصلامه آتشنه مسعد اولميدور .
 ب) مختلف احتمالاره كوره دريندگنه بر جوق موضعلر
 حاضر لائميدور .

ج) موضعلر قره دن وهوان كورولما ميدور .
 بو اساسلره نظراً ما كنه لي تفنك موضعلرى طابورك منطقه تقسيانيله
 مقيد دكلدر . حتى ايجاب ايدرسه مجاور موضعلره تجاوز جائزدر .
 خاصه كيزلهمه يه اهميت ويرهك لازمدر . آنجق كيزلهمه سايه سنده دركه
 ما كنه لي تفنكلر تخريبين كنديلرين قورتايرلر ؛ و باصقين حالنده
 آتش آجه بيلير .

ه — جبخانه اكالني متملق حاضر لقلر .

۲۹۵ — جبخانه اكالني ايچون موضعلرك وضعيت عموميه لرينه
 كوره متعدد (اكال يرلري) حاضر لائمه ليدور . اراضى دوز ايسه
 بوكيفت ضروريدر . بوتقديرده محاربه قدمه لري كريدن بو اكال
 يرلرينه جبخانه كتيردرلر . موضعه كي طاقلر ، جبخانه لريني بورادن
 آليرلر . بو اكال يرلرنده جبخانه لر شريدلنلش اولميدورلر . جبخانه
 اكالني خصوصنده هر قطعه ما كنه لي تفنكلره يارديمه مجبوردرلر .

دشمنك آمرضنده

۲۹۶ — آغير ما كنه لي تفنكلر بلانه توفيقاً آتش آچارلر .
 ايلرده بولناقلر ، تدريجاً چكيلير .

بلوكك، تعرضك مختلف صفحه لرنده كي فعالتي حقنده طابور
مچسته مراجعت .

مدافعه ده

پياده هاوانلري وطوپلري بلوكلرينك

استخدامي وتعييه لري

آ — عمومي معلومات

۲۹۷ — بونلرك استخدام لرنده شوملاحظه لراساسدر :

(آ) بونلر طوپچي و آغير ماكنه لي تفكرك آتش آلتنه آله مدقلري
پرلري دووه درلر .

ب (دشمنك قطي تعرض منطقه لرنده آتشي تشديد وتكثيف
ايدرلر .

(ح) منزللري كوچو كدر (وسطى ۱۰۰۰ متره)

۲۹۸ — ايسته بونلردن شو طرز استخدام ميدانه چيقار :

(آ) متفرق برحاله تعييه ايديلرلر .

ب (اوزاق مسافه لره آتش ايدمه لره آنجق كندى منزلى داخلنده
ايسه ، ازعاج واحما آتشلرينه مؤثر صورته اشتراك ايدر .

(ح) پياده طوپلرينك تانقلره قارشى پوصو موضعلرنده ، ومقابل
ضربه لر ايچون حاضرلق موضعلرنده بولونديرلسى اكثر يتله اك موافق
طرز استخدامدر .

ب — بلوك قوماندانلرينك اجرا آتي

۲۹۹ — بلوك قوماندانلري طرز استخدام حقنده تكليفاتده

بولنايلىمك اوزره آشاغيكى خصوصى نقطه نظرندن اراضى يي ودشمنى كشف

وتدقيق ايدرلر . بو خصوصده اول امرده آغير ماكنه لي تفكه قوماندانلريله آ كلاشمه لري لازمدر :

(آ) آتش آلتنه آله حق ، منطقه و هدفلك حالي

ب (بونلره نظر آنزلرده موضعه كيردجكلردر . ترصد موضعلري . نره لرده اوله جقدر .

ح (نره لرده حاضر اق وضعيتنده بولنه حق ، و بورادن آتش موضعلرينه فصل كیده جكلردر ؟

د (آتیش حاضر لقعلري (توقيف ، احسا ، تعجيز ، و محاربه آرابه لرینه قارشى)

ه (آلاى ايله منطقه سى داخاندە بولوندينى قطعه ايله وطوبجى ايله ارتباط .

و (جيجخانه اكالى .

ح — پیاده هاوان و طوپلرينك اقساملري

۳۰۰ — آلاى قوماندانى بوكشفیه ته نظر آن بونلرك اقساملرينه .
وتعبیه لرینه امر ايدر :

۱ (ايلرى قره غوللره ویريله جك طاقم ویا طوپلر .

۲ (ايلك خطده بولنه جقلر . بونلر آواسنده دشمن تانقلرينه قارشى قوللايلاجق ، پیاده هاوانلری و طوپلری تعیین ايدرلر .

۳ (احتیاطده بولنه حق قسملر .

د — موضعلری ویرلشمه لری

۳۰۱ — ماكنه لیده اولدينى كيدر . يالكز بونلرده شو

تھولايقلر واردر :

(آ) بونلرك موضـعلرى قابالى اوله جقدر . اونك ايچـون قره
ترصدندن قورقوماز .

(ب) محرکلى ديكدر . بناءً عليه الك يقينده اولسه دخی ،
آشـيرمه ايله آتیش يايغالرى ، وهرىرى قولايقله آتش آلمهلى ،
ممکندر .

ايشته بونك ايچون بونلر ، صورت عموميه ده عارضهلى ، وجوقور
اولان اقسام قارشوسنده بولونديريلر .

(ح) حاضرلىق موضـعلرندن آتش موضـعلرينه يا خود ، بر آتش
موضـعدن ديكر موضـعه سرعتله وقولايقله كيشه لرى تأمين ايديلش
بهره موضـعه آتش حاضرلقلى يايلمش اولمليدر .

ه — حېخانه اكلانه متعلق حاضرلقلى

۳۰۲ — ما كنه لیده اولدینی کییدر :

پیاده طابوری

عمومی معلومات

۳۰۳ — مدافعه ده پیاده طابورلرینك حاضرلقلى پیاده
متعلق استحضاراتك اساسی تشکيل ایدر . چونكه پیاده آتشنك
محرکز ثقلنی تشکيل ایدن آغیر ماكنه لی تفشكر پیاده طابورنده دره
بناءً عليه اصل محاربه خطی اراضی اوزرنده و قطعی صورتده طابور
حرفندن تنیت ، و آتش پلانی تنظیم ایدیلر . پیاده طابوری قوماندانك
یو اجرا آتی ، آلیك آغیر اسلحه سنك ، و طوبچینك ترتیبات و

و استحضار اتنده اساس اولور . ايشته بوسيدن طابور قوماندانی
خاصة اراضی اینی تدقیق ایتلی حاضر لقرینی ده بوکا کوره یایمه لیدره

طابورک حاضرلق پلانلری

(§ ۲۸۰) به دقت

آ — اشغال پلانی

۳۰۴ — اشغال پلانی اراضینک تدقیقی ، وقوتک اوکا کوره
تقسیمی ایشلرینی احتوا ایدر .

(۱) اراضینک تدقیق : وقت مساعد ایسه موضعک ایلر یسفی
و ایجریسفی ایجه کورور . دکل ایسه عمومی برکوروشله اکتفا ایلر .
وبوکا نظراً شونلری تثبیت ایدر :

(آ) بعض نقطه لری کوستریلک شرطیه آلایدن بیلدیریش اولان
اصل محاربه خطنک طابور جبهه سنده کی عمرمی کندکاهی ،

(ب) دشمنک یا قلاشمه سینه مساعد اراضی آقشامی ، و تعرضه
مساعد نقطه لر .

(ح) کشف و امنیت استقامتلری و خطلری

(د) دشمنک تعرضی

(۲) قوتک و مدافعه منطقه سنک تقسیم :

(آ) کشف و محاربه ایلری قره غولنه مأمور قوتلر :

بونلری بلوکارمی چیقاره جق ، یوقسه بالذات کندیسیمی کوندره جک

کندیدی چیقاره جق ایسه هانکی قطعه دن اوله جق ، قوتی آغیر
اسلحه ایله تقویه ایدیلوب ایدایه جکی . (دشمن یقین ایسه ، بونلرک
چیقاریله سنده اونستده نجله ایتک لازمدر .)

ب (برنجی خطاده بولنه جق بلوکری ، بونلرک محاربه منطقه لری
ح) احتیاطی ویرلری .

د (ارتباط و مخبره ایشلری .

ه) جبهه خانه اکالی (محاربه آغیرانی نروده بولنه جق بلوک محاربه
قدمه لری نروده دن اکال ایدیه جک و نروده بولوندریله جق)
د (محاربه اداره یری .

۳۰۵ — ایشه بواجرا آتله موضع اشغال و امنیت استحصال
ایدیش اولدی .

ب -- مدافعه پلانی

۳۰۶ — بوندن سوکره موضعک مدافعه پلانی تنظیم ایدر .
بوده آتش و دفع و طرد پلانلری مختویدر .

آتش پلانی

۱ (سلاهلرک تعبیه سی ، واصل محاربه خطک ثبنتی [*]

آ) پیاده بلوکری (مدافعه غروبلری) آغیر ماکنه لی تفک

بلوکی ، و طابوره مربوط دیگر آغیر سلاهلرک قوماندانلر ، برابر اولدینی

۰ اصل محاربه خطی آلایدن صورت عمومی ده بیلدیرلشدیر . بو خطک
[طابور جبهه سینه ، هادف اولان قسمک اراضی اوزرنده کذرکاهنی تعیین

حالده وضعیتی تدقیق واول امرده ما کنهلی تفشکلرک موضعلری ،
وصوکره دیگر سلاحرک موضعلری تعیین ایدیلیر .

ب) بونلره نظرأ اصل محاربہ خطی اراضی اوزرنده تثبیت ایدیلیر .

۲) آتشک تقسیم وتنظیمی :

آ) کیملر نرهدن دشمنک کریرینه (اوزاق و یقین) ازعاج
آتشی یایه جقلردر .

ب) امحا آتشی نصل و نرهدله یایله جق .

ح) توقیف آتشی منطقه سی نصل آتشی آلتنه آلتنه جق ؛

د) مدافعه غروب لری و آغیر اسلحه بربرینک اوکنی نصل آتشی
آلتنه آلتنه جق .

ه) مجاورلرک منطقه لرینه طاش-یریله جق آتشک ، طاشیرمه

درجه سی

و) طیاره لره و محاربہ آرا به لرینه قارشی کیملر حاضر اوله جق

ز) سینمش ما کنهلی تفشکلرک طرز حرکت لری .

دفع و طرد پلانی

۱) دشمنک موضعه کیرمسی حالده طرز حرکت حقه ده شونلر

دوشونیلیر :

ایم- طابور قوماندانک وظیفه سیدر . بونک ایچون شوسوآلی کنددی کندیمزه
صوره جفن ؛ بواصل محاربہ خطنک طابور منطقه سه مصادف قسمنه نصل
وضعت ویرمه که ، اوخطک اوکی سلاحرمنک آتشی لریله اورتولسون ؛ بو سوآله
جواب ویرمک ایچون اول امرده اراضینک حالنه نظرأ سلاحریمزی (آغیر
ما کنهلی تفنک ، خ . م . ت . پیاده) الک مساعد و موافق وضعیتده تعبیه
ایده رز . بوتعبیه نتیجه سنده اوکی تمامأ آتشی آلتنه آلتان خط اصل محاربہ خطی
اولور . شبه سز بوخط آلایدن ویریلان چرچیوه داخلنده اوله جقدر .

(آ) احتیاط زده بولنه جق ونصل مقابل ضربه یا با جق .
 (ب) ایلاک خطی ترکه مجبور اوله جقلر زده لرده طوته جق .
 ۳۰۷ — بوایشلری بیتد کدن صرکه طابور قوماندانی جهه سفی
 و آتش پلانخی کوستر بر قروکی نی آلا ی قوماندانه و یقین محاربه
 طوبیجیسی قوماندانه تقدیم ایدر . بوقرو کیده ، توقیف آتشنک حدودی
 آتشلرک زده لرده کثیف و زده لرده ضعیف بولوندیغی کوستریلرکه کرک
 آلا ی و کرکه طوبیجی آتشلرینی اوکا کوره تنظیم ایتسونلر . عینی
 زمانده محاورلرله ده آ کلاشه رق ، ایکی طرفک آتش طاشیرمه لری شکلی
 تثبیت اولنور .

ب — دشمنک تعرضنده

۳۰۸ — حاضر لائش پلان داخلنده مقابله و حرکت ایدیلیر .
 هجومه عینی زمانده محاربه آدابالری و طیاره لرده اشتراک ایدرسه او
 زمان آتش اداره سفی بو مختلف هدفلرک کوستر دکبری تهلیکه به کوره
 اولور . هر حالده آتش اداره سفی جائلی قوتنک احسانه معطوف اولمیلیدره
 (بیا . نع . ۰ ۱۲۹۴۱:۳۸)

ج — درینالکده (دفع و طرد)

۳۰۹ — دشمن مقابل ضربه لرله دفع و طرد ایدیلیر . بونک
 ایچون احتیاط استخدام ایدیلیر .
 ما کنه لی تفشکر : کرک درینلکنه اوله رق کرلرده موضوع

وگرگه سینمش ماکنهلی تفنکله ، دشمنك ایلرله مسنه مانع اولورلر
واییله جق مقابل ضربه لره یاردیم ایدرلر .
بناءً علیه مقابل ضربه نك زرده ونه زمان یاییله جفندن ماکنهلی
تفنکله درحال خبردار ایدیله لیدرلر .

د -- جوزولمك وچكيلمكده

۳۱۰ — طابور قدمه قدمه جوزولور . پیاده نك بوچكیلیمش
ماکنهلی تفنك حایه ایدره . ماکنهلی تفنك ده حایه آتشنه فاصله ویرمه جك
وجهله قدمه لی کری کیدر .
چکيلمده حرکات سائر بلو کده اولدینی کییدر .
۳۱۱ — طابورك مدافعه فعالیتنه متعلق لوحه مربوطدر .

جیخانہ اکمالی

۳۱۲ — طابور قوماندانی کندى محاربہ آغیرلنی ایله بلوکلرك
جیخانہ لرینی اکال ایدر . اکثریتله بوتدیركافی گلز . بناءً علیه جیخانہ
قولارندن ، یاخود آلايك خفیف پیاده جیخانہ قوتندن موضـمك
کریسی یقینلرینه قدمه لر سورولمسی تامین ایدیله لیدر . بوقدمه لرله
محاربہ قدمه لری آراسنده نقلیه کیفیتى تنظیم ایتمایدر .

صحیه تعیمیه سی

۳۱۳ -- محاربہ نك مختمل شکل جریانته کوره ، قطعه صارغی
حکمتك بولته جفی یری صورت عمومیه ده تعیین ایدر .

طابورك دو قوتوری، بو محاربه ضعیته كوره، ایلک خطك جوارنده.
 بلوكلرجه تثیت ابدلش اولان مجروح یووه لرینه تسكره جیلری سوق
 ایدر. و آرابه توقف محلی ایله جریان ایدهك مناقله نی تنظیم ایدر.

پیاده آذنی

۳۱۴ — آلا ی پیاده هاوانلری، و طوبوری کی آغیر-سلاحلره
 صاحب اولدیغندن ماعدا امرینه ویریلک و یا منطقه-سینه تخصیص
 ایدیلک صورتیه ده طوبجی ایله طوغربدن طوغری به علاقه-ددر.
بناء علیه وظیفه سی : طابورلرک احتیاج و آرزولریله طوبجینک
 احتیاج و طلبلرینی تأمین و تألیف ایتمکدر.
طوبجینک اساس احتیاجی : این ترصدیه لرلریدر. بناء علیه اصل
 محاربه خطی تعیین ایدیایرکن، بو خصوص نظر دفته آلتیر.
طابورك احتیاجی : کندیسنه آتشجه معاونت ایتسیدر. بوده
 طوبجی ایله، (پیاده هاوانلری، پیاده طوبلری) کی پیاده آغیر
 سلاحلریله تأمین ایدیایر.

آلا ی قومانداننک اجرا آتی

آ — حاضر لانه ده

۳۱۵ — اشغال پلانسه متعلق ایشلری :
 (طوبجی قوماندانیه آکلاشه رق اصل محاربه خطنک تثیتی.

- ب) محاربہ ایلری قره غوللری ایله کشف خطلرینک تعینی [*]
 ج) مدافعه منطقه سنک طابورلر آرمندہ تقسیمی . واحتیاطک
 تفریقی ویرینک تعینی
 د) آغیر اسلحه نك طرز استخدای . (طوبچینک آتشی اکیال
 ایتمک ویاخود مستقلاً برجهه ویرمک صورتلرندن بریسی)
 ه) ارتباط و محاربہ
 و) جبخانه اکیالی (امرندہ پیاده خفیف جبخانه قولی وارسه
 اوانک بری و طرز حرکتی)
 ز) محاربہ اداره یاری .

مدافعه پلانی

- ۳۱۶ — آتش پلانه متعلق ایشلر : بوایشلر ، طابورک
 حاضرقلرینه و آرزولرینه استناد ایتدیریلیر . و بونلری احتسوا
 ایدر :
 آ) توقیف ، و احما آتش منطقه لری ، بونلره اشتراك ایدمک
 طویجی مقداری و انواعی .
 ب) تعجیز آتشی : چیدلره ، دشمن منطقه سندن مهم نقطه لره
 طویجی و احتیاطلرده کی، طابورک آغیرماکنه لی تفککری استخدام
 ایدیلرک)

[*] محاربہ ایلری قره غوللری چیقارمق اساس اعتبارله طابورلره عائد
 اولور . یالکز امنیت خطی و طابورلرک امنیت قطعه لرینک طرز حرکتلری
 حنفده تعلیمات ویریلیر . بعض حالاتده آلایک مستقل ایلری قره غول قطعه لری
 جويا ایلری سورولش مفرزه لر آیره بیلیر .

ح) محاربه ایلری قره غولارینک طرز حمایه سی : پیاده هوانی «
و پیاده طوپلرینک استخدای : طوپچی آتشی ا کال و یا خود کندلرینه
مستقل منطقه ویریک یا خود محاربه آرابه لرینه قارشى حاضر بولونتی
صورتلرله اوله جفته نظراً آتش منطقه لری و موضعلری . [*]

ه) محاربه آرابه لری و طیاره لرینه قارشى تدابیر . (پیاده
هوانلری و طوپلری و احتیاط آغیر ماکنه لی تفنکی ، و طوپچی ایله)
و) طابورلرک فصل مشرک لرینک تأمینی ایچون تدابیر . (طابورلرک
متقابل آتش لرله ، و مجاور منطقه لره یاییله حق طاشیرمه آتش حقندمه
کرک مجاور قطعه لره و کرک کندی طابورلرله آکلاشمه)

۳۱۷ - دفع و طرد محاربه سنده :

طابورده اولدینی کیدر . احتیاطی و آغیر اسلحه سی خاصه
پیاده طوپلرینی اوکا کوره برلشدرمی ، و حاضر بولوندرمایدر .

ب - دشمنک آمرضنده

۳۱۸ - طابورده کی قواعد و حاضر لاش اولان بلاه توفیفاً

حرکت ایدیلیر .

[*] آغیر اسلحه دن پیاده هاوانلرله طوپلری اصل محاربه خطنک تعیننده
اوقدر مؤثر اولور . چونکه بونلر دیک صری بولیدر . بناء علیه هر طرفه
قولایقله آتش آلتنه آتی ممکندر .

شوالده اصل محاربه خطی طوپچی ایله آغیر ماکنه لی تفنک آتشرمه
نقطه نظرندن تثبیت اولنور . بونلرک آتش آلتنه آله دقلری و یا خود
آتشک کافی درجه ده کثیف بولونمینی برلرده بونلر قولانیلیر . شو حالده
آغیر اسلحه ک تعبه لری اک صد کره اجرا ایدیلیر . بوتقدیرده بونلرک
آتشری بر (ا کال) وضعبنده بولنور .

آنجق طوپچینک آزانی طولایسیله آتشسز قاله حق برلره مستقل بونلرک
تخصیصی جائزدر .

جیخانه اگالی

- ۳۱۹ — آغیر اسلحه‌نک جیخانه قدمه‌لری وارددر . فقط بوکافی دکلدر .
 بناءً علیه :
- آ) وارسه آلايك خفیف پیاده قولى يوقسه فرقه جیخانه‌قولى، موضعك کریسندە ایجاب ایدن یرلرده، ده‌پوجقلر تأسیس ایدر .
- ب) جیخانه قدمه‌لری و محاربہ آغیرلقلری جیخانه‌لرینی مذکور ده‌پولردن اگالی ایدرلر . بوسـورتله جیخانه قدمه‌سی و آغیرلقلر دائماً طولو بولونديرلیس اولور .
- ح) آلاي قوماندانی بوخصوصده تعلیمات لازمه ویرمه‌لیدر .

صکیه تعیه‌سی

- ۳۲۰ — اساس طابورلرکدر . فقط ، وضعیت مساعد ایشه ایلک خطده‌کی طابورلرک قطعه صارغی عملاری بریرده برلشدیریلیر .

اویالامه محاربہ‌لرنده پیاده

- ۳۲۱ — اویالامه محاربہ‌لری؛ نتیجه قطعیه استحصالی نتیجه‌سنه حورماز . فقط یاردیم ایدر عین جبهه داخلنده بعض قوتلر اویالامه حکلف اولورلر . بو محاربہ‌لرله :

- (آ) دشمنی شاشیرتمق
(ب) دشمنی باغلامق
(ح) وقت قازانمق

نتیجه لری بکله نیر .

بوده یا تعرضه و یا خود مدافعه ایله اولور .

جدی کورولمک ، فقط جدی محاربه یه قابیلماق بو محاربه لرك خاصه تمیزه سیدر .

دشمنی باغلامق ، و شاشیرتمق اکثریتله آنجق متعرض کورونمکله تأمین ایدیلیر .

۳۲۲ — بونوع محاربه لرده پیاده جزء تاملری ایچون خصوصی ماهیتی حائز ، سوق واداره طرزی یوقدر .

آتیده کی اساسلر هر جزء تام حقه ند قیاساً جاریدر :

(آ) بویوک جبهه لر طوتمق . بوسورتله بویوک قوب کورونمک و صاقلانمق .

(ب) آز پیاده چوق سلاح قوللانمق . واسلحه نك منزل لرندن استفاده ایتمک . و بونلرك صیق صیق موضع لرینی دیکشیدیره رك چوق کوسترمک و شاشیرتمق .

(ح) احتیاطی اوزاقده طوتمق .

۳۲۳ — بونوع محاربه لرده مقصدی افراددن ، و وضعیتی

دشمندن صاقلانمق لازمدر .

